

84(2рос-ко)
Т 61



Василий Торопов
**ТАЛУН
И АСКИ**



Василий Торопов

**ТАЛУН
И
АСКИ**



Висьтъяс



Сыктывкар
Коми книжнӧй издательство
1993

84.2Росб—4
Т 61

Торопов В. П.

Т 61 Талун и аски: Висьтьяс.— Сыктывкар: Коми книжной издательство, 1993.— 152 л. б.

ISBN 5-7555-0430-X

Дона ёрт, ичӧт морт!

Тайӧ книгасӧ автор гижис тӱянлы. Унджык висьтыс сӧні йитчӧма миянӧс кытшалысь вӧр-вакӧд. И абу весьшӧрӧ. Бӧрӧя кадӧ уна сӧрнитӧны природаӧс дорйӧм йылысь, морт ногӧн вӧдитчӧм йылысь. Унаӧн на олӧны талунӧя лунӧн, пыди оз пуктыны морт олӧмын природалысь тӧдчанлунсӧ, медтыкӧ налы талун вӧлі бур. Косьмӧны юяс да тыяс, пежасьсӧ сынӧд, бырӧ вӧр.

Вӧр-валысь аслыспӧлӧс мичлунсӧ позьӧ казавны волӧн быд кадӧ. Сы дорӧ радейтӧмыс, сийӧс гӧгӧрвоӧмыс мед эськӧ чужис ичӧтсянь, нэм кежлад йиджтысис сьӧлӧмӧдзыд. Таын тӱянлы отсаласны тӧдысь да гӧгӧрвоысь йӧз: бать-мамыд, ёртӧясыд, велӧдысьясыд. И гашкӧ, тшӧтш тайӧ книгаыс.

Ыджыд лача автор кутӧ челядь вылӧ. Тӱянлы нюжӧдны олӧмсӧ, вӧчны сийӧс мичаджыкӧн, кыпыдджыкӧн. Вӧчны бурсӧ, бырӧдны лӧксӧ колӧ талун, аски лоӧ сӧр нин. Гашкӧ, сы вӧсна и книгаыслы нимсӧ гижысь сетіс: «Талун и аски».

84.2Росб—4

Т $\frac{4803310100-011}{M 128 (03)-93}$ 28—93 м

ISBN 5-7555-0430-X

© Торопов В. П., 1993.

ТАЛУН И АСКИ



Дзирья

Кор Миша Лодыгинёс урокьяс бёрын ёртьясыс чукөстисны ворсны мачён, кык кывйён вочавидзис: «Ог эшты».

Сейыштём бёрын босьтис пила да ичөтик чер, мөлөт да көрт тувьяс суйис зептас. Асывнас, вала ветлігён, казяліс: Поля баблён дзирьяыс дөбелькиөдз важмөма. Со нопйён кытчөкө мөдөдчөма, луги-леги өдзөссө каличавны оз вермы, медбёрын бедьторйён пыкыштіс.

Миша куснясьыштіс дзирья дорын. Наперво мынтөдіс өдзөссө дзирьяс йывсьыс. Пёрысь мортөн көвйён көртавлөм сись бедьясыс гуль-гольмунисны. Мөлөтөн тотшнитіс пөперега пуясө — ёнөсь на, на дорө позьё на виль пөвьяс дорны. Но виль пөвьяс эз вөвны. Кытшовтіс керка гөгөрыс, пыраліс пес вевт улас, коланатор эз аддзы. Шуйс ветлыны стрөительяс дорө. Неылын, ыджыд туй дорын, найө вильдісны важ керка. Гөгөр разьөмны, куш стеньясыс кольөмаөсь. Тьөс, шифер и брус дзонь чукөрьяс вайөмны, важсө шыблалөмаөсь бокө.

— Но мый, Лодыгин, отсасьны воин?— төдіс сійөс таво тулысө школа помалысь. Уджалысьяс, тыдалө, буретш пажнайтөмаөсь, колскөдісны доминоөн.

— Кымынкө пөвтор эськө колі, мый оз шогмы аслыныд,— несмела шыасис зонка, кинас индіс лөп чукөр вылө.

— Дозйыд эм?!— бара горөдіс том мортыд.

— Ме сідз, кыин нуа, со кык керка кост,— Миша ещө на мыйкө көсийс шуны, но бокынджык пу-

калысь уска дядьö чеччис да нуодіс важ вөр чу-
көрлань.

— Бөрйы кутшөм колö, ставыс тайö бипурйö
мунас. Со мавтöмаось и быдөн,— мыччаліс детин-
калы вель кузь рейкаяс.

Миша мурталіс, пилитіс-орйөдліс рейкаяссö,
тырмымөм лои, тасъяс вылө на коли. Сөмын тай
мунысь-прөйдитысьяс манитöны, быдөнлы колö
шыасьны, вочавидзны.

— Талун йөзлы уджалан,— сувтовкерис сы до-
рö Поля баблөн суседыс. Зонка паськөдіс синъяс-
сö.

— Мыйла йөзлы? Поля баблы. Со киссьöма.
Коді сылы вельдас.

Эз на удит көрт тув тувъявны, мунігмозыс го-
рөдчисны кык том морт:

— Калым!

— Абу. Дзиръясö со дзоньтала. Понйөс ни кө-
заөс оз нин кут, град йөрсö куштасны. Öдзöсыс
велькодь лои, крепыд и. Коли öшөдны дзиръяс вы-
лө. Миша шатовтчис пысалігөн, сюръяас лои
мыджсьöма, а сійö сісь жö нин вөлöма му дорті-
ыс, пöри. Шөгөдіс детинкаөс. Кытысь босьтан кер-
помсö. Важсö сувтөдан — дженьыд лоö. Шунс ба-
ра ветлыны дзоньтасъысьяс дорö. Джынвийö вö-
чөм удж он эновт. Уска дядьöйд буретш öшинь
курич лөсьөдö, водздзык шыасис:

— Висьталі, унджык босьт. Эз тырмы?

Мишалы лои бара висьтасьны, кутшөм могөн
воис öні.

— И сэтшөм добра сюрас. Көні меркаыд?—
киняулас вайис ёнкодь на брус пом. Сэссия, тыда-
лö, артыштіс, мый ичөт мортлы вынвыв лоö нөбов-
тасыс, места вылөдз ачыс нуис. Öтлаын жö и сув-
төдісны сюръясö важ местаас. Бөр мунігас тай
дядьöйд юаліс:

— Көні нө батыд?

— Сійö? Уджалö. А тайö Поля баблөн керка-
ыс.

— Кутшöм классын көть велöдчан?

— Нельöдö вуджи.

— Ыджыд нин тай,— дядьö шылькнитис детин-
каöс юрöдыс, веськöдчис ыджыд туйлань.

Миша дөвöлен уджнас. Ылыстчыштöм бöрын
ещö на видзöдлiс вöчöмтор вылö. Сэки и казялiс
Поля бабöс. Турун нöбъя, сийö сувтiс выльдöм
дзирья дорас. Шензис, дерт: код нö пö дзоньталiс,
некодöс пö эг кор да.

Пеган

Менам ичöt дырйи колхозын став вöлыс вöлi
ötкөн олiгөн на быдтöмьясыс. Сидз и найöс тöдiм
важ нимьяснас. Шуам: Ёкмыль Сенька, Галь Пуг-
лöй, Край Саврас, Пиля Сөлөвей. Вöлины нейдж-
ыд тушаа вövьяс, но вынаöсь да дужöсь. Ставсьыс
туша-мыгөрнас торьялiс Тима Пеган. Мыйлакö сi-
йöс шуисны комилесскöйөн. Сийöсавны сийöс ков-
мылiс ящик вывсянь, юрсö гөгöра моз вывлань ча-
тöртö. Вожьяс костö пыртöдз прамöй дыр йökтас.
Дышыс да дуаныс туша-рожа сертиыс жö. Шать-
өн көть мыйөн он ыршась, оз кө öдсö содтышт-а. Сi-
йөн и челядь пиысь некод сийöс оз босьтлы, ёнджы-
ка мужичöй киö веськавлiс. А додьтö кыскö, көть
мыйта тэч.

Тувсов уджьяс помасьöм бöрын унджык вövсö
лэдзöны вöля вылö. Сэки Пеган нырщикалö, кытi
көсйö, новлөдлö вöv котырсö. Сийöс оз пык зыбун
нюр ни ю, ни лёк егырьяс. Арын став вövсö кута-
ласны, а сийöс некыдз оз вермыны, кытчöдз ачыс
оз во да гөрöкты конюшня дорын. Гöныс волялö
гуляйтiгөн, мыш вылыс жөлöбасьöма. Эг вунöд,
кымалiгөн нин вöv кызь йöртiсны пыш му йөрö.

Пеган өтнас коли, кутны некыдзи оз сетчы. Мужичөйяс лөсьөдчисны гезйөн топөдны потшөс пельөсө. Сийө шыннялө, тэрмасьтөг сувтис кыккокийыв, воддза кокъяссө вуджөдис вылыс потш сайө, морөснас лязөдис потшөссө муөдз. Мый нө комын пудья тушаыд! Кык вежон чөж на олөма зорөдьяс дорын, кытчөдз өтнассө гажтөмыс абу босьтөма.

Колө висьтавыны, аслас наянлун вөсна Пеган муртса эз згинит. Отиысь нырщикыд көсийөма веськыда вуджны Кузь-ты вомөн. Тыыс эськө абу сэтшөм джуджыд, но илья пыдөса. Зор тай сатшкан да помтөг пырө-а. Ён вөлыд шөрөдзыс воөма, сэсса бырөма жө выныс. Юрыс пө сөмын төдчө. Код төдас, мый дыра сулалис дорсьөминас. Моль вөтлысьяс казяласны. Висьысь морт моз пө киньгө, пөв кодь нин вөсни кольөма. Öдва и перьясны. Сувтис өд кок йылө, бара лои пач кодь, шыльыд да гөгрөс.

Мөдысь, вөрса прөсекөд вуджигөн, медводдзаяд веськалас йөралы октөм лэчкө. Но и тайө неминучасө венас. Кыйсьысьыс вөлөм дошлөй. Петляяс гөрөдалөма ён калябеч — коз пу майөг пом. Шедас кө йөра, мез оз джагав. Мед ловьянас позис ружьеысь чергөдны, сэки яйыс оз ло гырдөсь, вирыс пытшкас оз көвмы. Браконьер ачыс мынтөдөма пикө воөм кывтөм пемөсөс. Кытчөдз судзөма, орччөн сулалысь пуясысь Пеган став лыссө чирсөма-сөйөма, нитшсө йирөма муөдз.

Война пансьөм бөрын став пөрнөй мужичөйсө нуисны фронт вылө. Босьтисны колхозысь машина, а сэсса и бурджык вөвьясөс. Вит вөв пиын вөлі и Пеган. Ефим дед, колхозса конюк, ачыс вөзйысьөма колльөдны вөвьяссө көрт туй станцияөдз. Быдөнлы мыш вылас вожгөдөма зөр мешөктор. Бурьсыясас кыөмны уна рөма лентаяс. Сикт помын колльөдчысьяс сувтисны. Ефим дед вердис аслас быдтаслы сола нянь шөрөм, сывйыштис Пеганлысь

голясö. «Быдтöмтö и аддзылі... Но, эн ыръянит сэні...» — мыйкö ещö на кöсйис содтыны да, тыдалö, горшыс гөррдзасис, бергöдчис бокö. Мöдыс небыдик гöна льöбъяснас ниртчыштис дедлы пельпомас, муртса гогйöдлыштис юрнас, гөгөрвои пö.

Тадзи, мортъясöс моз жö, кольöдисны война вылö вöвъясöс. Йöз пиысь кö кодсюрö бергöдчисны, вöвъясöс сэсся эг нин аддзылöй.

Сьöкыд во

Шуöны: во вылö пö во оз лöсяв. Вотöса воöсюсь йöз ковмөн косьтасны да солаласны тöv кежлö. Сэки гожöмбыд и арбыд, лым усьтöдз, вочысьяслөн гөлöсьяс юралöны вöрын.

Кольöм во тулыс помыс вöлі гажа, лым сылöм бöрын зэрышталіс. Ас кадö петіс вежöд, вöрын и лудьяс вылын быдмөгьяс чöвтисны дзоридз. Но тайөн и ставыс помасис... Му веркöсöд гөвкъялысь ру цветитігас да гөррдзасигас ставсö орöдіс. Чöд ни пув тусь эз артмы, льöм ни пелысь. Муніг-прöйдитіг он кö мыйöнкö чöскöд вомтö. Медьёна, дерт, дойдіс вөрса олысьясöс, и медводз лэбачьясöс, кодьяс пöткөдчöны вотöсөн. Шаргысисны кольк пиысь сильöяс, а кокыштны веж турунысь кындзи нинöм. Позтырьяс вöліны тыраöсь, — эз öд тöдны мамьясыс, мый тадзи бергöдчас. Уна лэбач ар кежлö сідзи и эз вермы лыбны борд вылö. Бытьö кык пöv костын топöдöмаöсь, куш корпаыс коньөрьяслөн, веськавлісны зверлы пинь улö. Пöрысьджык дозмөрьяс, тарьяс да сьöлаяс ар помö петісны видзьяс вылö, веж корьясөн да турун кöйдысьясөн пöткөдчисны. Чукөрьясөн энөвтисны чужан местаяссö, а коді кольччис тövйöм вылö, кöдзыдьяс пуксьытöдз на вуджисны лыс да гар вылö.

Сьёкыд воыс майшөдліс и ошгъясөс. Тшыг нисьö пөт олігөн уна гос он чөж, а төлыс — ок ёна кузь. Торйөн энъясөс повзьөдліс, найö öд тулысладор пиасьöны гуын. Сусед висътасис: вөрса кушинö пö лун шөр лунын вит ош петöмаөсь, мөсьяс моз пö гум турун йирöны. Анькытш сора зөр сикт помысь некутшöма повтөг вежнас няшйисны-сёйисны, талялісны карта вольөсөдз. Путкыльттөм колода ни пузувттөм кодзувкоткар вөрны эз вөв. Посни пожöма ягъяс быттьö ыджыд писькөдчанөн розьөдлöма — лөзоват кыз лёльöяс перьялöмны.

Унджык ловъя лолыс нюръяс вылө сетчисны, вувзыисны турипув вылө (сйö сёрөнджык кисьмö да, тыдалö, лёк руыс абу мөрччöма). Турияс, дозмөръяс, байдөггъяс креста кокъяснаныс серөдісны васөд нитшсö. А кодкө лунö вотчысьяс вельдыр шензьöмаөсь неыджыд ош вылө. Зэв пö лёсьыда вутшъяссö лапанас сыналö, вомас лёдö борөмторсö. Сэсся пö нямлясьыштөм бöрын сьөлалө пув сорөн веськалөм нитшсö.

Ябыръяс да юрсиа кайяс матыстчылісны жö йöз оланінö, лун-мөд кытшлалісны сикт весьтөд, бөр ылыстчисны. Мый кокыштан, некутшөм туськө пуын оз тыдав.

Кутшөм жö серпас аддзам таво? Быдсяма вөтөсыс артмис, а вöрын олысьыс абу кольöма, сэтчө быттьö овтөм керкаö пыран. Сизь тай көнсюрö таркөдчö, кос пуыд сылы пыр эм. Весьшөрö пö вöралөм восьтісны,— шуö сусед. Менам нэмö пö вöлі нин татшöмыс, колö пö кык-куим во нөрөвитлыны, мед пö вöрыс бөр ловзис, рөдмис сэн олысьыс.

Петя Голосов

Пöльяс кужлöмаöсь бөрйыны оланіннысö. Джу-джыд керöсьяса шорсö быттьö нарошнö вына гөр-йөн юковтöмны-поткөдöмны. А бөрöзда пыдöсöд шор сяльгö. Лунвыв морöссö веськыда визьнитö-ны стрöйбаяс, шор пöлөн — быдөнлөн аслас пыв-сян. Челядь дырйи унджык кадсö тöвнас тані кол-лявлім. Босьтам конюшня дорысь турун кыскалан рöзваль додь, дасысь унджыкөн төрöдчам, лолыд ыркавлö кыр улас тövзигөн, мө-дар кыр йылöдзыс öднас катöдö.

Тулысын гортладорысь куз нин вотам — куш-мöма, а войвыв банас топалöм лымйыс кыза на жмутвидзö, ыркөдö сынöдсö, дыр на пычкö васö збоймöм шорлы.

А öнi раз-мöдлатi, гашкö, Петя Голосовлөн лызь туйыс шор логсö вомöналö. Грездöй чинны кутiс. Керкаяс разялöны, петкөдöны матысса сик-тö. Школаö ветлысьяс пиысь кыкөн и колим Голо-совкөд. Сийö велöдчö, ме велöда.

Туйыс верст нель кымын, джынйыс вөрти пись-көдчö. Кор лöсялам Петякөд, сёрниö пырöдча, мед дженьдöдны туй помсö, а сийö вочавидзас öти-кык кывйөн и ланьтас. Ме öтарсянь сы дорö, мөдар-сянь, а сёрни-басни некыдз оз пансьы, быттьö иган сайын кывйыс. Мөдарö, зильö колльчыны меысь.

Öтчыд петi школаысь, буретш гудыртчö вöли ывлаыс, восьлала ньöжйö, лунся мудзсö вылысь пыркöда. Лолавсьö кокниа. Тöлыс мыйтакö нетш-кöма пуяслысь коръяссö, лясöдöма кок улö. Водз-ысь, туй чукуль сайысь, мөдiс кывны гора гөлöс. Сувтовкери. «Вöрыс вывти-вывти уна, сыысь унаыс оз төр...» — гөлöсыс тöдса, но некодöс на ог аддзы. Содтыштi воськовъясöс — пуяс сайсянь казяли, Пе-тя Голосов вуджрасьö. Ньöти оз тэрмась. «Вот и кыв-вортöм», — мөвпала. Мургö-сёрнитö öтнас, пу-яс вылö чатрасьö. Эз вöv лöсьыд торкны сылысь

кыпалом ловсө, саймовтчөмөн ньөжйөник муна. Петя кежис ыджыд мыр дорө, дыркодь сэн мошко-ритчис. «Вот тайө да! 250 во быдмөма!— шыльк-нитис йывлань мыр дорысь пожөм пи.— А тэныд, дзолюк, кум арөс на и эм, кымын гожөм ковмас сөвмыны-быдмыны, мед этатшөм вөлін,— шуис мортлы моз, асыкө бертліс кияссө.— Сэтшөм жө багатыр кодь лоан, со тайө вөвлөм пыддиыс». Зонка карандаш и быдөн перйылөма мыр дорас ноксигөн, дасөн-дасөн пасьялөма вося кытшъяссө, пуыслысь быдмөм-кызөмсө лыддьөма, арталөма арлыдсө. Волысалөм книга тыра сумкаысь кындзи талун ки йылас тубрастор. Дерт, Палаш пөчлы магазинысь мыйкө ньөбыштөма. Аддзывла ме сийөс и пөрысь мортлы ва да пес пыртлывлігъясөн. «Вот тайө пу, сэтшөм пуыс тайө бур,— Петя чатөртліс юрсө сись кодь пожөм йывлань, шымыртліс кыкнан кинас пулысь дінсө, да кысь судзас сывйыд!— Уна жө тась добра артмас, а пескыд!? Пес вылө тайө оз убөлитны... Коді бара первойысь вөрсө көдзлөма-а?» И пыр тадзи, кытчөдз туйыс эз петкөд муяс вылө, ичөт морт ловъя ловкөд моз сөрнитис вөрыскөд: то пу дорө матыстчылас, то копыртчылас кутшөмкө турунъяс дорө, то вижөдөм коръяс зептас муысь тэчас.

Лои гөгөрвоана авъя детинкалөн лун-мөд-коймөд сайын шензьөдана поступок. Пестяөс төда бура. И мед инмөдчис кодлыкө чуньөн, лектор вөчис, висьталісны кө эськө, эг эскы. А сэки перемена дырйи зультөдөма ассьыс ыджыдджыкөс, витөд класса Костя Каневөс. Кыкнаннысө вайөдісны учительскөй жырйө. Канев бөрдө сыркъялөмөн. Кыдзи да мый тышыс пансьөма, мый мыжысь Голосов тадзсө вөчөма — кыв ни джын оз шу, сулалө юрсө копыртөмөн. Кыкнанныс чөв олөны. Классын сөрөнджык төдмалі: вөлөмкө, Костя чегъялөма школа йөрысь нинпу, кодөс Петя вайліс вужъяснас аслас грезд дорысь. Быд том пу дорын пөв-

торйö гижöма ним-овсö пуктысьыслысь, сійöн и торйöн бура челядь дöзьöритöны ассьыныс быд-тасьяссö. Тадз найö велöдчан вояс йылысь память-сö кольöны. Петяöс öдва мынтöдöмаöсь Канев до-рысь, кытчöдз мöдыс абу сетöма кыв — вайны да пуктыны сэтшöм жö пу.

Юрö воис и мöдтор — челядьлы гортö сетлöма-öсь удж. Юалöм вылö, кодi мыйöн көсйö лоны, Пе-тя Голосов помалöма гижöдсö татшöм кывъясöн: «...Мый сöмын öнi оз вöчны пуысь, вöрыс колö выв-тi уна. Но сійö абу помтöм. Колö уна-уна во, ме-дым дзоля петасысь лои ыджыд пожöм либö коз. Вөр-ва — йöзлөн бур ёрт, кужöмөн вöдитчигөн сi-йö унаторйöн козьналö мортöс. Йöз танi шойччö, кыпалö сылөн лолыс. Кöсья, медым пыр вöли тадз...»

Юсь

Порсь-ты дорö ме локтi октябрь водз помын. Ёнджыкасö кыйсян көлуйöс идравны, пыжöс кыс-кыштны йöз син водзысь. Нидзув доз, дерт, эг ву-нöд. Арын, ва көдзалöм бöрын, черияс чукöртчöны пыдö. Веськалан местаö, бара на кыян, торйöн ёкышъясöс.

Мудзöм вылад бура и узьсис. Асывнас садьми лыйсьöм шыясö. Тыдалö, утка кыйысьяс водз воö-маöсь, либö узьöмаöсь кöнкö мöдлаын.

Ты вылын кылисны кутшöмкö чилзöм-горзöмъ-яс, быттö пон чукөр увтчис-омлялис. Пукси пыжö да йöткыштчи шöрланьыс. Лым еджыд ыджыд лэ-бачьяс, гашкö, дасысь унджык, кытшлалöны-лэба-лöны ва вывтi, зэв нораа горзöны. Кузь туй вуджи-гөн, тыдалö, пуксьылöмаöсь шойччыштны-пöткөд-чыштны. Неокота энöвтны чужан-быдман местаяс-сö, сійöн и сэтшöм шога шыалöны.

Гашкө, час-мөд-коймөд вуграси. А юсьяс оз думайтны ты вывсө эновтны, сөмын качөдчисны вылөджык. Нора горзөмсьыс шуштөм лои лов вылын. Мөвпала: эз-ө нин лыйны-вины тайө ен лэбачсө. Шуоны, гозйөдчөны пө найө нэм кежлас. Кольөм арө тай Гурган грезд дорын вежон чөж юсь гозья олөмаөсь. Сэтшөм рамось — челядь нянь пыригөн вердөмаөсь. Лыбөма тай кын сьөлөмалөн кыс лыйны өтисө. Пөлыс сідзи и абу вөрзьөма водзө. Нур лэдзтөг олөма кынмавтөдз. Тшыгйысла да гажтөмысла сэсся сгинитөма.

Кытшовті тысө, нем эг казяв. Петі берегө, пыжөс шуи кыскыны тыдорса видз сайө, волөм таво оз нин ло. Ылысянь на видз шөрсьыс казялі еджыд тубрас. Юсь пласьтвидзө! Вот мый вөсна вөлөм горзөны-бөрдөны ёртьясыс, чой-вокыс, батьмамыс. Аддзисны, дерт, вывсянь муын куйлысьөс. Ешө ёнджыка на мөдіс муткыравны пытшкөсөс лэбачьяслөн шогыс, быттьө мыжаыс ме вөлі. Бордьясыс, коньөрлөн, шевкнитчөмаөсь отарө-мөдарө, юрыс мышыв чатөртчөма. Тыдалө, усьөм бөрас видзөдлөма енэжө, прөщайтчөма нэм кежлас. Шоныд на, абу на удитөма туравны.

Асывнас, дерт, ты дорө менам вотөдз, кодкө изводитөма лэбачсө, ачыс усйысьөма өдйөджык.

Сьөлөм дойөн ме эновті тысө. Юсьяс пыр на кытшлалісны енэжын, сөмын өні найө вөліны зэв вылынөсь.

Тополь

Кор воа чужанінө, ылысянь на казяла керка дорысь топольөс. Сиктын сійө медся ыджыд пу, йывнас енэжө мыджсьөма. Пөльө на ичөт дырйиыс сатшкылөма увсө таг йөр местаө, мед пө пуыс вужъяснас косьтыштас васөдінсө град йөр помысь.

Восьсаинад да вына му вылын тополь нюжалёма кызёма, руа поводдя дырйи йылыс оз тыдав. Увдор увъясыс ведра кызтаось, діныс метрөн-джынйөн, кык морт сыв оз судз вөньюдны. Кырсьыс сьоддёма, быттьо черён кералёмны-серөдёмны.

Пу улө бать лөсьөдліс пызан да кык скамья, найос вөлі муас и дорёма. Гожся рытъясө пуркйысь самөварысь тані чай юлім, бать висьталіс важся олөм йылысь, вөралөм йылысь. Ки пыдөс пасьта дзирдалысь веж коръясөн тополь гожөмбыд вашкөдчис кокни төврукөд. Сісь ув розьын некымын во нин поздысис виж морөса пыста, а йылас, ув вожъяс костын, быдтысисны сьод ракаяс. Но тополь вөвлі и скөр, торйөн арын. Чорыд төвъяс дырйи сійө дзуртіс-ойзіс, шыбласис сой кызта увъясөн, сьоласис кадысь водз нетшкөм коръясөн. Шуштөм вөлі кывзыны сэки оръявлытөм шпоргөмсө.

Васөд таг йөр места важөн косьмис. Тшыксис-косьмис ставнас град йөр — нэмөвөйся вына му чаш лыаө пөри. Омөля кутіс быдмыны картофель и мукөд пуктас, став сөксө багатыр-пуыс нөнялө. Кырөдчиг-мудйысигөн пластсө бергөдны он вермы, майөг кызта вужъяс паськалөны өтарө-мөдарө, а вөсниджык вожъясыс дзикөдз кыёмаось мусө. Бать неөтчыдысь гарыштліс: пөрөдны пө колө, весь тшыкөдіс град йөртө. Да сідзи и кыыс эз лыб. А өні нин со ачыс абу ловъя.

Бөръяысь воигөн казялі: төдтөм лоёма улич пом, ыджыд тополь оз тыдав. Вуджи дзиръя, веськөдчи керка сайө. Пызан пөв пасьта мыр, шөрөдыс юр төрмөн розя, тыдаліс пывсян дорын. Стен бердын еджыдөн зымвидзис вильөн тэчөм пес чипас.

— Пөрөдісны, — мамө кылөма менсьым пырөмөс, петөма кильчө вылө. — Кык лун чөж ноксисны мужичөйяс, трактор и быдөн вайлісны. Со эсті потшөссө разьлісны и.

Вёлөмкө, сусед керка улө нин топольлөн вужъ-
ясыс пискөдчөмаось, гөбөчөдзыс пырөмны. Төла
дырйи керкасө пө гыяс вывті пыжөс моз катлөдлө.
Сэссия өд падера төв вермас и чегны горсяя путө,
вужъяснас някыртны, лязөдны важся керка-кар-
татө.

— Юалисны жө,— мамө тшөтш локтіс ыджыд
мыр дорө.— Пес со вөчисны төвйөмөн. Керка вев-
тыд, пиук, мөдіс нитшсявны, а коді сэтчө каяс...

Төд вылө уси: быд арө, кор киссьөм бөрын, чо-
рыд роскөн вөлі чышкала керка вевтөс. Эта ыджда
пуыс весът кызта вольсалас виж коръясөн. Видзөд-
лі өні — көть зырийөн зырт.

— Регыд бара пөлыштас-быдмас,— мамө ка-
зяліс менсьым шогсьөмөс, воськовтіс мыр сайө.—
Со тані мыччысьөма нин, вужсяньыс.

Збыль, турун пиын төдчис паськыд коръяса
вель петас. Дерт, сылы дыр на ковмас апапны шон-
ді югөрсө, бучкыны-юны васө, но эска — лоас
сэтшөм жө ён да зумыд, коді быдмис тані уна-уна
во.

Сьөкыд шыпас

— Велөдчысьяслы онас нель каникул лөсьө-
дөмаось, гожөмын куим төлысь чөж шөйччөны, а
садикын өтиыс абу,— гортас норасьө Костя.

— Ставлы аслыс кад,— өлөдө мамыс.— Регыд
тэныд сизим арөс тырас, мунаш школаө, удитан на
гач мыштө кисьтны дас онас.

Костялөн ёртыс воөн ыджыдджык, помалө пер-
вой класс, сійөн и өні гажтөм. Торйөн нин луннас
абу окота узыны. Шебрасяс мукөдъяс моз, синъ-
яссө куняс, нистө. А мыйөн воспитательница петас
мөд жырийө, кутас шөпкөдчыны орчча крөватъса-
көд, кодкөд өтлаын таво лөсьөдчөны школаө.

— Вань, ещѣ нѣль тѣлысь ветлѣдлыны татчѣ. Аслам нимысь витнан шыпассѣ чин тѣда, кызьѣдз лыддя джѣмдывтѣг. Выль костюмѣй тай неуна ыджыдджык на-а.

— Нѣль тѣлысьнас быдмыштан, буретш лоѣ,— вочавидзѣ мѣдыс.

— Сидз эськѣ да. А кор тѣ висьмылѣн, татчѣ во-лис велѣдысьыс, сѣйѣ пѣ мянѣс кутас велѣдны. Валентина Павловнаѣн шуѣны. Мѣд луннас школаѣ ветлѣм. Пуксьѣдлысны партаяс сайѣ, сѣсся кино петкѣдлысны мянлы. Ме нин места бѣрѣи, тѣкѣд мѣдам пукавны.

— Кѣнкѣ, нывкакѣд пуксьѣдасны,— ышловзис Ваня.

Гожея луньяс гѣгыльтчисны ѣдѣйѣ. Первой клас-сѣ воысьяс мѣд тѣлысь нин партаяс сайынѣсь. Быд урок вылын челядь тѣдмалѣны выльтор. Костя во-ас гортас, радпырысь висьтасѣ бать-мамыслы, кыдзи велѣдчис, кутшѣма вердысны столѣвѣйын. Торѣйѣн нин сѣлѣм вылас детинкалы воѣ лыдды-сьѣм. Кор тѣдан шыпасьяслысь нимьяссѣ, ловзьѣ-ны найѣ.

— Талун, челядь, тѣдмасям выль шыпасѣн,— дѣска дорѣ Валентина Павловна сувтѣдѣс картон лист.— Тайѣ — «Р». Видзѣдлѣй, кыдзи сѣйѣс гижѣ-ма. Вай ѣтлаын шуам: Рр-рр. Казялѣнныд — кыв помыд шуигѣн таркѣдчѣ вом пытшкад.— Сѣсся лыддыѣдлыс кывьяс, кѣнѣ кылѣ татшѣм шыпасыс. Велѣдчысьяс висьтавлѣсны жѣ сѣтшѣм кывьяссѣ.

— А ѣнѣ кутам лыддысьыны.

Кывсѣ гораа висьтавтѣдз челядь гусьѣник шѣп-кѣдѣны вомгорулас шыпасьясысь йѣтлѣм слогьяс, слогьясысь — кывьяс. Воис ѣчередь лыддыны и Костялы. Водз чуньсѣ нюкыльтчѣтѣдз сѣйѣ личкѣ лист бокѣ, нуѣдѣ гижѣдьяс увтѣ, шуалѣ:

— Ры-а-мы-а.

— А мый лоѣ ставнас ѣтлаын?— юалѣ велѣ-

дысь. Но мёдыс оз на вермы йитны отчид лыддьом бёрын.

— Ры-а-мы-а,— мёдысь висьталё сійё, а отлаодны торъяссё некыз оз слёймы. Сэсся Костя казяліс гижод весьтсьыс серпас, нимкодь лон, тэр-масьёмён вочавидзис:

— Ошинь!

Отяс сероктісны гусьён, мёдьяс выльысь заводітисны лыддьыны ас кежас, видзёдлісны велодысь вылө.

— Ошинь,— бара висьталіс Костя. Видзёдліс классын ошинь вылө — дзик жё сэтшөм серпасыс вөлі книга лист бок вылас.

Откымынён лэптисны кисё, мукөдьяс виччысисны, мый шуас Валентина Павловна.

— Костя,— мелі гөлөсөн шыасис сійё, аддзис зонкалысь вешкыртчөм чужөмсё, мый вот-вот бөрддзас.— «Р» шыпасыд, Костя, тэнад оз кыв да. Вай отлаын йитам слөгьяссё, шуав ме бөрся и видзөд книга вылад.

— Раа-маа, ра-ма.

— Ра-ма, рама,— друг артмис детинкалөн, ещө некымынысь на висьталіс тайё кывсё.

— Со и велалін,— нюмдіс тшөтш велөдысь.

Костя чышкыштіс плеш вывьыс пөсьсё, вомго-рулас нурбыльтіс: «Гижөма отитор, а серпасалөма мөдтор... Сьөкыд шыпас...»

Чавканъяс

Водзті мян сикт гөгöрын чавканъяс зэ вөвны, а кольөм тулыс кыськө воисны дай овмөдчисны. Тыдалө, кажитчис местаыс. Пөжсьөм-быдтысьөм бөрын налөн лыдыс прамөя содіс, лунтыръясөн кравзөмыс кыліс школа дорын. Весиг гулюясөс вөтлісны, кодьяс некымын во нин олісны лөскас.

Шоныд луньяс пуксьом бõрын шум-зыкыс на-
лõн ёнмис. Лэбалõны пуысь пуõ да помтõг горзõ-
ны, керка вефт улын поз вылõ туяна места вõсна.

Меным кажитчõ видзõдны тайõ нейджд да
сюсь, юр чут йылас сьõд беретa лэбачьяслõн нок-
сьом вылõ. Уджõ кутчысьõны водз асывсянь, рõ-
мыднас на. Пуксяс кутшõмкõ чавкан кызд пу ув
вылõ, бокõн матыстчас йывланыс, юрнас гоньõд-
лõ. Бõрйõ, кутшõм рос шать эськõ чегны. Сэсяя то-
пõдас вомас да бертовтас. Кõдзыд асывнад бура
чегьясьõ. Нюдэджык кõ веськалас увйыс, сэки во-
мас топõдõм бõрын выныштчõмõн чеччыштõ пу
вылысь, шыбитчõ сынõдас. Но оз пыр ло сылõн кõс-
йõм серти: увйыс оз дзикõдз чег да асьсõ бõрвыв
кыскыштõ. Сэки вылысь мõдас бõрйысьны, либõ
водзджык чегьявлõм-гылõдõм увьяссõ мусьыс
бõрьяс да нуас. Овлõ и сйдз, мый оз артышт розь
кузьтасõ, вайны ваяс, а пырны шифер костõд не-
кызд оз вермы, мыйкõ сэн пессяс жõ, кытчõдз
вайõмторйыс оз усь муõ. Уськõдчас сэтчõ, а сэн
нин мõдьяс дась вылас вувзьясьõмаõсь. Кызд на
ещõ мырддысьны кутласны, ув помьясас кутчы-
сьõмõн õта-мõднысõ кыскалõны бõрõ-водзõ. А пу
вылын пукалысьяс видзõдõны да нерсьõны: юрьяс-
нысõ мулань копыртасны да кравзõны, швачкõдõ-
ны бордьяснас.

Õти шойччан лунõ куйла на вõлi вольпасын.
Кыла — сюрьясянь нюжõдõм сутугаõ кодкõ дзень-
кйõдлõ. Отчид, мõдысь... дасõдысь... Видзõдлi: мый
нõ лõõма? А тайõ чавканьяс. Тэрмасьõмõн жуõны
õтарõ-мõдарõ. Школа дорõ лэбысьяс мыйкõ новлõ-
ны воманыс. Асылыс руа, сы вõсна и зурасьлõны
вõсни сутугаас. Лунвыв бана керõс лун кык сайын
кушмис, думайта, сэтысь мыйкõ новлõны зиль лэ-
бачьясыд. Ок и кужõны найõ корсьысьны: восьла-
лõны радõн-радõн, мунигмоз нырьяснаныс путкы-
лялõны му комокьяс, õктõны нидзув-гагйõс.

Выльлун асылõ сõмын гõгõрвои чавканьяслысь

водз асылын мырсьёмсө. Моздор тыр кудель эновтлім стройка вылө (буретш вөлі олан керка кыпöдам). Чагъясөн личкыштім, мед, мися, тöлыс оз ну. Тыдалө, куш росъяссыд вöчөм позйид чорыд жö, сійөн и новлөны кудельсö сюсьясыд.

Сюрук

«Кытчöдз туруныс тырмас, видза Сюрукöс, сэс-ся яй вылө лэччöда,— Матрен баб нейтчыдысь мөвпыштлис ас кежас мөссö вөтлігөн.— Пöрысьмим кыкнанным, ме со беддя, а тэ бөръя кокъяснад ёна нин буссö лэптан».— Но быд пöрйö горшыс тасась-лис татшөм думъяссыс. Öд öтнасөн олігөн сійö морт моз сёрнитіс мөскыскöд. Кывтөм пемөс, дерт, нем эз вочавидзлы, но кадысь кадö сувтовкерліс мунигас, меліа видзöдліс сы бөрысь локтысь вылө.

Ныла-пияыс эськө волісны семьяяснас, но турун пуктыны эз босытчыны, купайтчисны да гожьяліс-ны ю дорын. Лунвылө лэбысь лэбачьяс моз утыштісны шоныд патераясö. Төвйыны пö мянө локтан, мамö. Матрен баб кыті косаөн öвтыштас, кыті чарлаөн вундыштас — град йёрсьыс да борьяс вылысь мыйтакö чукөртыштіс турунсö. Порö Лиза тай кымыныськө нөбйөн вайис, сійö рыт и асыв йөвсö босытö суседкалысь ичöt пиыслы.

Водзті, кор грездын мөскыс уналөн вөлі, видзны новлөдлісны öчередьөн. Öні кымынкö пемөстö баб-пөль быдөн асьныс йирөдоны көні сюрö.

Кольөм войыс баблы зэв кузьөн кажитчис. Унмыс вошöма, кыкысь чеччыліс чай шонтыны. Сэн жö Осип дедрөн понйыс войбыд омляліс. Көзяин кулөм водзын асланыс Катшысыс сідз жö повзьöдчис. Гу вылас сэсся и ачыс чорзис шогысла да сөйтöмысла. «Öсип, тэ эн на кув,— думыштіс Матрен баб чай чашка дорын пукаліг...— Тэ меысь кык

арөсөн томджык, кодөс сэсся ме чукөста колані-нө...»

Баб талун мөссө вайөдіс грездомса йөрө. Көдзөм туруна видзсө ытшкылөмаось куканьяслы, өтаваыс өні мөслы пельөдз удитөма нюжавны. Сюрुक мөдіс азыма малсыыны-йирны веж турунсө, төдіс, мый сэсся кузь төвбыд ковмас кос турун чирсны-сөйны изсьөм пиньяснас.

Код төдас, лэччас-ө Матрен баб төвйыны ныла-пиа ордас. Кык лун сайын вуджис төвъян керкаас, чугуун пачтор джодж шөрас шлонгө-сетө шоныдсө, пес уна оз ков ни. Бергөдчас на таво төвсө. Ветлас кө карө регыдик кежлө, Порө Лиза надейнөй морт, шонтас керкасө.

Баб пуксис кымыньтөм ящик вылө, перйис питшөгсьыс кысян удж. Понлөн войын омлялөмыс бара юрас воис, мыйкө тутшка-тотшка лов вылас. Бөр дзевис кысянсө. Да и Сюрукыс дугдіс йирсьыны, туруныс кок улас, а сійө гыө-ветласьө. Некумынысь нин матыстчыліс сы дорө, чушнас инмөдчыліс пельпомас, быттьө нуөдчө кытчөкө. Ыджыд вытя мөс мукөд лунө юрсө оз лэптив. Пажын вылө босьтөм сола нянь шөрөм баб ставнас мөскыслы вердіс. Ачыс тай йөв кымыныськө гуныктыс бутылкаысь.

Матрен баб видзөдліс енэжө. Мыйлакө шонді-ыс талун лөзөн кажитчис. А видз помын вөрыс кывтө-бергөдчө, со весиг пельөдзыс воө шувгөм шыыс. Мед юрыс эз бергөдчы, кунис синъяссө, пельяссө тупкис кияснас.

...Порө Лиза видзөдліс посводз джаджйө, йөв доз талун сәні эз вөв. Керкаын ни картаын некод эз шыав. «Мый нө тайө?— визнитіс юрас.— Горув нин кадыс, а бабө век на мөскыскөд абу...» Вуджис туй вомөн, таркнитіс өшиньө Осип дедлы.

— Грездомса йөрө пө талун мунасны, висьта-ліс асывнас. Найө оз сөрмөдчывны.

Завор дорсянь на воысьяс казялісны видз шө-

рын вуджрасьысь мөскөс. Юрсө копыртөмөн сійө кытшлаліс кутшөмкө съөдтор гөгөр. Вөлөмкө, Матрен баб боквыв пөрөма ящик вылысь, сэтчө и унмовсьөма нэм кежлас. Сюрукыс сы гөгөр бергалө, видз вылас туй нин тальсьөма.

Кызди быдмис Коля

Коля Ичөткин олө Сейгорт сиктын. Колян во велөдчис коймөд классын. Зэв эськө зумыд тэчаса детинка, ас коддьөм зонпоснилы нинөмөн оз сетчы, сөмын ичөт тушаа. Быттьөкө и овыс нарошно лөсялө. Но зэв ёна дөзмө, кор сійөс Коля Ичөткин пыдди нимтөны Дзоля Ичөткинөн. Физкультура урокъяс дырйи стройын медбөрын век сулалө. Забеднө эськө, да нинөм он вөч.

Батыс Колялөн ыджыд, ён. И мамыслөн тушасы буретш. А сійөс быттьө петшөр пөвстысь аддзөмаось.

— Немтор, Колюк. Ставнысө на вөтөдан, — такөдө батыс. — Нолтө, сувтлы гөбөч курич бердад. Видзөдлам, уна-ө нин нюжалін...

Коля эськө и сідз нин быд асыв да рыт мерайтчө, пасьялө карандашөн гөбөч куричө ассьыс судгасө. Сөмын карандашыс век өти визьө визьйөдлө. А өтчыд мерайтчигас воддза пассьыс улынджык лои да, Коля муртса эз бөрддзы. Бур, мый мамыс ас кадө гөгөрвоис: джодж вольөсыд пө кок увсьыд вешйөма.

Гожся каникулъяс дырйи Коля муніс орчча грездө пөль-пөч ордас. Турун пуктігчөж юр кыскаліс. Пөттөдзыс гождчис, купайтчис. Рытьяснас ветывліс вуграсьны. Пөль-пөчыслы быдторйын отсасис. Кор бөр воис гортас, батыс сюся видзөдліс пи вылас да весиг чуймыштіс:

— Кутшөма тэ нюжалөмыд, пиө! Нолы, сувт-

лы öнi гöбöч курич бердад. Сидзи и эм, кык чунь
вомлöс быдмöмыд!

Видзöдлiс Коля выль пас вылö да синъясыслы
эз эскы. Мöдысь и коймöдысь на сувтлiс.

— Мый нö другсö быдми?!— радлö Коля.

— А тэ он тöд?— сералö батыс.— Уджыд тэ-
нö, пиук, нюжöдöма. Кывлi, ёна пö отсасьöмыд.

— Мöд гожöм ме бара сэтчö муна,— шуис Ко-
ля. А ачыс думыштiс: мед кодкö öнi лысьтас менö
Дзоля Ичötкинöн нимтыны! Ме öнi тöда, кызди ко-
лö быдмынытö.

Буско

Петя Лысов велöдчö сизимöд классын, а пон
лöсьöдны век оз сетны. Торйöн мамыс. Кутшöм на
пö тэ вöралысь, сöмын пö няйтсö кутас пыртавны.
Сидз нин пö быд керкаын пон, улич кузя прöйдит-
ны он лысьт.

А детинка узьö и олö пон йылысь мöвпъясöн.
Ветлас вежайыс ордö, бурпöt любуйтчас Катшыс-
öн да Дамкаöн. Кык пон налөн и некутшöм няйт
оз пыртавны. Кильчö помас чом лöсьöдöма, тöv и
гожöм сэни олöны. Öдзöсыс пон пырöм-петöм бö-
рын ачыс пöдлассьö. Петя кужис жö сэтшöмтö вöч-
ны.

— Кык пиысь тай öтиыслы вуджис вөр-ва дорö
муслуныс,— неöтчыдысь гарыштлiс зонкалөн пöль-
ыс (öтиыс — Петялөн вежайыс, лесникöн уджалö,
мöдыс — батыс, агроном).— Батьтö вотчыны вö-
рö он кыскы, непöштö вöравны, ружьесö кодар
помсянь кутны, оз тöд.

Пöльыс Петялөн дасысь унджык пон быдтив-
лöма, нэмыс вöртi келалöма. Öнi вöравны оз нин
петав, кокъяс пö дженьдаммысны, шуö. Мукöд
рытö дыр висьтасяс внуюкыслы вöвлöмторьяс йы-

лысь. Вежайыс сэтшөм жö. Вöрысь воигөн пыр нин пыралас батыс ордö (Петялөн пöль дорö), тар ли дозмөр коляс. Висьтасяс, кыті прöйдитöма, кöни узыöма, кытысь мый сюрöма. Кольöм төв вежапыс-лы ур ку шапка козыналіс, ачыс жö и вурöма.

— Сэки нин скöнь книга йывсьыд вунöдан,— ордас-шуас мамыс пиыслөн дзайгöм вылö. Но öтчыд батыс нылыд кыв чöвтіс:

— Мед босьтас. Вунöдас кö велöдчöмсö, понсö позяс...— сёрнисö эз помав сійö.

— Да ме... Кöсьянныд кö тöдны...— зонка дась вöлі чеччышты йиркөдз, но öлöдіс асьсö: кадысь кадö дневникас веськавлісны чатөр юра пасьяс. Ёнджыка кывбурьяс велöдöмысь. Оз нарошнö ырьянит, сёысь лыддяс, а юрас нем оз коль. Либö торкеяс кö висьталігөн, водзö ставсö сорлалö. Челябинд серам выв лэптасны, быть пуксы.

Петя ритнас жö котöртіс вежайыс ордö.

— Батыд водзджык нин висьталіс,— шыасис сійö пошкысь зонкалөн пырöм бöрын.— Бөрйи со, коли öтиöс.— Пась пöла вылын варгылясис пургыль кодь комок, синкым местаясын бура тöдчисны гөрдоват пасьяс.— Кык лун сайын синьясыс потасны, быдмыштас мам дорас, сэсся нуан.

Некымын лун мысти зонка вайис кычансö гортö.

— Буско тай,— кор Петя перйис питшөгсьыс понпиöс да лэдзис джодж шөрö, медводз шыасис дедыс, зэв сюся лэччис паччөр вылысь.— Быдмыштас да рудöдас. Менам унджыкыс нель синмаöсь жö вöліны. Тöвнад чужöмыд озджык кынмы.— Паськөдліс ичөтлысь вомсö, тыдалö, лыддис аньяссö. Сэсся кык чуньнас тшапалöмөн шошаöдыс лэптыштіс вывлань. Мöдыс киньöктіс не ас туша серти.— Зэв тай вань, мед, сэтшөм и колö...

Шоньдджык луньясö Буско варгылясьö ывлаын, а вой кежлö пырö кильчö улö, дзим-дзурк дзёбсьö турун пытшкö. Петя дөмлис потшöсысь розьяс,

мед эз пет да ылав быдтасыс. Ичөтыс зэв вильыш, увтчыны нин кужо и эрало.

Отчyd Петя локтис школаысь, понпи некони оз тыдав. Некор на татшомыс эз вовлы. Регыд на по тай тязвиз-а,— шогсяна шыасис дедыс.

— Лека тай видзан, козяин!— потшоc сайсянь друг городис вежайыс, лэдзис муо кычанос.

— Кытко петома, али...— Петя уськодчис паныд.

— Дамка нобалома-вайома, вомнас, конко забор вомоныйд чечыштлис. Ок, ена шогсис нуом бо-рад, места воли оз аддзы.

Ар кезло Буско пон тушаа лои. Пельясыс сувтисны, божыс колачо гаровтчис. Збодер.

— Горт чукортысь,— городчас польыс, кильчо помысь быдсяма кламсо чукортиг. Мыйсо сомын оз вай татчо вильыш кутьоыс: гын сапог пов, важ ыж ку шапка, гырысь лыяс... Кодлон мый вошас горт гогорысь, на ордо локтоны. А отчyd мамыс пырис, чальяло:

— Пакоститчома... кагаыд! Пето видзодлоь,— скора видзодлис порысь да пиыс выло.

Буско куйлис кильчо помын. Водз лапаяс костас еджыд чипанос топодома. Зэв мелі синъясон видзодлис петысьяс выло: со по вайи... Сэки жо дзирья доро которон локтис Домо баб, киас кузьбедь.

— Эг од суод, лешойос! Медбур чипанос джагодис. Эг ко казав ошиньод, код выло эсько нораси,— лөвтиc сийо.

— Понсо кучкалин эн?!— паныд уськодчис дедыс.— Кучкалин эн, юала?— потшиc туйсо воысьлы дзирья дорын. Модыс повзыштис.— Бергодчы, Домна, овсы, вештам донсо. Эз од сийо тод, томыс-бобыс, мый оз позь. Аддзан со... чайто буртор вочис.

Сэсса дедыс висьтасис, кыдзи тшыкодмоаось корко том понйос. Суомаось котсысь чипанос

варөдөминө, кучкалөмны бурпөт, мөдысь пө мед видзөдлыны на вылө эз лысьт. Лёка бергөдчис тайө понлы и вөралысьлы. Увтны мөдас пу вылысь көндозмөрөс ли көнтарөс, но лэбачыс кө сетас гөлөс, кот-котвөчас, пон люньгөдө бөжсө, эновтө корсьөмторсө. Чипанөн, дерт, чайтө, нэм чөжыс оз вунөд нөйтөмсө.

Отчид Петя дедыскөд мунисны матысса вөрө. Куран воропьяс вылө коз понөльяс ковмисны. Тэ пө ёнджык меысь, нөбалан,— шуис дедыс. Бускоөс тшөтш шутөвтисны. Том понлы вөрын ставыс выль, төдтөм. То отарлань котөртлас, то мөдарлань, то вутш дорын исасьө, то мыр дорө пасйысьө. Юрсө дыр косньөдліс кодзувкоткар вылө, сэсся несйис чорыда, бөр ылыстчис.

— Оз тай полөмсө петкөдлы,— шыасис дедыс, кор Буско саяліс туй чукуль сайө.— Вай дзёбсьылам, мый кутас вөчны.

Деда-внука веськөдчисны туй отар-мөдар бокө, лөнисны. Буско регыд бергөдчис, казяліс, мый бөрсьыс некод оз лок. Сувтовкерис кежанінө, мөдіс шыбласьны бөрө-водзө, чушсө лэдзөма муөдз, исасьө. Сэсся уськөдчис веськыдыв, гора увтыштіс пожөм улө ланьтөдчөм Петялы, бөжнас легөдө.

— Тэно тай көзяин пыдди пуктө,— горөдчис мөдарсянь петысь дедыс.— Кок туйястө кужө нин лыддыны. Вөрад тайө колантор, оз ков чуксасьны. Оти пон веськавліс: понөль сайө пырас, бара нин вошөма, омлялө. Мукөддырйи зэв дыр кежлө ылалас и гөлөс оз кыв, лья вөлі вывлань и быдөн.

Петялы любө татшөм кывьяссьыд: өд дедыс сёрнитө сылөн быдтас йылысь, сиктас вөвлөм медбур вөралысь. Ачыс өд ёна жө зіліс кычансө быдтігөн. Кымынысь вежліс вольөссө, весаліс узыланінсө, отчид эз вунөдлы ас кадө вердны. Укол вылө нуөдліс, кор висьмыліс понйыс.

Гортө бөр воигөн картофель му дорын Буско кыккокийыв уськөдчис посни пожөмъяслань. Ур кы-

лёма-казялёма нейджыд пуысь. Аддзё синнас, видзёдö сы вылö, киньзö.

— Тöлк лоö,— радпырысь бара шыасис дедыс.

— Оз увт да?

— Увтны мöдас, час велöдам,— чужйыштис пуö кокнас.

Ур чеччыштис орчча пожöмö, кутис тювъявны пуысь пуö. Буско вöтчö киньзигтыр. Ичöтик вöрса зверлы сэсса, тыдалö, дөнзьöдис водзö пышьявны вөр йывти, а гашкö, тöдис, мый абу на вöралан кад, нем сылы лёксö оз вöчны, мöдис дэльöдны понйöс: лэччö-кайö пу кузя, зычитö пинь пырыс, пожöм кырсь ёгсö лэчыд гыжьяснас лэдзö. Сэки и Буско вöля сетис аслас гөлöслы, мöдис увтны оръявлытöг.

— Шуа, тöлк, мися, лоас,— дедыс радпырысь шыасис гортлань вөрзигөн.— Тавотö, дерт, сямыс оз на тырмы бура уджавны, а мöд во арöдз ачыл тшöтш быдмыштан-ёнмыштан. Вежайыд дорö тай лөсьöдчан уджавны пырны. Али вежсисны мөвпясыд?..

— Эз.

— Бать-мамыд тай тшöктöны быть помавны школатö...

— Помала. Рытья школаö кута ветлыны.

Сусед

Кöть арлыдъясөн и торъялам, суседкöд ладмам бура. Асывнас пета гортысь, а сийö сулалö нин кильчö вылас. Пыр и горöдас: «Бур асыв, дядя Гриша! Мөдінныд?.. Ме дась жö нин».

Öтлаын петам ыджыд туй вылөдз. Ме жежа веськыдвылö, сийö шуйгавывлань.

Уджач детинка. Тöрыт вель дыр мошкоритчис-

ны мамыскөд град йорас, сёр рытөдз весалисны морковь. А талун со водз жө чеччөма. Сөмын петі сарайө, тутш-тотш вөчи, а сійө быттьө сэн и вөлөма.

— Чолөм,— шуө,— дядя Гриша. Чер вороп вөчан?

— Чолөм, чолөм, Котков. (Ме сійөс овнас нимта.) Оз узьсы тэнад. Талун өд шойччан лун.

— Мамкөд өтлаын чечча, сійө удж вылө нин мунис. Буретш дежуритан лун.

— Со ичөт пила, мөлөт, пөв торъяс, ковмасны кө,— инда сылы.— Мый нин талун кутан дорныкерны?

— Самолёт. Куим бордъяөс, кутшөм мянө пуксьывлө. Көлесаяс вылө тыртөм сунис трубича вайи, шогмас оз?

— Шогмас, розьяса и быдөн со...

Сусед видлалө пөв торъяс, муртасьө, нускө нырнас. Овсьөма, уджыслы сетчөма.

— Дядя Гриша,— Котков пунктис сэссия вөчанторсө, бергөдчис мелань. Но, думайта, пропал, мөдас кө юасьны, регыдөн он мын.— А вот кызди Төлысь гөгыль вылө ыджыд спутникыс пуксьынысө төрө?

Ме кызкө-мыйкө вочавидзи сылы. А суседлөн дась нин выль юалөм. Мукөддырйн пикөдз вайөдас.

— А вот шорыд помтөг визувтө. Кытчө сы мында ваыс чукөрмөма?

Видзөдлі аслам удж вылө — чер воропөс өтарсяныыс джынвыйөдзыс вөлавсьөма. Со мый овлө больгигад. Скөрысь юала:

— Оз-ө мамыд чуксав, гашкө, сейны виччысьө?

— Қынөмөй оз на сюмав менам.

— Öнi тэнад узян кад, гашкө, водлыны колө?

— Шойччан лунъясө ог узьлы. А вот мыйла...

— Котков,— шога да скөра артмис менам,— тэуджав, а ме пыра керкаө, ныровмунла...

Эз небось падмы суседöй, неуна чöv олыштöм
бöрын ыджыд морт моз шуис:

— Школаö пыра да сэк төдмала дзик ставсö.

Кыськö тай воисны

Буретш вöлі воам видз вывсянь. Челядь, вер-
стьö йöз, бабъяс. Сиктлань матыстчигөн автобусöй
чорыда дрöгнитіс.

— Кабан веськалі көлеса улö!— горöдіс шо-
пер, сувтöдіс машинасö.

Вөлөмкө, леторос пытшыянь уськөдчöма туйсö
вуджны да абу удитöма.

Туй вылын нюжвидзис нюйт рöма зверь.
Клыкъясыс, быттьö агас пиньяс, турвидзисны вом
öтар-мөдар бокас. Гöныс, гашкө, весьт кузя лоö.

— У-у-у, вот тэ кутшöм вөлөмыд, вредитель,—
кокнас инмөдчис куйлысь зверлы юрас Матрен
баб.— Град йөр куштысь.

Матрен бабъяс водзті олісны боқысса грездын,
верст дас сайын. Оні сэтчö некод эз коль, но унаөн
вөдитöны на град йöрсö. Муяс вынаöсь, и туй эм.
Картупель мудйöм бöрын бабъяс вель дыр оз ке-
жавлыны чужан грездас. Зэръяс бöрын чукөртчас-
ны да веськөдчасны весасыштны йөръясас. И мый
жö аддзöны Матрен баб йöрысь? Градъяссö кодкө
вылысь гөрöма. Видзөдласны матісяньжык —
пасьтала посни гырысь порсь кок туйяс. Муртса
гöрддзасьöм моль кодь картупельсö öктöмны-
сөйöмны. Визьөн-визьөн жö и пурйöмаöсь-перйö-
маöсь. Неötчыдысь нин волöмаöсь сэтчö.

— Кыськö тай воисны,— шензис мөд баб.—
Кöка шор пөлөн посни пожöма ягсö пурйöмаöсь,
тыдалö, юмов вужъяс корсьöмаöсь сэтысь. Еджыд
гобйыд мыйта петавліс. Регыд öшинь улад воасны.

— Ловья лолыслы мыйöнкö колö пөткөдчы-

ны,— дорйыштіс вөрса пемөсьясөс Миш дядь.— Сійө өд оз төд, мый абу сылы пуктөма. Сюрис дай чөсмасис. Воисны кө нин миянө.

— Мед эз воны дай, коді корис!— ещө на лөгасис Матрен баб.— Наперво менө картупельтөг колисны-а. Кольөм төлө Опонь Агни сөрмөма турунсө вайны, вит чалькоста зорөд карта вольөсө пөртөмаөсь, мөссьыс лон энөвтчыны. Налы ли мый нывбабаыс пуктіс?

— Эз на велавны миян вөрьясө,— бара шыасис Миш дядь.— Велаласны, бөрьясны олан местаяс, оз кутны пакөститчыны. Он өд найөс изведит.

Мужичөйяс лэптисны вөрса порсьөс машинаө. Вөрзим водзө.

Печенньö джын

Петя пыр водзджык меысь вьльтортө кывлө. Локтіс миянө, порог дорсянь на горөдіс:

— Аски лысва пыркавтөдз шабді нетшкыны мунам!

— Мый бара сідзи?— юала.

Мамө висьталіс: коді норма тыртас, кампет сөтасны (Петялөн мамыс бригадир).

— Но нин тай,— вочавидзи вугырьяс лөсьөдіг.— Көсйи тай вадорө ветлыны. Сідз нин килутшьяс суйсьөмаөсь, шабдінад. Нормаыд нелямын вожка, ковмас ёна копрасьны.

— Аски мөд му вылө вуджөны, сэні пө зэв ми-ча и абу ёгөсь,— эз сетчы ёртөй.

— Но либө,— нурбыльті ныылыд кыв.

Юмовторнад сэк эз ёна тетьөдны челядьтө. Колхозад уджалысьлөн кытысь сьөмыс.

Мөд асыв Петрө вольпась вылө суөдіс. Кампет вылө лачаыд водз чеччөдөма морттө. Киняулас пажынтор тубрасын.

— Вѳтаси, вит кампетѳн миянлы тѳкѳд мамѳсетис. Вай лѳсьѳдчы манитчытѳг,— тѳрмѳдліс ѳртѳй.

Кор тѳрмасян, ставыс мѳдарѳ артмѳ. Киыд соскѳ оз веськав, гачтѳ мѳдан юрсянныд суйны. Сѳтчѳ жѳ мамѳ пызан вылѳ листтор кольѳма, мый колѳ вѳчны чеччѳм бѳрын. Сѳйыштны эськѳ эг нин удит да.

— Ставѳн нин заводитисны,— кор кайим ыб вылѳ, шыасис Петя.— Кѳнкѳ, бѳрйисны медся бур адасьяссѳ. Мамѳ, тыдалѳ, рытсаян на грезд пасьята кампет йывсьыд байтѳма. Но нинѳм, сусьджыка уджалам.

Збыль, шабдѳ му вылын мѳрт кызь тыдалис. Челядь да бабьяс. Вель паськыд му дорѳ кутчысьѳмаѳсь. Тѳв уркнитѳм бѳрын гыалѳ полеыс ставнас. Матысянъ весиг кылан быдмѳг юрьясын воѳм кѳйдыслысь кышѳдчѳмсѳ. Уна нокыс шабдѳнад! Нетшкѳм бѳрын ѳшласны потшьясысь вѳчѳм шодзьяс вылѳ. Сѳсся шырзясны да вольсавласны тыѳдны. Коркѳ тѳвсая туйѳд нуасны лѳнзаводѳ. И став тайѳ уджыс прѳйдитѳ челядьлѳн да бабьяслѳн кияс пыр.

Петякѳд сувтѳм орччѳн. Танѳ, вѳр дорас, муыс косджык, шабдѳ иддзыс чорзѳѳма нин, сутшкалѳ ки пыдѳстѳ, весиг желлялѳ. Бабьяс коснысѳ оз и веськѳдлыны, малсѳѳны-нетшкѳны кыкнан кинас. Сѳтшѳм ѳтрѳвнѳ налѳн артмѳ китыр помыс. Челядь куснясьѳны на вылѳ, зильѳны сѳдз жѳ вѳчны. Китырьяссѳ креставлѳмѳн тѳчан ѳта-мѳд вылас, кор лоас квайт судта, вожкасѳ йиалан, шабдѳнас жѳ.

Нурьясьыштѳм Петялѳн пажынѳн, йѳзсьыс водз бара сувтѳм удж бердѳ. Йиалѳм бѳрын ѳртѳй сувтѳдѳ вожкасѳ гатшѳн, висьталѳ, уна-ѳ коли нормаѳдз.

Лунтыр копрасигѳн коскыд чегѳ. Суйсьѳм килутшѳй менам пыктис. Рытланъ ыркалі ывлаыс, унджыкыслѳн нормаыс тырис, а бригадир пыр абу.

Бабьяс нин эновтисны мусö, ещö на гортса уджыс найöс виччысьö.

Кор бригадир тыдовтчис му мöдар помын, ми пукалим кытшын. Петялөн мамыс тэрмасигтыр вöлдзьясö пукталис кымынкö кампетөн.

— Окма, эг тай артышт. Тыдалö, бабушьяслы унджык вичмис,— кияссö паськöдис, кор öчередыс воис миянлы сетны.— Колюклы да Петюклы эз тырмы. Энö шөгсьöй, гортысь тиянлы сета, мунігад и пыравлöй,— видзöдліс ме вылö.

— Юксям пö,— кодкö горöдис челядь пиысь, бөр пö чукөртам да юкам морт лыд вылö. Но ми пыр жö сувтім, мукöдысь торійөн Петякөд лэччим гортöдзыс.

Бригадирлөн сэтшöм уджыс, мамыс сутш кежлö и пыравлöма керкаас. Бабыс видзöдліс öшинь пырыс, сэсся петіс кильчö вылас.— Кампетыс пö абу,— неокотапырысь шыасис сійö,— печенньö пö со. Внукыслы мыччис öти гöгрöс печенньö, а меным джынйöс. Ме падмыштлі здук кежлö, сэсся бөр кыскышти чургöдöм киöс, эг босьт. Петялы эз жö ло лöсьыд, вöзійö асьыс пайсö. Забеднöысла ме нем ог куж шуны, гортлань веськöдчи.

— Сулав!— горöдис ёртöй, котөрөн пырис керкаас.

Суöдис сійö менö öшинь улö.

— Тöдан, мыйла скöралö бабöй,— пошкигтыр сёрнитіс Петя.— Вöлöмкö, кампетсö мамöлы районын сетöмаöсь козин пыдди, а сійö ставсö му вылö нуöма. А печенньöыс баблөн öтортöма вöлөм. На босьт мöд джынсö.

Петя саялөм бöрын öтлаöдi кык джынсö. Зэв стöча лöсялісны. бертас туйясыс, гöгрöс печенньö артмис.

Көрт туй вылын

Шуим ветлыны вуграсьны Кобра ю вылө. Буретш сэтчө писькөдчисны вөр лэдзысьяс, петкө-дісны вөрсө көрт туй кузя. Тэрмасигад тай пыр сідз овлө — лои косавлыны нидзув дозла. Кор котөрөн сорөн воим берег дорө, йөз кыскалысь тепловоз тутөстіс чилөг гөлөсөн дай вөрзис. Шогө усим внук-көд, көсьям нин вөлі энотчыны, да казяліс миянөс волялан паськөма дядьö.

— Сёрминныд, аддза,— серам сорөн кинас тап-нитіс зонкалы пельпомас,— час джын мысти вөр-ла мөда, сөлөй кабинаас.

— Со өд кызди бергөдчис,— радпырысь шыаси машинистлы,— оз прөста шуны: ен да бур йөз пө...

— Ен йывсьыд ог төд,— бара серөктіс сійö, кыкнан кинас кутчысис педальясö. Тепловоз не-тшыштчис места вылысь, вөрзисны и öта-мөд дорө домавлөм платформаяс. Бытьö дзодзув бөж найö веглясисны туй чукульясын. Увтасаинъясөд сы вылна лэптöма насыпсö, мый туйыс öтрөвнөасьöма коз йывъяскөд. Öтар-мөдарас, вильөн лэптөм му вылас, сатшвидзисны коз да пожөм пиян, а пипу да кыз леторос прамöя нин нюжалöма.

— Уна жö вын ковмис пуктыны татшөм туйтö розьөдөм вылө,— шуа орчөн пукалысьлы.

— Правдайтö тай пө вөрыс. Öні көкъямысдас верст сайысь петкөдам. Унджыкыс кыз да пипу коли.

Машинист дзоргис-видзөдіс водзö, кадысь кадö чинтіс да содтіс мунан өдсö. Друг сійö чургөдіс ки-сö водзö да горөдіс:

— Со өд яй нопйыс!..

Некутшöма повтөг насып вылө кыпөдчис ай йö-ра. Зыр сяма сюръяса юрсö сійö бергөдіс миян-лань, сувтіс көрт туй шөрö. Машинист, дерт, гөгөр-воис, мый вөрса великан дорө ылнаыс зэв öдйö чи-нö, а сійö пельсö оз вөрзьөд, зумыда мыджсьöма

нэльнан кокнас. Гөрбыльтчыштöма, тайкö паныд уськөдчас. Вескөдлысь кинас и кокнас мөдiс тракыйны педальяссö, оръявлытөг тутсiс. Абу öд му вывтi мунысь машина, бокö он кежöд и дзик пыр он сувтöд, мышкас йитлөм додъясыс водзлань йötкöны.

Бадь куст сайсянь мыччысисны ещö кык зверь, йöра эня-пия. Кузь кокъяса чибö кодь пийс вöсьлалö мамыс дорö топöдчөмөн. Oz жö тэрмасыны, тöдöны, мый туй вылын сулалысьыс найöс быд лёкысь доръяс, öбидаö оз сет.

Ай йöра муö суйöм сюръя моз сулалö, гыр-дсьöм синъяснас дзоргö пушкысь машина вылö, гөрб вывсьыс яйыс кучикыскөд легзыштö. Сöмын кор вуджисны бөрсаясыс туйсö, сийö нетшыштчис места вывсьыс, чеччыштис насып улö. Тепловоз муртса эз тшук бокас.

— Со öд кызди вөр-ваад...— машинист зепсьыс перйöм рузумторйөн чышкалис ньылöдöм чужöм-сö.— А молодец сийö, ловсö дась пуктыны. Зурасим кö, вермим тiшмыльтчыны горулас. Медводдзаысь паныдаси татшöмторйыскөд. Этатшöм повтöмлун...— пыр на шензис сийö составсö водзö нуöдiг.

Школаса музейын

Удж вылö муниг-воигөн ме быд лун прöйдита тайö дзоля керка дорöдыс. Школасянь бокинджык, эжöма пöвйөн, öшинь да öдзöс куричьяс зэв мичаа баситöма.

Öти шойччан лунö керка дорысь казяли челядь чукөрöс, морт дас сулалисны кильчö помас. Вөлөм-кö, воöмаöсь орчча сиктысь школаса музейö.

Регыд локтис да вöсьтис керкасö еджыд партука нывка, сизимöд ли кökьямысöд класса велöдчысь. Челядьыскөд ме тшötш пыри музейö.

— Оти жыръяс,— пыр жö заводитис сёрнитны Светлана (сідз нимтöны нывкасö, сійö жö музейса директор),— ми петкöдлам важся олöм, мöдас — öнiя кад.

Ме паськöдi синъясöс: мый сöмын татчö абу чукöртöма, ставсö буринака тэчöма лабичьяс вылö, öшлöма стенö. Воём челядь пельяссö чошкöдöмөн кывзöны, а Светлана тувсов шор моз сёльгö-вись-талö.

— Тайö агрегатыс (Светлана сідзи и шуис) — пешан. Йылас чепöльтöны сартас, öгырыс уліö, ва ворйö, киссьö. Сартассö юкавлöмаось кызд пуысь, абуджык саа. Карасин, дерт, эз вöв. Татшöм би югөр улас төвся рытъясын печкисны, вöчасисны, колльöдлісны войпукъяс.

Зонкаяс сувтöмаось, гусьöникөн сёрнитöны палич кызта вöрысь тшупöм вөр керка дорын. Кöджас мöтыр йылын саось пöрт öшалö. Экскурсовод инмöдчис кинас стенö, рач увтi югзис, быттьö збыльысь бипур ломзис. Стенö öшлöма вöралысь-лысь колана кöлуйсö: лызьяс, лаз, быдсяма нальк-сö, кузь гöленя кучик кöтияс. Топыдик керкаторсö челядь мастерскöйын вöчöмаось.

Нывкаяс видлалöны кысян стан дорö öшлöм сарапанъяс. Дöраыс сэтшöм вöсни да небыд, мичö-дöма дуб ваөн. «Кöнкö, кодсюрöлөн гортаныд эм на татшöм добраыс, бабъясыд дасьтöны серöдöм джодж вольöстö?— юалö Светлана да вешйыштö вижи-вожи увъяса коз пу чуркалань.— Тыла агас. Пинёвтлісны тыласö ректöм да кöдзöм бöрын».

— А тыла гөрйыс эм-ö?— юалöны воöмаяс.

— Абу. Тыласö эз и гөрлыны. Пöрöдöм вöрсö сотöм бöрын пук кодь небыд пöим сора муас и кöдзлісны. Мыръяс костас.

Светлана быттьö ачыс быд лун вöдитчö сямö-дысь вöчöм кöлуйөн, сэтшöм бура висьталö ноп и чипыш йылысь, пестер и нинкöмъяс йылысь.

Ставөн ызгысисны-серöктисны, кор Светлана

печканён пуксис лабич помё, кокнас мёдіс гычөдны потш помё домалём зыбка, а вомгорулас гусьёник нюркйөдліс унмовсьөдан сыланкыв. Со вөлём мыйта удж ковмылёма вөчны важөн нывбаба-мамы өтпырйө. И сартассө сотчём бөрас вежны пешанысь.

Сэтшөм жө кыпыда муніс экскурсияыс ы мөд жырйын.

— Гашкө, мыйкө пасйыштанныд, мый кажитчис, мый эз, мый колө ещө вөчны?— Светлана сувтіс ичөтик пызан дорө.

Челядь сьөлөмсянныс аттьөалісны авъя нывкаөс, көсйысисны гортаныс котыртны татшөм уджсө. Светлана ме вылө тшөтш юалана видзөдліс.

Ме дыр эг думайт. Босьті шөрт помё домыштөм карандаш, гырыся пасйи: «Светлана, молодец тэ. Ставөн, кодьяс лөсьөдінныд музейсө, молодецьяс...»

Медводдза руч

Медводдза руч меным шедліс нельөд классын велөдчигөн на. И колө жө сідз лоны, мый тайө дона прөмысыс дзөнь вежон чөж кырлөдліс менсьым сьөлөмөс.

Сійө төвсө ме олі чой ордын, вөр участокын, көні уджалісны колхозникьяс-сезонникьяс.

Менам вөлі Станислав ёрт. Прөст кадө сійө кыйис уркайясөс, ме — көчьясөс. Пөшти быд лун ветлөдлі пекарнядорса шор кузя, тэчи налөн кок туйяс вылө сутуга лэчьяс. Но эз удайтчыв вердны чойөс чөскыд яйөн.

Каникульяс дырйи гортысь вайи дөра пыдөса кык капкан. Пөвйысь вөчи кузь воропа зыр. Бур вөралысь кодь лон.

Шор пөлөн чуклялысь кыскасян туй бокө туру-

ныс ёна киськасьома. А кӧчьяслы тайӧ и колӧ. Сэ-
ні и кыйси.

Отчыд школа бӧрын муні видзӧдлыны кап-
канъясӧс. На пиысь ӧти местаас эз вӧв, кодкӧ
пышйӧдӧма. Понлӧн кодъ кок туйяс нуӧдӧны коз
понӧльяслань.

Вына зверь. Кымыныськӧ вуджавлі жӧ шор во-
мӧн. Медся лӧкинъясӧдыс. Сэсся суӧді жӧ. Дзеб-
сьома пӧрӧм пу улӧ. Ылісянь на аддзи еджыд тугъя
пашкыр бӧжсӧ. Руч вӧлӧма. Вӧтлысис, кӧнкӧ, кӧч
бӧрся да шедіс ачыс.

Нимкодъӧй морӧс кудйӧ оз тӧр. Босьті прӧмы-
сӧс киняулӧ да вои баракӧ. Рытгорув нин вӧлі.
Пукті сійӧс пач костӧ да тупкышти песьясӧн.

Друг кодкӧ дзурс восьтіс керка ӧдзӧс. Видзӧд-
лі — Станислав. Повзьӧма.

Вӧлӧмкӧ, вошӧма лесопунктса начальниклӧн
понйыс. Видчӧ пӧ чорыда. Кодкӧ пӧ сійӧс изведи-
тӧма. Медсясӧ мыжалӧма Станиславӧс.

Ме тшӧтш шогӧ уси, сулала, кокъяс лӧталӧма-
ӧсь. «А гашкӧ, меным эз руч, а понйыд и шеді да?—
мӧвпала.— Шуӧны тай, начальниклӧн понйыс пӧ
дзик руч кодъ». Ме ручьястӧ эг на аддзыв: ни ку-
лӧмасӧ, ни ловъясӧ. Колӧ вӧлі вештыны кызкӧ ас
вылысь мыжсӧ. И Станиславыс жаль. Висьталі
друглы руч йылысь, петкӧдлі.

— Быттьӧ абу дзик сэтшӧм,— падъялыштис
зонка.— Сэсся кулӧмаыд ӧд... Код тӧдас, гашкӧ и
сійӧ. Виччысьштлам некымын лун... Гашкӧ, ад-
дзыхас. А тайӧс... колӧ дзеблыны кытчӧкӧ. Сідз и
вӧчим. Сюйм ручӧс мешӧкӧ да нуим конюшняӧ,
турун улӧ.

Кымынкӧ лун бӧрын воис почталъон да ськӧд
тшӧтш начальниклӧн «ручыс». Воддза волігас пон-
йыд вӧтчылӧма сы бӧрся.

Ме пыр и висьталі Станиславлы нимкодъ юӧр-
тӧ. Котӧрӧн мунім конюшня дорӧ. А ручлӧн места-
ыс сӧмын: конюклӧн вердсьӧма став туруныс.

Ми — конюк дорö. Лои кузя висьтасьны. Мортыд эскис да сетіс менсьым дона прöмысöс.

Ставыс бура помасис. Сöмын сёрни-серам дыр муніс: «Прамöй вöралысь, а ручöс понкöд соралöма!».

Корсьöны мыжаöс

Дзонь вежон классын дежуритісны Алик Кузькоков да Толик Кузьбожев. Субöтаö торійон барапелькöдчисны. Партукаöсь кыкнанныс, пуджсьöмаöсь. Чышкалісны да мыськисны джодж, дöска лöсталö, кöть зеркалöö моз видзöдчы. Öшинь вылын цветьяс, ваөн пызійом бöрын, быттö выльысь ловзисны.

— Пызанъяссö, гашкö, öтнад чышкалан, больничаö мамö дорö котöртла, — часі вылö видзöдлöм бöрын ёртыслысь юалис Толик.

— Дерт жö, мый нö водзджык эн висьтав, — вочавидзис мöдыс.

— Удита, — Толик босьтіс сумкасö, котөрөн петіс классысь.

Алик дөвöлен уджнас, ещö на видзöдліс гөгөр. Выльлуно позяс неуна сёрнджык воны. Лючкиладнö дежуритісны, вежон чöж велöдысьяс пиысь некод лёкөн эз гарышт. Старöста ни.

Выльлун асылö Алик пасьтасьöма нин вöлі, корöшиньö таркнитіс Толик. Мамыс дорö удитöма нин котөртлыны. Кык друг орчча керкаясын олöны. Садикö ветлісны, öні со школаö витöд во — пыр öтлаын, быттö кык вок.

— Талун нель урок, — школа кильчö помö сувтовкерис Алик, — водзджык помалам, гашкö, ю дорö лэччылам, ваыс кöдзалöма Сыктылын, налимьяс пö шедöны.

— Позяс, — пыр жö вочавидзис мöдыс. — Ме-

нам нидзув корсьома, картупель босьтігөн чукөрті.

Одзөс сайсянь найө кылісны гора гөлөсьяс. А кор ёртъяс пырисны классө, налы паныд уськөдчис нывка котыр. Торйөн ёна горзисны да шенасисны кияснас кыкөн, кодъяслы өчередыс дежуритны Алик-Толикъяс бөрысь.

— Ми огө примитөй татшөм класстө, конюшня кодтьө.

Быттьө вөрзьөдөм чушкан поз, шызисны-гызисны классын ставөн. То отарсянь, то мөдарсянь кылісны гөлөсьяс:

— Мед мөд пөв дежуритасны...

— Найө понда бөръя места индасны линейка вылын...

— Ещө стенгазетө лэдзасны...

— Няйтөсь ветьökөн мачасьомны кык друг...

Алик-Толик пыр на сулалісны порог дорын, нем оз гөгөрвоны. Классас быттьө мөдар путкыль путкыльтөма. Дзоридз гырнич джоджө усьома-пасьнитчөма. Пызан вывъясөс ляпайтөмаөсь мисьтөм виж чутъясөн. Паныда өшиньсө жулькнитөмаөсь-пазөдөмаөсь, тупкөмны картон листөн, тыдалө, өнінин.

Зык-шумыс ёнджыка на лыбис, кор пырис челядь дорө класснөй, Павел Васильевич. Сійө джөм сувтіс джодж шөрө. Син улас сылы веськаліс Толик Кузьбожев.

— Нинөм төрыт татшөмыс эз вөв, ставсө бура вөчим,— несмела вочавидзис сійө, сэсся видзөдліс Алик вылө.— Отлаын мунім Кузькоковкөд.— Ас кежас думыштіс: «Кодкө нарошнө пакөститчөма. Но кодлөн киясыс лудісны...».

— Ме медбөръяён муні,— Алик воськовтіс велөдысьлы паныд.— Толик мамыс дорө тэрмасис...

— Аддзанныд, Павел Васильевич, ыстысьоны өта-мөдныс вылө!— зонка эз на удит помавны висьталөмсө, бара шум лыбис классын.

— Тшөктöй мөд пөв дежуритны, Павел Васильевич,— медъёна яралісны кык нывка.

— Бөрыннас видзөдлам. Регыд урокъяс заводитчасны, дасътöй класстө.

Сэки классö пырис школаса завхоз, киас сылөн вöлі стеклö лист да мөлöt.

— Аддзанныд со,— кияссö паськөдіс сійö.— Тöрыт гортö мунтөдз видзөдлі школакодъсö, пыри тіян классö, а тані чавкан жбыръялө. Форточкаөдыд, дерт, пырис. Вөтлыся сы бөрысь, горза: «Пет, кыті пырин!» А сійö өшиньö пыр зурасьö. Сэсса, тыдалö, ёнджыка выныштчис, петіс стеклö пырыс, мокасьтыд. Со вунді стеклөсö, пукта. Пызанъястө чышкалөй, со өд мый вөчөма...

Классын чөв-лөнъ пуксис.

Лун шөр лунын

Отилаті и сибалан Тыл-ты дорö, яг дорышö поздысьом вөр керкасянь. Важөн сэті посйылөмаөсь, вольсавлөмны кыз керъяс. Илйөн да ёгөн öні тырөмны пуясыс, турунсялөм зумыд ордым кодъ артмөма. Тыяс верст джын пасьта да кузьта, блюд кодъ гөгрөс. Пырыс ты нима жö Тылью прөйдитö, сійөн и ваыс синва кодъ сөдз. Тані юясын олысь став чериыс эм.

Петан ты вылө, лолыд ыркмунö, сэтшөм тані гажа да кыпыд. Асыввылын вöрыс тшупөдөн-тшупөдөн лыбö, чук йылас пожөмъяслөн веж йывъясыс енэжсö пыкөны. А мусюр сайсянныс шоръяс мөдарö нин бертчөмаөсь, Кобра-Вятка-Кама юяс пыр Волгаөдз васö нуоны.

Ме татчö вола дзонь вежон кежлө. И быд пөрйö тані мыйкө да кисьмө. Копыртчөм сэтөр кустьясын съөдөн дзирдалысь тусьясыс, рөмпöштанö моз, лунбыдъясөн видзөдчөны ваö. Вата рөма ло-

бозь дзоридзьясянь өвтысь ма дука көрыс коддзө-
дө пыж вывсянь вуграсигөн. Рытъя да асья кыа
костын и лөньлө лэбачьяслөн дзользьөмыс. Вой
кежлө ваө вөйтчылөм ваакань мольяс былькнитчө-
ны-петöны син водзад, ньөжйөнник восьтöны ассьы-
ныс мичсө петысь шонділы паныд. Асья төвру ню-
лыштас лист кодь лөнь ты веркөссө, здук кежлө
көрыштлас-чукрөдлас чужөмбансө, сэся дзебсяс
бөр.

А номйыс?— юаланныд. Номтөгыс нө кутшөм
гожөм! И сэтшөм добраыс тані тырмө, кымөръя-
сөн шуксьө-лэбалө. Висдорса курьяын — сәні ляп-
кыд — өтырышъя петө ваысь выльөн ловзьөмаыс,
вевся лепитчө кольөм вося зөридз да эжөр видзьяс
вылө, чургөдчөм увьяс вылө. Косьмыштасны шонді
водзын, ёнмыштасны, кутчысьöны асшөр уджө.
Эта мында вир юысьтө пö нэмөн эг аддзыв,— шу-
ис өтчыд карса ёртöй. Син ни пель чужөмас конь-
өрлөн оз төдчы, вой узьөм бөрын лои ыстыны.

Зверь-пөткаыд татысь абу на дзикөдз бырөма.
Мукөддырйи утка позтыр дыр тольөдчис пыжсянь
неылын. Казявлан вомас курччөм чериөн бадь
кустьяс улө петысь вурдөс. Коркө вуграся вөлі ты
шөрас. Луныс кымөра, руа. Коскөй мудзис, шуи
петавлыны шойчыштны. Колө пашкыр пожөмлань
сынны, сійө пас пыдди керка дорын. Кодөскө казя-
лі веськыдыввланьысь. Чери кыйысь, мөвпала, пы-
рөма, пипу пыж вөлі кымыньтөма берег дорын.
Шуи кежавлыны петігмоз, неыджыд кытшов вөчны.
Курася тэрмасьтөг, пыж нырөс синөма вуграсьысь-
лань. Дзик нин матө вои, көсья вөлі шыасьны. Ви-
дзөдлі бурджыка — йөра, кынөм улөдзыс ваө пырө-
ма. Кутшөмкө турунъяс сөйө, юрыс ставнас ва пиө
вошлө. Вот тэныд и лайкъялан берег, эта ыджда
туша абу сибдөма.

Пыжөс веськөді пашкыр пожөмлань. Йөра
тэрмасьтөг береглань жө веськөдчис.

Дениска

Дениска быд рыт виччысьö батьсö удж вы-
лысь. Пöв вылö лöсьöдöма шашкияс, пызан вылын
ворсан кубикъяс. Пырас гортас батыс, мачöс моз
качöдлас писö пötөлöкöдз, шылькнитас юрöдыс.
Сейöм бöрын мамыс книгаясөн ноксьö, гижö, ая-
пия орчча жырйынöсь. Ворсöны шашкиён, книгаяс
видлалöны. Ок и сяммö Денискалөн батыс мой-
дъястö лыддыны, зверьяс и пötкаяс моз гөлөссö
лöсьöдлö: то ошкөн мурöстас, то понйён эргыштас.

Торйён нин кыпыда семьяын колльöдöны шойч-
чан лунъяс. «Но, мам, мый колö вöчны кык мужи-
чöйлы?!» — ыджыд гөлөсөн юалас асывнас батыс,
кötь эськö ассыныс уджсö кыкнанныс бура тöдö-
ны.

Котөрөн пыртласны пес, пыркöдасны джодж-
дöраяс, кутчыясны джодж мыськыны. Ыджыдыс
ниртö, ичöтыс улöс да öшинь вывъясысь буссö чыш-
калö, киськалö дзоридзьяс. «Аддзан, öтвылысьтö
уджыс кутшöма содö», — видзöдлас батыс пиыс-
лөн гёрдöдыштöм чужöм вылö. Öтлаын жö физза-
рядка вöчöны.

— Бать, таво, тыдалö, лыжиястö оз нин мöдны
вузавны, тöлыс прöйдитас, — эз öтчыдысь нин Де-
ниска казътышт та йылысь.

Öти рытö батыс киняулас пыртис лыжи гоз,
бедьяс. Детинка чеччалис радысла. Некудз оз вер-
мы торйöдчыны ньöбöмторьясысь: то кузьтасö мур-
талö кинас вывлань судзöдчöмөн, то малалö бедь
помъясысь гöгыльяс. Лыжиясыс чача кодь мича-
öсь. Лöзөн мавтöм вылас серпасалöма турунвиж
козьяс. Öнi жö кötь петавлас ывлаö, чойтор керка
дорас эм. Детинка даддьён сэтi голькйöдлö. Но
даддьыд нö мый! Суседкалөн нывка куим арöса и
то повтöг исласьö, ещö мышкөн мукöддырйи пук-
сяс. А детинкалы вит арöс.

Чай юём бöрын батыс лöсьöдiс кövьяс, кок

пидосьяс местао резина пластъяс тувьяліс, мед
лымйис эз сибды. Дениска гын сапөгасьліс, мурта-
ліс кøvьяссö — буретш артмöмаось. Бедьясьмөн
ветлөдлыштис джодж кузя.

— Асывводз ывлаас петавлан, öні сёр нин,—
такөдіс батыс, стенин öшалысь часі вылө видзөд-
лөм бöрын.

— Вельшөрö на петкөдлін лыжияссö,— пиис-
лөн унмовсьом бöрын шыасис мамыс.— Аски сад-
йö сылы, оз-ö ыръянитны кут.

— Сэтшөм дыр виччысис, аслым нин эз вöv лө-
ссыд...

— Кодкө лунö,— негораа серөктіс мамыс,—
пырис рытнас, гач кок помыс пидзөссяныыс потө-
ма, дөмны оз шогмы. Көрт тувйö крукасьöма по-
тшөс вывсянь лым толаö чеччыштигөн. Вель гач
сеті, а сійö: öти зепта пö. Öти зепта гачыс пö оз ов-
лы, видзөдлы көть батыдлысь. Рузум торйысь лои
мөд зеп вурны, некыз оз бурась.

— А мед зеп пöлаос оз вурны дай,— тшөтш се-
рөктіс батыс.

Асылыс вöлі рөмыд на. Мамыс ноксис пач до-
рын, а бать пырис Денискалөн жырйö.

— Мам,— вештыштис öшиньсьыс занавес,—
лыжникыд со ывлаын нин варгылясьö, муртса
торьялө лымсьыс. Небось, эз ковмы садьмөдны.

— Ой-йой, чуксав öні жö, көнкө брөд ва нин.
Кор нö петöма, эг и кывлөй. Лыжияснад и ставнад,
öні көлуйыс оз нин косьмыв...

— Эн ойзы, водз чеччөмыд абу омөльтор. Лу-
ныс öні пон кыв кузя: сёр югдö, водз пемдö.

Сёрнитігкості пырис Дениска. Лым куль кодь
ачыс.

— Лымъялө, тыдалö, талун чорыда, еждөдө-
мыд,— меліа шыасис батыс.— Но кыз лыжия-
ссыд?

— Лымъялыштö эськө да,— Дениска пөрччис

пальтосё.— Оти лыжиыс, бать, ёнджыка исковтё, пановтё мёдсё, сэсея пөрө боквыв.

— Вермас лоны. Но шылялас, велалан да, өтмоза кутасны кывзысьны.

— Кымыныськё эг нин усь чойёдыс. Талун лунтыр кута велөдчыны.

— Лунтыр?.. А кызди нё удж вылад. Лун кольны, пиё, оз позь. Ачыл шуан вёлі, мойд пё кутам праздник кежлө дасьтыны, бать-мамлы кёсьям петкөдлыны.

Бөръя кывъясыс детинкаёс шогё уськөдісны.

— Рыт-асывъясё ислалыштан, он мөд пөрлавны, велалыштан, а шойччан лунё пашня сайё ставон вуджлам. Уркайяс сэні олёны, кывзыштам чивыльтөмсё.

Поля баблөн льём пу

Поля пөч өшинь улын льёмйыс медгырысь артмылө. Быттьё сьөд сэтөр өшалө, тусьясыс чунь помгырсяёсь, вёсни увьясё увлань копыртёны.

Важ льём пуыс керкаыскөд тшөтшъя вёлөма, мөдөма косьмыны да кералөмаёсь. Но вужъяссияныс том петасьясыс пыш кодь сука быдмөмаёсь, тупкёны ичөтик керкасё. Тулыснас прөйдитан — еджыд дзоридзяяс пырыс пуыслөн корьясыс оз тыдавны. Сэтшөм чөскыд көрөн өвтё, көть пыр сулав да лолав помтөг.

— Йөртө поткөдас, сэтшөма пасьякавны да сөвмыны мөдөма,— шуласны суседьясыс Поля пөчлы. А сійё вашъялө:

— Ловзьё тай бур рокөса нянь шомөс моз. Ог төд, льёмйыс артмас оз, гаг сёяс али пуртөссялас. Шоньд таво да.

Тайё кадас пөчө унджык кадсё льём пу улас коллялө, внукъяслы кепысь-носки кыё, пёрысь лы-

сьомсö тувсов шондi водзын шонтö. Тшöтш льöм-лысь мичсö видзö. Öд кодлөнкö кийс на лыбас чегны ув либö вож.

Таво мында льöм Поля пöчлөн нэмөн эз на артымв. Гырысь, небзьöма, вомад сюян, да ачыс кылалö, пычалö кыв улад. Но чукöртны эз удайтчы. Кösийс нин эськö чукöстны зонпоснийс, найö быд во вотлöны льöмсö. Ур моз пуксясны ув вылö, сьылиас кöv йылын чуманъяс. «Увьяссö эн чегъялöй, увъяссö»,— сöмын и кылан сэки мусянь пöчлысь гөлössö. Ачыс кузь воропа куранөн матысталö зонкаяслы вöсни вожъяссö. Сэсся тшöктас дентинкаяслы пöттöдзыс сёйны, сьöрсыйс на пуктас.

А таво колö жö тадзи лоны. Асывсяньыс Поля пöч ветлис тшакла. Эз и дыр. Пырис ас йöрас, синъясыслы эз эскы: льöм пуыс ставнас кышакылö, быттьö сэтчö тырыс йöз кайöмаöсь. Дивö, гашкö, сёысь унджык сьöd лэбач пуксьöмаöсь, чеччалöны увйысь увйö, кокалöны небыд льöмсö. А джын тусьсö муас лэдзöны. Татшöмторйид некор на эз вöвлы. Баб эськö уськөдчылис жö, мөдис шенасьны куранөн, но лэбачьясыд сöмын пу мөдар бокас вешийсны.

Арыс вöли вывти шонид, пелыськайяс дыр лэбалисны чукöръясөн, сэки уна льöм да пелысь «вотисны».

Сяръясим

Сяръясям да кар-паличөн ворсам катыдпомсаяс важ часовня дорын. Местаыс пызан пöv кодь шылъыд, гумла выв кодя топалöма. Сэн жö и, кильчö улас, ворсан көлуйсö видзам.

Школа бöрын дыркодь виччыси ёртös, Миша Гычевös. Дасьти паличьяс, местаын вöли и сяр — муысь муртса тöдчысь пу тувлөн чук йылын. Затыка-

өн ми сійос шуам. А сярйыс кыз пу йөгыс вөчө-ма-гөгрөстөма, из кодь чорыд, оз бара пот. Но Миша эз лок, тыдалө, гортсяныыс кытчөкө ыстисны.

Гычев пыдди часовня сайсянь мыччысис Пошкыс — Чуманов Костяос тадз нимтоны. Мишкакод мянысь кык арөсөн ыджыдджык, нельөд классын велөдчө. Ён детинка, туша-рожанас торъялө ас коддьөмъясьыс. Но и зэв наян да лукав. Школа коридорөд мунигөн пыр нин кодөскө печиктас либө конйыштас. Сылы лөсьыд, повны некодыс: ми, песни челядь, велөдчам орча торъя школаын, сійөн и көзяитө. Кодкө луно менсьым выль шапкаос вывлань чилөдис, усис буретш няйт логйө. Ачыс жө и повзөдлө: норасян кө, унджык на сюрас. Мукөддырйи пөрөдлам жө сійос. Төдлытөг кодкө пидзөсчаняяс мышкас, а мөд тойыштас сы вылө. Сэки варөдысьыд уна, пошкигтыр өдва и петас чукөр улысь. Панъясигъясө да кутасьөмөн версигъясө ылысянь кылан сылысь упкөм-пошкөмсө. Сэки сійө пыр аддзө кутшөмкө помка, мед регыдджык мынтөдчыны, дугөдчыны.

— Но мый, Блин, сяръясьыштам, шогсян өтнад,— шыасис Костя. Блинас менө нимтоны гөгрөс да дон чужөм вөсна.— Öгөдасям?

Мудерыд мудер и эм. Пошкыс төдө и кужө өгөдавын сідзи, мый ачыс некор оз сюр, көть кытшыны кымынөн оз сулавны. Öнi сідзи жө, мекөд воча сувтөм бөрын кинас инмөдчаліс өта-мөднымлы, тэрмасьөмөн лыддьөдліс: «Йи кылалө-кылалө, карнан тшупөд вөлалө, ичөт дядьө юалө — кымын арөс тэд колө»,— медбөръяысь зутшкис пельпомө, тэд пө кутасьны.

Кытчө воштысян, ачым сөглас сеті да. Öдйөджык котөрти сярлань. А Костя син пөвсө куньөмөн витө нин палич кузяыс. Эз быттө и ёна выныштчы, а паличыс лэбовтис му весьтөд, веськыда сярйө веськаліс. Пока ме котөртлі потшөс дорөдз,

сійӧ тотшнитіс нин затыкаӧ палич помнас, лӧсьӧд-чӧ вартны матісянӧджык.

Нель логтор гарйыштӧма кучкаланінӧ. Инман кӧ сяръяс, мӧдысь кежлӧ матыстчан воськов кымын. Қор унаӧн ворсӧны, сәки медбӧръяӧн кучкӧ сійӧ, коді куимысь помся пезьдӧдіс сярсӧ. Выкупщикӧн мян сійӧс шуӧны. Ӧні ми кыкӧн да Пошкысь ӧтырышъя менӧ лешӧ-мучитӧ: бӧръя логторсянь заводитӧ, матыссаӧн помалӧ. И таdzi кымынысь нин! Весь быгзи-пӧсялі котралӧмысь. Лӧчкӧ шедӧм лӧбачлӧн моз сьӧлӧмӧй чеччалӧ морӧсын. Сярйыс быдӧнысь мунӧ потшӧс дорӧдз, вошӧ петшӧр пытшкӧ. Қияс и кокъяс зӧлитӧны. Сярйӧс местаӧ пунктӧм бӧрын син бӧжъясӧн видзӧдла Костя вылӧ: «Тюнь, эн инмы»,— думӧн шуа аслым, но он на босът. Быттьӧ магнитӧн кыскӧны сылысь паличсӧ. Ӧні эськӧ беддӧн юклала петшӧрсӧ, мед тшӧтш и лолӧс ӧлӧдыштны, но сәки Пошкысь горӧдас: маласян пӧ сәні. Ок и лӧгӧй пузис, мынтӧдча кӧ, мӧвпала, асьтӧ велӧда жӧ дорын узьны. Пошкысьлы мый, вашъялӧ. Мӧдарсянь кӧ шуны, мыйӧн сійӧ мыжа, ачым ӧд кутчыси. Сәсся, тыдалӧ, кевмысьӧмӧй мӧрчис жӧ. Паличыс Костялӧн сунласьӧмӧн муртса чикалитіс сярйӧ. Сюся жӧ эськӧ уськӧдчис, но ме пановті сійӧс, сярйӧн пу тув помӧ тотшкӧдігтыр горӧді: «Затыка-ляпа, Пошкысь! Сюрин жӧ!..»

Ӧдійӧджык котӧрті боқын куйлысь паличла. «Ӧні котрӧдлышта водзӧстӧ, кужа жӧ сяръясьнытӧ»,— думайта ас кежысь. Пошкысь буқыша видзӧдліс ме вылӧ, мед пӧ вӧлі тайӧн жӧ ворсӧма,— индіс аслас нӧш кодь палич вылӧ. Эг, дерт, сетчы. Сәки Костя видзӧдліс киас вӧнялӧм часі вылӧ, зӧв спокойнӧя шуис: «Сейтӧмӧсь, кӧнкӧ, пажнайтны виччысьӧны». Тшапа веськӧдчис гортланьыс. Пӧрйӧдліс, дерт, ичӧтджыкӧс. Скӧрмӧмла син водзӧй гудыртчис, кыв ни джын шуны ог вермы. Қватиті затыка вылысь сяр, мый вынысь косьӧбті мунысь-

лы. Кыдз пу йӧгысь вӧчӧмторйыс колснитіс баля-
бӧжас. Ачым повзи жӧ, мися, юрсӧ поткӧді, усь-
кӧдчи, гортлань. Мышлань эг и бергӧдчыв,
гольс игналі кильчӧ ӧдзӧсӧс.

Асывводз висьтаси Мишалы, школаӧ мӧдӧдчим
ӧтлаын. Пошкысьлысь балябӧжсӧ шырӧмаӧсь,
мавтыштӧмаӧсь йодӧн. Мисьтӧма видзӧдліс миян
вылӧ, нинӧм эз шу. Мыйкӧ, гашкӧ, сюркняліс пель
саяс. Висьтасьӧма тай: велосипед вывсянь пӧ уси.

Чикышъяс

Ыджыд тыдорса эрд вылӧ вӧчисны лысьтыся-
нін. Гожӧмбыд ӧні мӧсьяс олӧны ылыс видзьяс
вылын. Скӧт видзысьяслӧн керкаын ме тшӧкыда
узьла. Мукӧддырйи войбыд сёрнитам Митрей дед-
кӧд, коді сәні стӧрӧжалӧ.

— Скӧт вайӧм бӧрын ном мында чикыш чукӧр-
мис,— сідз ӧтчыд заводитіс сёрнисӧ дед.— Посни
лолыс жуӧ мӧсьяс дорын, наӧн пӧткӧдчӧны. Ӑні
буретш позъяссӧ дасьтӧны, аски видзӧдлан.

Мӧд асыв ме казялі чикышъяслысь гыӧм-лэ-
балӧмсӧ, ӧтырышъя петӧны-пырӧны лэбулӧ.

— Ыджыдӧсь-ӧ асьныс, а зэв кужысь мастеръ-
яс,— мышсянь шыасис Митрей дед.— Видзӧдлы,
со муыс кок улын, а новлӧны тракторъясӧн лойӧм
сәй сорасӧ этійӧ логсьыс. Тӧдӧны, косьмас да мед
оз потлась, мед бурджыка лемасяс йиркас.

Гашкӧ, кык дас вожа бӧжа лэбач ляпайтісны
позъяссӧ. Ваясны вомас уль му комок, здук кежлӧ
и тонгысьлӧны йиркӧ, бара нин сунӧны увлань.
Быттьӧ неыджыд сарӧг пыдӧса бекар кымыньӧн
сибдӧдӧма сәтчӧ. Бура вӧчӧны, ӧд сәні колькъяссӧ
кутасны пӧжны, пиянсӧ быдтыны борд вылӧ лыб-
тӧдз.

Ты вылын вуграсигӧн казявлі, кыдзи гажа лунӧ

найö дживъялöны выліті, а кымöра поводдяö дзик му дортıыс. Чишнитасны пель дорöд, весиг повзыштан. Лэбалöмыс — налөн пöткöдчöм. Мукöддырйи чиркнитасны ва веркöссö, тадзи найö юöны. Дженъыд кокъяс да кузь бордыяс вöсна чикышъяслы сьöкыд лыбöдчыны мусянь, сы вöсна шоча и пуксьывлöны. Мудзöны, дерт, лунтырсö сынöдын öктысьöмсьыс. Рытнас тай орччөн-орччөн пуксяласны етолбсянь керкаö нюжöдöм сутуга вылö, ас ногыс варовитиг, ныръяснас лöсьöдалöны гөнсö.

Мöдысь воёмö дедлы висьтасьöмыс шензьöдис менö.

— Кöдздöдліс тай,— Митрей дед паськöдліс кияссö,— чикышъяс вошлісны лун куим-нель кежлö. Мөвпала: куласны пияныс вердтöг, сэні öд сё гөгөр найö. Видзöдлі: чукөрö ланьтöдчöмаöсь, весиг оз вөрöшитчыны. Сэсся шонді петöм бöрын бөр воисны. Дерт, пöди, кöні шоньд вöлі, сэні пöткöдчисны. Кöдзыднад öд и гут-гагйыд оз лэбав. Вот кутшöм налөн оласногыс.

Ме пос вывсянь видзöдлі дорса позйö. Чикышпиян чиргöны вомъяссö паськöдöмөн. Юр чут йывъясыс сьöдасьöмны, бура тöдчö голяувса еджыд пасыс. Сідзкö, регыд эновтасны позсö.

Отпуск помöдз ещö на мойвиис ветлыны ты вылö. Узи, дерт, Митрей дед дорын. Том чикышъяс петöмаöсь кымынкö лун водзын, öні чукөръясөн лэбалісны бать-мамныскöд öтлаын.

— Ставыс ладнö,— асывнас шыасис дед.— Йöv содис, кызь вит кукань да öшпи чужисны тані, и чикышъяс... Сöмын тай öти седун пыр на виччысьö сёянсö позъяс.

Збыль, кадысь кадö чикыш бать-мам пыравлісны лэбулö, вайöмторсö лöдісны вомас пиыслы.

— Гашкö, висьлöса,— шуа дедлы,— сійөн и оз эскы аслыс, ёнмöдчö.

— Тані мыйкö мöдтор. Колö видзöдлыны.— Нöбаліс сера пос, сувтöдис стен бердö.— Мокась-

тыд!— горөдіс сійө вывсянь.— Оти кокыс дзугсьо-
ма вөв бөж сийө. Тыдалө, няйтсө новлігөн веська-
лөма сийс, гарчикыль артмөма.— Митрей дед ичө-
тик пуртөн орөдіс сисө, мездіс лэбачпиөс. Лөвтысь
бать-мамыс уськөдчисны асланыс быдтас бөрысь.
Дерт, найө вөліны радөсь.

Гриш-Пашьяс

Яг дорыс зэв гажа. Сыктыв юсянь матын, да
вөрсө абу пөрөдөмаөсь. Шондіа луно ылөдз тыда-
лө пожөмьяс костөд.

Гриш-Пашөс бать-мамыс кольөдісны вотчыны.
Кодкө луно батьыс кежавлөма тагчө, казялөма
пув сиксө. Асьныс найө мотора пыжөн водзө на
катисны, верст нель-ө-вит сайө. Турунасигөн на
важ катище вылысь батьыс эновтөм керьяс чинта-
ліс, быгляліс чукөрө, коркө пө пөпуттьө пес вылө
кылөдам. Вотчөй пө сюся, ми пө бергөдчам пажын
кежлө.

Гришалөн да Пашалөн өткодьөсь кузовьяс и
чуманьяс. Да и асьныс найө өти бала вылө зэвтөм
лызь гоз, двөйни. Паша эськө асьсө ыджыдджыкөн
лыддьө, мамыслөн висьталөм серти рытнас чужө-
ма, а Гриша — вой шөр бөрын. Мамыс кындзи бы-
дөн сорлалө найөс нимьяснас. Батьыс тай кыкнан
дорас өткодя шыасьө, Гриш-Пашөн.

Яла вылө пувйыс пев пом гырся артмөма, му-
говгөрд рөмөн дзирдалө нитшсялөм пөрөм пуяс
вылын. Мукөд розсьыс кабыр тыр лоө. Чуманьяс
регыд и тырисны.

Өти пөлөс уджыд тай регыд дөнзьөдө, торйөн
челядтьө.

— Шойччыштам, коскөй мудзис,— чуманысь
пувсө кисьтөм бөрын Паша нюжгысис-водіс яла
вылө, мөдыс нөрөвтчис жө ськөд орччөн.

Неылын сулалысь пожомын таркөдчис-дорчис гөрд юра сизь, косьмөм кырсьсө пластьясөн чашйө-лэдзө. Дыр нин тап уджалөма, увсянь выліөдз пу-сө пож кодя розьөдлөма. Шөрвьяс, тыдалө, поз вөчөма, кулак төриг розь тыдалө.

— Ачыс весьт кузьта и эм,— шыясис Гриша,— а кывйыс пө ас кузьтаыс жө, кызди бара вомаc тө-рө-а.

— Помыс пө ещө вожа,— вочавидзис мөдыс.— Кызкө өд пөткөдчыны колө, нем оз дасьты кузь төв кежлө. Кавшасьлы поз дорөдзис, пиянсө ви-дзөдлам.

— Пиянсө пө. Найө важөн нин петисны. Вөлі-ны кө, эськө ыджыдъясыс новлісны сёянсө. Вай бурджык вермасьыштам, ыджыдджыкөн тай шу-сян,— Гриша вожасис вокыс вылө.

Детинкаяс прамөй дыр вальмасисны яла вы-лын. То отыс улө веськавлас, то мөдыс. Да, ты-далө, и выныс налөн отмындаөн вөлөма.

— Тьрмас сэсся,— кашкигтыр шыясис Паша. Чеччис да босьтис чумансө.— Вотчыштам. Көнкө, бать-мамныд воасны регыд.

— Пөлинө, велөдысьыд таво көсьысис торйөн-торйөн пуксьөдны мянөс, сорлала пө нимъястө. Пөди, нывкаяскөд пуксьөдасны,— Гриша веськө-діс коссө, видзөдліс вокыс вылө. Сылы вөлі мый-ысь майшасьны: артасигөн пыр джөмдалө. Сэки орччөн пукалысьыс чуткас тетрадь листө чуньнас, таті пө суклялөмыд. Ачыс Паша уджйөза жө во-кыс водзын, гижигөн знакъясыс вөзйысьөны кытчө-сюрө. Вокъяс отсасьөны өта-мөдныслы школаын и гортын, и лёкыс тані нем абу. Оз лёка велөдчыны.

— Куим во отлаын пукалім, нинөмла торйөд-ны. Вооны со, кылө, а кузовъястө эгө тыртөй,— Паша бергөдчис увтасінлань, көні вөрыс вөлі пос-ниджык да кысянь кылісны кутшөмкө шыяс. А не-дыр мысти детинкаяс муртса эз весьөпөрны казя-лөмторсьыс.

— Со нө... йөраяс!— өтпырйө моз шыасисны найө.

— Пышъям, Гриша,— тирзян гөлөса, Паша кутыштіс воксө сой пөлөдыс.— Со пиыскөд, талань локтөны...

Збыль, зверьяс мунігөн мыйлакө нюклясисны вөсни пожөмъяс, мукодыс чегъясис, муө гылалисны увъяс, шаргис-киссис лыс.

— Пышъям, шуа,— Паша пыр на кутіс Гришаөс сой пөлөдыс.

— Шедөма сійө, видзөд, сутуга гез сьылісө зэвтөма. И кыскө мыйкө сьөрсъыс.

Кыз тай сейөд му гөригөн вөв, энъ йөра гөрбыльтчөма, став вынсө зэвтөмөн пискөдчө пуяс костөд. Метра кык кузьята кер пом вөтчө бөрсъыс. Крукасыс чуркаыс, зэвтас сутугаыс зверлысь голясө, сэки йөра копыртө юрсө мулань, неуна польчиктыштөм бөрын водзө выныштчө. Бөръя коксыс, пидзөс вывтыс, кучикыс вольыштсьөма, яйыс эшвидзө. Воддза кокъяс вылас, тыдалө, унаысь жө нин усьлөма, борсьөмаөсь да няйтөсь. Пиыс вөсни да кузь кокъяс йылас өдва жө ляшмасьө. Кор пикө воөм мамсө кер помыс сувтөдө места вылас, нырнас судзөдчө вөраас. Сейтөм, вийсьысь пемөслөн кытысь йөлыс, кор өдва сулалө кок йылас. Код төдас, дыр-ө нин чашйысьөны тадзисө.

Вокъяс збоймыштісны, кор казялісны пикө воөм зверьясөс.

— Колө мездыны, разьны сутугасө,— жаладдза шыасис Гриш.— Сгинитас кытчөкө, сибдас сук вөрө да. Ичөтыс со сэтшөм жө.

— Кыз нө лысьтан сибөдчыны сы дорө. Сійө өд оз төд, мый тэ бур көсьян вөчны. Пезьдас кокнас, дай лэбовтан. Батьыд кө-а.

— Сідзкө котөртама на дорө. Мотора пыжнад дыр-ө воны,— тэрмөдліс воксө Гриша.

Кузовьяс да чуманьяс колисны пожөм улө, уськөдчисны котөртны муртса төдчысь ордымөд. Ю

берег пөлөһнүд тай пыр нин сэтшөм туйторһыд чукльөдлө-мукльөдлө. Зонкаяслысь туйсө регыд потшис Сыктылө усьысь ю. Зэръяс бөрын паськалө-ма, пыдын и.

— Колө ю вомөдыс вуджны, дзик ю вомөдыс,— тэрмөдліс воксө Паша, уськөдчис ю кывтчөс.— Велөдім тай: сәті пыр ляпкыдджык, визулыс вайө быдсяма ёгсө да илсө, пуктө мөд юө усянінө.

Сідзи и вөлөма, весиг гачьяссө эз ков пөрччывны.

— Мый нө лон, Гриш-Пашъяс?!— батыс ылысянь на казяліс видз вывті котөртысь пиянсө, юаліс повзьөмпырысь.— Ош ли мый вөтчис, усянныд чеччаннуд.

Найө, вөлөмкө, удитөмаөсь нин пур вөчны, өти чалькостысь новлөмаөсь турунсө, өні зэвталөны гезйөн.

— Йөра сәні... Йөраяс... Сутуга лэчкө шедөма мамыс...— өта-мөд вежмөн мыкталігтырһи сёрнитісны вокъяс.— Кер пом кыскө ас бөрсыйс, доймасьөма.

— Аттө... Мый нө вөчам?..— бөръяпом шыасис батыс.

— Мынтөдны колө,— өтпырһи мөз бара кевмысисны пияныс.

— Пуксьөй!— ставныслы горөдіс батыс, вуджис пур вывсянь пыжө.

— Пурсө нө он домав?— вөрзигөн нин юаліс мамыс.

— Бөрыннас волам!— батыс өвтыштіс кинас, веськөдіс пыжсө Сыктыв шөрлань.

Йөраяс абу и ылө мунөмаөсь вотчанінсянь. Кык пу костө чуркаыс пөперегасьөма. Эһныс кытшовтөма пу гөгөр, чоталөма асьсө, сутугаыс кокъяссө шыртыштөма. Чеччытөм вылө нин пөрөма бок вылас. Бөр кокъяснас мөдлас тракһысьны, ещө на сылісө зэлөдө. Вомсьыс кывһыс боквыв өшйөма.

— Со тай, коньорушко, кызди төбсөмүд не ас вөлясыд, кувны нин тай лөсьодчөмүд,— нюрк-йөдліс-шуалис зонкаяслөн мамыс.

— Вешйыштөй,— вокьяслөн батыс мышладорсянныс өти кинас кутчысис йөралы пеляс, мөд-нас лэчид вома клещиөн мөдис тричйөдлыны-ор-йөдлыны сутуга пратьяссө. Гашкө, дас пөвста вө-лөма көрт гезйис. Йөрапи ньөти эз пов йөзысь, чушнас өтырышъя зурөдө мамсө, сарөг кывнас нюлө сйөс мездысьлысь пельпомсө. Кынөмыс, дерт, ёна сюмалө. Медбөръя пратьсө орөдөм бө-рын батыс сетчыштіс мышыв. Сэсся ставөн ылыстчисны зверьяс дорысь.

Энь йөра кузя уппитіс, веськөдіс личалөм кокъ-яссө, сэсся өдөбтөмөн кымынясис, сюркняліс кокъ-яссө кынөм улас. Но выныс, тыдалө, эз на тырмы кок йылас сувтны, кадысь кадө кызөкталіс пыді-сянь, быттө виньдөм бөрын. Кывтөм пемөс оръяв-лытөг дзоргис неылын сулалысьяс вылө. Нор ви-дзөдласыс аттьөаліс мездысьясөс, но висътавыны та йылысь эз куж.

— Этша сөрөнджык кө воим, пом эськө вөлі,— батыс веськөдчис кузовьяслань.— Польчиктыш-тас-шойччыштас да сувтас сэсся, огө кутөй тор-касьны,— бергөдчис пияныслань:— Бур сьөлөма йөз вылө веськалісны. Лыддьөй: морт өти зверөн, Гриш-Паш, мездінныд.

Вокьяс радпырысь видзөдлісны өта-мөд выла-ныс.

— Ичөтыелы эськө пом жө вөлі?— юалис Па-ша.

— Тшөтш, дерт, код нө сйөс кутіс дорйыны. Вермис на и тшыгла кувны, пыр мамыслысь чеч-чөм-сувтөмсө виччысис.

— Кызд нө, батьө, энь йөраыс пикө воис?— сюртчис жө сөрниө Гриша.

— Кодкө төвнас кыйсьөма петляөн, гожөм жежлө вунөдөма босьтны октөм нальксө. Вот и

шедас йӧраыд. А гашкӧ, и ӧні нин октіс, быдсяма йӧзыд на тай эм. Сувтса пуӧ, дерт, сутугаыс вӧлі кӧрталӧма. Да пуыс косьмӧм нин вӧлӧм, вужъясыс омӧля кутӧмаӧсь. Вына зверлӧн тракйысьӧмысь пӧрӧма, чегъясьӧма кражъяс вылӧ.

Сьӧрсьӧн-бӧрсьӧн

Коді келавліс вӧрті кӧчалан понкӧд, нэм оз ву- нӧд татшӧм вӧралӧмтӧ. Коктӧ, дерт, песан жӧ, куш туйяс кузя ветлігӧн лазъяд нем оз веськав. Пыр отсасян понйыдлы регыдджык зверӧс кыпӧдны: мунігмозыд беддӧн кучкалан пу дінъясӧ, горзан, нарошнӧ каджӧдан-сувталан кос увъяс вылӧ. Арын кӧчыд чорыда узыӧ, войын пӧткӧдчӧм бӧрын сылы дыш энотны шойччан местасӧ. Мукӧддырйи вылӧ- дзыс воан, еджыд комок звиркнитас-лӧбовтас пу улысь. Понйыд сэтшӧма мудзас, сьӧлӧмыс вомӧ- дыс дась чеччыштны. Тільясӧд вӧтлысигӧн чушыс вирӧдз борсьӧма.

Ӕртӧй ӧтчыд вайис тӧлысья кычанӧс, мойвиӧма судзӧдны питомникысь. Миян сиктын сэтшӧм понъя- яс эз видзны. Лапкор пеля кычи тулыс кежлӧ вер- стьӧ понйӧ пӧри. Паськыд морӧса, зумыд кокъяса, гӧлӧсыс,— быттӧ тыртӧм бӧчкаӧ паличӧн кучка- лан.

Вӧлӧмкӧ, пӧрӧднӧй понйыдлӧн сямлуныс вирӧ- дыс вуджӧ, некутшӧм велӧдӧм оз ков. Ӕт вунӧд медводдзаысь вӧрӧ петавлӧм. Коръя пуяс шыби- тӧмаӧсь нин гоҗся паськӧмсӧ, асывъясын кынма- ліс. Рекс кеҗис кыддза раскӧ, ме восьлалі векны- дик ордымӧд. Воськов дас сайті кӧч вомӧналіс ту- йӧс. Час, шуа, видзӧдла, мый кутас вӧчны пӧрӧд- нӧй понйыд. Регыд вӧтӧдіс, джӧм сувтіс кӧчлӧн вуджӧм местаӧ, неуна исасьыштӧм бӧрын уськӧд- чис, но мӧдарӧ, кысянь зверыс воис. Некутшӧм

чуксасьом эз отсав. Сэссия, тыдало, гөгөрвоис жө, бергөдчис, кывсө нюждома, веськөдчис кок туй-яс кузя.

Оти лунө кыйсим эновтөм грездорса муяс до-рын. Мөвпала: вөр дяс вылысь кокниджык босьт-ны зверөс. Козья-пипуа вөрын юрөбтис Рекслөн гөлөсыс, модис ылыстчыны шор катыд. Пөрысь көч веськалома, кушинө оз пет, быд пөрийө ыджыдджык и ыджыдджык кытшов вөчө. Мукөддырйи пельөдз муртса воө понлөн гөлөсыс. Кыкысь син пыр нуи зверөс, а лыйны некыз ог слөймы.

Иирмөг босьтис өти местаын сулалигөн. Витөд ли квайтөд кытшов вөчигөн понлөн гөлөсыс кутис матыстчыны восьсаинлань. Ойдөджык уськөдчи өт-көн сулалысь коз улө. Увтчөм шыяс серти гөгөрвои: өта-мөдсыныс костыс абу ылын, понйөй синнас аддзө водзын котөртисьсө. Öни кокниджык, оз ков исасьны. Сэки, дерт, пышйысь и вөтчысь пызйөны став вынсьыс. Сэссия өд, мөвпала, көчлөн абу жө выныс помтөм.

Восьсаинө көч быйкнитис-петис мясянь неылө. Пон гөлөсысь вөрти пышйигөн сийө оз ёна тэрмась: котөртиштас неуна, кывзысьыштас, чеччыштлас бөкө — кок туйяссө дзугө — и бара водзө. Сэки оз төд, мый буретш сы бөрысь вөтчөны, прөстө ылы-стчө бөкөвөй шыясысь. А öни: быттьө сынөдас өшала, муө инмөдчылөмыс оз төдчы, водз-бөр кокья-сыс быттьө өтлаынөсь. Лолыд, дерт, быдөнлөн жалы! Лыйны эг удит — понйөй мыччысис, джодж кузьята и костыс вөлөма, вомсьыс ру пуркйө-петө. «Бара пыштяс, оз кө вөрө пыртөдз суөд», — ду-мышти пищальөс лэдзигмоз. Сэки восьсаинын ты-довтчис ещө өти зверь, понйысь на кузя тувйө-чеч-чалө, бөжсө бөрлань бедь моз чургөдома. «Көин тай!» — горөдчис аслым. Сьөрсьөн-бөрсьөн куй-мөн кырсьөны керөс вывлань. Пон оз кыв ни ад-дзы сийөс, лешөйыд тшапалас мышсянныс. Здук кежлө шөйөвошли, сэссия помся кыкысь лыйи выв-

лань. Қоин чепөсйис бокө, воштөдчис кустьяс пиө.
Лыйөм бөрын пон эновтис жө көчөс. Öдйөджык
эновтис сийө местасө.

Штрап

Июль водз пом. Шойччан лун. Шонди прамөй
вылө нин лыбөма. Югид курья дорө чукөртчөма-
өсь морт комын. Гөрд рузумөн сойсө вөнялөм му-
жичөй ставнысө пасьялис бумага лист вылө, горө-
дис: «Позьө заводитны! Кутам кыйсыны нель час».

Вежон сайын райгазет юөртлис, мый чери кы-
йысьяслөн лунө котыртчас ордйысьөм, вермысьяс-
лы вичмасны призьяс. Кадыс Петырлунөдз на, ту-
рун пуктыны эз на босьтчыны, сийөн и чукөрмисны
унаөн. Томьяс и олөма нин йөз. Урчитөм кадө усь-
көдчисны водзвыв бөрийөм местаясө, курья өтар-
мөдарө.

Ставөнысь торьялис тані райпоөн веськөдлысь
Пётр Леонтьевич, ар ветымына вердаса мужичөй.
Районын медся пыдди пуктана морт.

Пётр Леонтьевич өтнас курья помөдз воис
машинаөн. Шоперыс, дерт, гольгөдис. Начальниклы
сийө отсалис дасьтыны кыйсян көлуйсө, машина
гыркысь перьялис сөян-юан, бипур вылө чукөртис
пес. Пётр Леонтьевич удитөма нин гожьялыштны,
мичаа серпасалөм кык зепта шортысө зөвтөма под-
тяжкиөн — кынөмыс прамөя джаджсялөма. Юрас
гут кулан тшаклөн кодь чутьяса гожеся шляпатор.
Уна жырья чобөтанын торйөн-торйөн тэчөма кола-
на көлуйыс: аптекаын моз банкаясысь-склянка-
сысь өвтө быдсяма дукөн. Вугыр шатиныс сьлөн
волялан бедь, кыскыштан помөдыс, нюжалө, кыш
кодь кокни.

Удж саяд кадыс зэв өдйө пышйө. Жарыс пөжө,
и төвру кытчөкө дзебсьөма. Татшөм лунө чериыд

оз ёна дживъяв, йёз моз гож сай жё корсьо. Сійон и кодсюрёс уджыс дёнзьёдома. Томджыкъяс магнитофонлы вёля сетомны, асьныс куръядорса лыа вылын мачён ворсьоны. Зэв на и лосьыд: ваыс орча, пёсялём бёрын пожйыштан ньылёмтё. Олёмаджыкъяс доминоён колскёдёны кымыньтём фанера ящик вылын. Мый нё: гортад ёд кор на мойвиас тадзи чукортчывны. Призъясыд налы, тыдалё, веськодь.

Пётр Леонтьевич важён нин кыйкъялё ськёд орччён вуграсьысь вылё. Ваыс ньёжйёник визувтё да, тыдалё, чёскыд кёра нянь торпыригсё сыланьё нуё, вугырас тай мёвкнитлё эзысь рёмён то гёрд синма кельчи лэптас, то бадькормык. А сьлён табйыс унмовсьёма турунъяс дорё, быттьо сьёкыд удж бёрын шойччё. Нинём оз отсав, коть мый оз самав.

Сояс кумач вёня мужичёй ветлёлё курья берегёд, мед ордысьёмсё некод эз торкав. Кольём во тай тайё жё луннас рытнас кыйём черисё ёти вёлі вёзийё. Былялём синъяс сертиыс казяліс. Пётр Леонтьевичёс, дерт, призъясыд эз жё ышодны. Юрас мёдтор: кык лун мысти крам празник — Пётрё и Павел. Сылы буретш вит дас тотшкё. Ветымын арёсыд олёмад тёдчана тшупёд. Бур эськё, мичаджык чери кё сюри черинянь вылё: Кадыс мунё, а кыйдёсыс сьлён каньпины сетмён.

Райпоса начальниклысь мёвпъяссё торкис бузёдчём шы: суседыс пырёма пидзёсёдз ваё, то вотйё-зэвтё лескасё, то бёр личёдё. Вёлёмкё, вугырё шедём мёвкъялысь кельчиёс турунъяс дорын сир ньылыштёма. Пессьё-шыбласьё ётарё-мёдарё, то кыпёдчылас здук кежлё, то муткыртас-уськёдчас пыдйё. Том морт тёдё вёлём асьыс уджсё: сиркёд неуна ворсёдчыштём бёрын укшальмём чериёс, нильёг лёп чуркаёс моз, кыскыштіс алькёс берегё.

«Мыйла бара меным эз веськав-а», — Пётр Леонтьевич вежогтёмён видзёдліс нюжвидзысь чери

вылө, сійөс кыйысь вылө. Аршынысь на содаджык, сёмөм көрт тув кодь пиньясыс затшвидзисны джын-вийө восьтөм вомас, шочиника воссьылісны да бөр пөдлассисны нёкчимъясыс, мөс бугыль кодь синъясас югнитлісны шонді дзирдяс.

— Төдан... кыз тэнө шуоны... вузав,— мыкта-лөм сорөн кевмысис Пётр Леонтьевич.— Нимлун менам, черинянь вылө колө.— Мигнитіс синнас, шорты зепсыс перйис даса.— Вугыр шатинөй тай кажитчис — босьт. Спиннингсө босьт, заграниш-нөй, вердас... Гашкө, мыйкө магазинысь сэтшөмөс көсьян, шапка ли, пась ли...

Том мортыд небыд сёлөма вөлөм. А гашкө, эз сэтшөм дона вөв сылы нитшсялөм юра, уль пу кө-ра яя сирьс. Но век жө босьтіс кыш кодь кокни ву-гыр шатинсө, магазинын сэтшөмыс шоча овлө.

Кыйсьысьяс муртса чукөртчисны куръяпомса лапта вылө, лыа бөжө сувтіс мотора пыж. Рыб-инспектор вөлөма. Сійө карын олө, көть тані уджа-лан местаыс. Кадысь кадө мыччысьлө Сыктыв йылө, дживъялыштас мотора пыжөн, штрапуйтас морт вит-ө-квایتөс, төлысь кежлө бөр мунө карө. Матыстчис чукөртчөм йөз дорө, чолөмасис. Казя-ліс Пётр Леонтьевичлөн кок дорсьыс ыджыд си-рөс:

— Абу на тай дзикөдз Сыктылыд гөльмөма. Польө кодь...— кок нырнас инмөдчис черилы юрас. Сэсса перйис зепсыс папирос пачка ыжда крука көрөб, тоньгөдіс сирөс нёкчим костас крукыштө-мөн.

— Квایت кило да джын. Асьныд төданныд, өт-пырйө позьө кыйны вит килоысь не унджык. Пра-вилөяс торкалөм артмө, ёртъяс, а сыысь, асьныд төданныд, штрап.

Ставөн шызисны-гызисны. Праздник лои тор-көма.

Пётр Леонтьевич эськө кывліс инспекторлөн «слаблун» йылысь: грөзитчас пө бур здук, сэсса

небзьö жö, сулея ныр кö петкöдлан. Машинаас сьлөн вöлі шкаликыс, позис сёрнитыштны торйөн, да эз нин мöд суклясьны.

— Сöтана пызь, штрапуйт, сы понда кö ветла-сян,— пинь пырыс сöдзöдiс мотора пыж дорö му-нысьлы.

Булька

Лавра пöльлөн пö понйыс вошöма. Бөръя кадö некод эз аддзыв Лавраöс Булькаысь торйөн. Мунö кö грезд кузя пöль, понйыс сы водзын, кык-куим воськов сайын котöртышталö, бöжсö чарлаö гар-товтöма да. Кыкнанныс пöрысьсöсь. Лавра и ачыс, гашкö, асьыс арлыдсö оз тöд. А Булькалөн юр гö-гöрыс дзормöма, пельясыс сьöктаммöмаöсь. Кöзя-иныслысь висьталöмсö ёнджык гөгөрвоö синъяснас, бур, мый найö сюсьсöсь на.

Эз этша нюр да лёк шор вомён вуджлы Лавра пöль аслас ёртыскöд, эз этша вой коллявны бипур дорын, вөр керкаясын. Слötсö и кöдзыдсö терпит-лисны. Но тайö вöлі водзджык. А öни во-мöд-кой-мöд вөрö оз нин петавлыны. Пöль кутiс новлöд-лыны бедь — коймöд кок, а Булькалөн рöдтöмыс боксянь мöдiс кажитчыны места вылас дзөрöмөн. Кадыс тай босьтö асьыс. Шоныдджык лунъясö унджык кадсö кык пöрысь коллялöны Старича ты дорын, йи улысь чери кыйыштöны. Сэни налөн и чом эм.

И со пöльö ветлöдлö öтнас. Ёна пö шогсьö, быдөнлысь юасьö, эз-ö аддзыв кодкö Булькаöс. Кытшовтöма керка гөгöрыс. Эз-ö пö нин кувсьы.

А ставыс лöма со кызди. Рытьядор Лавра мö-дöдчас Старича ты дорысь гортас, кыйсян угод-дьöяссö коляс сэтчö. Шыбитас йи вылас и кормöм дора мешöк. А ачыс гортас мöдöдчас. Понйыс му-

нөмсö оз казяв — бокинджык вöлöма. Булька лок-
тас көлуй дорас, кутас виччысьны. Виччысьö вой-
быд. А пöль гортас инö оз öшйы. Тöд вылас оз во,
мый понйыс вермис кольччыны Старича ты дорö.
Эз öд öтчюд сэтчö туйсö тальлыны. Тöдö, небось.
Пöльлы сэсся челядь висьталасны. Вуграсьöмны
сэни. Кöсьясны видлыны, мый эм мешöкас, но пон-
йид уськөдчöма: эралö пö, матö оз сибöд. Сөйтöм-
лаыс шатласьö, а пыр виччысьö көзяинсö. Öдва пö
ачыс Лавра пöль бурöднысö вермöма, сэтшöма
скөрмöма понйыс. Но век жö бурасьöмаөсь. Пöльö
моздорас пö и вайöма гортöдзыс.

Фокус-мокус

Сидз нин пыр мунö: сентябрь помö школаын
пасйöны арся праздник — Урожай лун. Котыртчö
выставка, бал вылö вурöны костюмьяс, челядьöн
уджалöм сьöм вылö ньöбöны призьяс.

Ставсö тайöс меститöма ыджыд залö, кодöс
водзвыв кыпыда пелькөдöны да гажöдöны. Пыран
татчö, синмыдлы оз эскыссы: картофель да ка-
пустанад он шензьöд, но кор тэ вылö видзöдöны
тыква и арбуз, яблөгьяс да лимоньяс — синьясыд
гöгрöсмöны. Дас морта жюри (öтиөн быд клас-
сысь) доньялö уджсö, прöйдитигмоз вензьыштöны
ас костаныс, пасйышталöны бумага лист вылö, ты-
далö, öти кывйö воём бöрын. А дзоридзьяслөн чöс-
кыд көрыс юртö кольмöдö.

Чукөрөн и öткөн шывкьялöны нарадитчöм йöз,
петкөдлöны ассьыныс сямлунсö. Со кодкö Мичу-
ринö вöчсьöма, весиг йыла тош тоньгöдыштöма.
Сарапан серьясыс: веж корьяс, быдмөг мыгөрьяс,
дзоридз рёмьяс. Прöйдитöны көчан и сёркни юра-
яс, тшакапала шенасьö корöсь кияснас. Ылі Гре-
цияысь весиг локтöма урожайлөн богиня Деметра.

Паныда стенингырысь шыпасъясӧн петкӧдлӧма челядьлысь вося уджсӧ. Сюрс сайӧ дзоридз разӧдӧмаӧсь сикт пасьта. А ыджыд туй бокӧ том козсӧ, медым лымйыс эз турзьӧд, пуктӧмаӧсь визьӧн куим верст кузя. Ставыс пасйӧма: мыйта турун заптӧмны совхозлы, идралӧмны картофель, кызди отсасьӧны пӧрысь да висьысь йӧзлы. Тани жӧ быд класслӧн мичаа серпасалӧм стенгазет.

Челядьӧн гортын быдтӧмторъяс аддзӧмны жӧ тани места. Со морт мыгӧра картофель, дас вожа морковь, сад йӧрын быдмӧм гобъяс, куим шепта шобдӧ идз...

Но медьӧна шензьӧдис Петя Майбуровлӧн экспонатыс. Сийӧ перйис питшӧгсьыс литр джынъя бутылка, а сӧни веж ӧгуреч. Ставӧн акнитисны. Вӧлӧмкӧ, Петя идз помӧ гӧрддзасьӧмсӧ бутылка розяс веськӧдӧма, сӧни сӧвмӧма гожӧмбыд. Быдтыны быдтӧма, а кызди кутас перйыны, эз висьтав.

Дас во бӧрын

Школаын бӧръя во велӧдчигӧн Микол Ӧльӧксейкӧд ветлим Пыридз Давйӧ. Сӧни, гӧгрӧс нюр дорын, койтисны дозмӧръяс. Койтыс эз вӧв ыджыд, но морт ӧти чукчиӧн пыр вӧлӧ сюрӧ.

И вот дас во бӧрын май праздник кежлӧ вон чужан сиктӧ. Рытнас жӧ и аддзысим ӧрткӧд.

— Но мый,— шуа Ӧльӧксейлы,— пызнитлам Пыридз нюрад, казъыштам важсӧ. А сийӧ:

— Ӧти нюрыс ӧд и коли, вӧрсӧ пӧрӧдисны гӧгӧр. Ӧдвакӧ кодкӧ эм сӧни. А сӧдзсӧ позьӧ,— неуна олыштӧм бӧрын содтис Ӧльӧш.— Мудзӧмыс век сюрас.

Джын туйсӧ муним тӧвся лызьнича кузя, южыс кутис на, эз вӧйтав. Мӧд джынсӧ келим челикӧд, задйӧдз собалим топавтӧм на лымйӧд. То Ӧльӧш

водзын мунö, то вежла ме сійöс. Сэтчö жö зэрмис грек вылö, увсянь и вывсянь ва. Места вылö во-тöдз дзикöдз укшальмим, паськөмöс кöть пыдзрав выламысь.

— Тойлöны тай гортсыд,— Öльöш видзöдліс гудыртчөм енэжö.— Войбыд кежлö лöсьöдчис, юртö некытчö суйны ни прамöй пес абу. Кöть и шыяс кодкö, татшөм лымнад он сибöдчы.

— Гашкö, төрстыштас-кынмыштас асьядор,— такöдi ёртöс, мöдi лысьясысь вевт ув кодьöс вöчны, тальны узян местаöс.

Войбыд шливгис-зэрис, войбыд бергалім би до-рын. Бытьö тшын ру лыбö паськөмъяс вылысь. Асьявыв кобис жö, шондi мыччысис.

— Эм, другö, кодкö,— Öльöш чошкөдiс пельяс-сö, чай кружкасö пунктiс ноп дорас, кинас петкөд-ліс нурывса пожөмъяслань.

Бытьö тыртөм истөг көрөбö кодкö печлаліс, но тайö төдса шыяссö пельыд торйöдас, кöть садь-мөдасны вой шөр войын. Öдйөджык разöдi бипур-йысь тшынасысь сэрапомъяс. Кор дозмөр мөдiс сьывны, Öльöшлы мыччи ружьеöс, мед сибöдчас, сылөн кокъясыс турилөн кодь кузьбөсь.

Вөлөмкö, чукчиыд пöрысь вөлөма, кужö асьсö кутны: недыр сылөм бöрын вежис местасö, тыдалö, неөтчыдысь нин мөдлөмаöсь матыстчыны сы дорö.

Котсигтыр юр весьтөд лэбисны кык-ö-куим көн-дозмөр, пуксялісны матысса пуясö. Чукчи, дерт, кыліс налысь воөмсö, здук кежлö вунөдiс виччы-сьөмсö, тшапа восьлаліс кыз пожөм ув вывті, оръя-влытөг сьыліс. Öльöш сы дорö тувйö, болскö сөнiксялөм лымйөд, шапкасö тасма костас суйöма. Но он на босьт. Шондi водзын сьөдөн дзирдалысь ыджыд лэбач чеччис пуысь, неыджыд кытшов вöчөм бöрын пуксис муö мортсянь неылö. Думсьыс корис көндозмөръясöс лэччыны ворсыштны. Öльöш чургөдiс ружьесö. Чукчи казявтөг эз ов восьсаи-

нын вөрөшитчысь мортос, да кыпөдчыны дзык пыр эз вермы. Шолля лымйыс берегдорса лыа моз эз лэпты сьөкыд лэбачос. Чорыда швачкөдіс бордьяс-нас, морөснас гөрис лымсө. Мыджөдыс абу да, оз вермы му дорсянь өдөбсьыны. Сэсся, тыдалө, кок улас веськаліс пөрөм пу ли ув, лыбөдчис. А лыйөм шы сідз и эз кыв.

— Мый нө, льөм вотны али мый воин, али ружьеыс эз пезьдөд?

— Лолөй эз лэпты мынтөдны куроксө,— Ольөш пыр на лолаліс пыдісянь.— Отнас өд... Сэтшөма видзис асьсө, а найөяс воөм бөрын вунөдіс... Вай огө торкасьө, вөрзям.

— Но нин тай,— шуа ёртлы, а сійө бара асьыс:

— Лолөй, мися, эз лэпты, мөд во локтам, сэк кежлө унджыкөн чукөрмасны. А витны окота вөлі, мед сьөлөмөй бурмис...

Ольөшөс мыжавны нинөмысь. Лыйис кө, гашкө и койтыс эз гөррддзась важ местаас. А водзө вылө — лоас, эмөсь тай энь лэбачьясыс, сьөдыс и.

Сьылөмысь козин

Керкаөй мян сикт помын, шор лог вуджан дай вөр заводитчө. Сійөн и посни вөрсә лэбачьяс-лысь частө кывлан сад йөрын сьылөм-дзользьөмсө. Унаөн на пиысь пөжсьөны горт гөгөрын. Ог нин сёрнит пышкай да скворечьяс йылысь. Сырчик гозья пывсян лөскын некымын во быдтысьөны. Пыста аддзөма места өшинь куричын. Кольөм гожөм кыз йылө ракаяс турун нөбовтас ыжда поз кысны.

Көдзыдьяс пуксьөм бөрын медводзөн петкөдчө виж морөса пыста. Помся гурийө пазьяс, пу потасьяс, төв кежлө дзевсьөм-эновтчөм гагьясөс кор-

сьо. Пуксяс пельсь пуо, өшиньлы паньд, гораа сьылыштас: «Пить-пить-пирррии», век на пö вердчан ящикьд тыртöм. Жоньяс лун-мöд пöткöдчасны сирень кустьясö кольöм кöйдысөн. Кежавлö и гөрд юра сизь. Сийö дыр оз манитчы öти местаын, шы серти тöдö, кодi кытчö дзедьсьöма, сулалö-ö сизьдыны.

Но медся наянöсь катшаяс. Китшкöны, кузь бöж помсö шыбитласны вывлань, ми пö и эмöсь. Пырысь-пыр гусяласны Катшыслысь лы. Вильöдчысьлы сулалö уськöдчыны öти дöзмöдчысь вылö, мöдыс лэбöдас керка вевт вылö, сэнi кутасны мырддысьны. Казявлiм: шыблас чукöрысь дзирдалысь кляничаяс новлöны. Öтчыд весиг нейджыд консерв банка нöбöдiс. А регыд и колантор воши.

Ичөтджык чойлы бура сьылöмысь козин сетöмны, сьылиö öшöдан медаль. Чай дозйын югьялысь кабалаысь вöчöмтор. Зэв рад локтiс. Öшйысигкостi нывкаяс чукöстiсны ворсны кутасьöмысь. Козинсö пуктöма кильчö лабичö. Бöрыннас бöрдзис: вошöма донаторйыс, сiдзи и эз вермы петкöдлыны мамöлы да батьöлы.

— Көнкö, катшаяс пышйöдiсны,— висьталiс Порö Володь, сийö отсасис меным задачаяс решитны.— Менам пыригөн öшинь улад гольксисны. Найö пö мый колö и оз новлöны позьяныс.

Коркö велöдчöм помалöм бöрын Володькöд кайим вөрö чипсаньяс кыртöдны. Паськыд видз вылын вөр дiлань веськöдчим. Коркö гарйысьлöмаöсь танi, луги-логи местаыс, важысянь абу ытшкывлöмаöсь, сийөн и вөрөн кыскöма. Кымынкö коз быдмö, унджыкыс ловпу, пипу да бадь. Вөрö пыригкостi катшаяс зык лэптiсны.

— А мый,— шуö Порö Володь,— вай корсям позсö, видзöдлам, весьшөрö оз зыксьыны. Быд пу позьö видзöдлыны, вöрыс абу ыджыд.

Ме паньд нинöм эг шу. Катша поз эг на жö аддзыв, окота лой видзöдлыны, кыдзи да кытчöджык

поздысьö. Сэн жö юрö воис чойлөн вошöм медаль-
ыс.

Володь регыд и чукöстис менö: аддзи пö. Джын-
вийö косьмöм уна вожа пипу йылын тыдаліс вель
ыджыд тубрас. Кыкнанным кавшасим пу вылö.
Тöдчис: кодкö мөдлöма, тыдалö, поз вöчны да
эновтöма бөр. Қос увъяс кызсюрö лепсалöма-тэ-
чöма. Мөд сэтшöм тубрас казялім бара жö пипу
йылысь. Көсйим нин эновтчыны корсьöмысь. А ка-
тшаяс гөгралöны юр весьтаным. Пашкыр бадь
увті мунігөн дасьöсь кокавны миянös. Порö Во-
лодь бара чашйысис-кайис йылөдзис.

— Со көні вөлөм збыль позйыс. Қолькъяс и,—
пу йывясьнь горөдіс сійö.

Воддзаяс серти тайö вөлі бура кыöма увъяс
костö, нетшыштны он вермы. Бытьö гырничын
тыдалісны колькъясыс. Но позйын ни гөгөрас не-
кутшöм дзирдалысь клянича эз вöv.

А чойлөн медальыс сюри сад йöрысь льöм во-
тігөн. Дерт, катшалөн уджыс. Тыдалö, лэбигас
уськөдöма, а гашкö и пысаліс көвйөдыс увйö.

— Катшаыд медся мудер поз вöчысь лэбач,—
миянös кывзöм бöрын стöчмөдіс бать.— Куим-нө-
льöс панас-лөсьöдас, пөжсьö, дерт, öтиын. Мукөд-
сö сідз-тадз вөчö, мода вылö, бокөвöй син ылөдны.

Пес керас вылын

Ме дыр нин кывзі батьлысь чипсасьöмъяс.
Сувтас сійö коз улö либö понöль сайö, видзөдлас
гөгөр, босьтас вомас лаз морösас домыштöм доз-
мөр борд тывйысь вөчöм чипсан. «Питть-питть-
питть-пийиить»,— пельтö дзенөдан шыяс паська-
лöны пуяс костөд. Пельтö пö эн вөрзьөд, синнад
эн лапнит,— шуас меным. Чöv олыштöм бöрын
бара шыасяс. Қыськö ылысь воасны сэтшöм жö

шыяс либõ кылас жбырõдчõм. Овлõ: сьõла пуксяс дзик юр весьтад, косньõдлõ юрсõ, корсьõ чипсысь-õс. Мукõддырйи воча гõлõс оз сет, пуысь пуõ пуксявлõмõн матыстчõ, либõ кывзысигтыр котõртõ муõд.

— Мыйла эськõ мõд сьылысь дорас сибõдчõ, гашкõ, гажõдчыштны õтлаын?— юала батылысь.

— Мед бара оз,— пыр жõ вочавидзõ сийõ.— Ёнджыка воõ ай лëбачыс, и ньõти оз гажõдчыны. Водзтõ шулисны: арся гымъяс пõ разõдõны лëбач позтыръяс. Сэки найõ, верстяммõмаясыс, гозйõдчõны, бõрйõны тõвъян места. Локтõ кõ на дорõ кортõм гõсьт, сийõс вõтлõны. Ёд сэн жõ тулысын кутасны быдтысьны. Висьтавлõ тай, мися, став вõрыс юклõма тõдчытõм йõръяс вылõ.

Коркõ сентябрь помын пуксис чипсасыны важ пес керас дорõ. Тшак да чõд вотигõн татысь казявлõ сьõлаясõс. Керас мõдарын регыд и сетис гõлõссõ ай сьõла. Быдõн сьõлõм вõрзьыштис, мися, кужа нин чипсасыны, вочавидзис кõ. Юрõ воисны батылõн кывъяс: оз ков тэрмасыны, мед вõрса лëбачыс гõгõрвоис, мый татчõ локтõмаыс не сидз-тадз сьылыштны пуксьõма. Бара гõлõс сетõ. Воча шыяс серти абу и ылын вõрсаыс. Кывзыся, оз-õ жбырнит пуяс костõд, воас кõ, кытчõджык пуксяс. Гашкõ, дасысь нин чипõстõ, а лëбач оз тэрмась лëбны ме дорõ. Кõсья нин вõлõ сьылõм шыас сибõдчыны, мися, казяла пукаланинсьыс. Вõрзьытõдз менам энь сьõла моз чипõстõм артмис. Сэки и пуяс сайысь мыччысис сусед, Ёлькõсей дядь. Сийõ вõр тырнас серõктис вак-вакõн: «Но, морõ, ай сьõла мõдис энь гõлõсõн сьывны. Аттьõ тэныд, эн кõ асьтõ вузав, эськõ дыр на мыр вылын дõрвидзи. А водзджыксõ бура сьылõн, он думышт, мый морт чипсõ».

Сьõла эз сюр, но сусед кывъясысь кокни лои лов вылын.

Лёз туис

Черид меным вёлі ичотсянь шедё. Мукөддыр-йи сумка көвйөй прамөя личкё пельпомё, ещö вой-колөн кө ветлан. Вугырнад, дерт, ыджыд черид шоча сюрлө, но ми, челядюлов, радось ёссö лэп-тавны. Сійөн и ёнджыкасö кыйлим гурина, бадь-кормык, нильөг йөрш.

Гортö воём бёрын выкодеч пыдди асьтö пуктан: мездöмьд, тшыгъялöмьд, пай вайин. Мамö лэп-тыштас сумкаос, шуас: «Шедыштöма тай». Кы-мыньтöм сумкаысь чери сёй комокөн усьö бекарö.

— Тадзи кө и пуам-а, али пражитам,— мамö видзöдлас ме вылö.

— Кертöгыс öд ог жö,— шуа сылы. Сэссия пук-сям да пычйöдлам чуньяс костын, кодi киад шедö, кодi абу на дзыкөдз ньöдздöма. Сумкаыд нö кутшöм чери доз, öтырышъя бротьялö бокад. Лунбыднас кымынысь лэччан-каян берег кузя чашйысигөн. Туис ли чуман кө вёлі-а.

Юква дорö, гортас кө, мамö пыр нин чукöстас суседкаос, Поля бабöс. Сійö öтнас олö, пиыс вой-на вылын. Ачыс баб шоч лун удж вылö оз пет. Му-нигас чукöссияс öшиньö: «Гортад кө лоан, Колюк, менам йöрысь дай чипанъяссö повзьöдлы». Ме довкнита юрөн. Повзьöдла, дерт. Кор мамö кольö-дас йөрöс видзны, а меным окота лоö кытчökö вет-лыны либö вуграсьны лэччывны, Поля баб пыр мездö.

— Сё пасибö, ёна и öвти,— паньсö пуктöм бё-рын аттьöалö баб.— Ёнджыка тэд кыйны, миянös чöсмöдны,— шылькнитас менö юрöд.— Вердлис жö черинад Сеня. Куим тöлысь нин письмöыс абу.

Ме водзджык нин думыштли, кутшöм дозмук лöсьöдны кыйöм чери вылö, мед эськö эз тшыксы шоньд поводдяö, эз лёшмы. Туисыд, дерт, медбур, но ачым ог на сяммы вöчны. Гортын эм кык туис да вывти ыджыдось, ведраөн ва төрö. Сійөн и быд

пöрийö синмöс вежö Поля баблөн потшöс майöгас пысалöм лöз туйсыс. Буретш и быдөн. Тыдалö, вöдитчöм бöрын тölöдны сэтчö öшöдö. «Юала али мамöлы тшöкта. Поля баб мöс оз видз, гашкö, сэтшöма оз и ков сылы сямöд дозйыс, сы дыра кö оз вöрзьöдлы места вывсьыс», — неötчыдысь воліс юрö. Öтчыд киö и быдөн босьтлі туйссö и вевтсö, кор орчча керкаын öдзöс вугъяс тыдаліс карнан.

Юавны некодлысь эг смелмöдчы, артмис сідзи, мый öти лунö дөрöм улын лöз туйс воис гортö. Катöді сарайö, керка да стын стенъяс костö дзеби. Шуи нөрöвитлыны.

Мöд лунас и мамö юөртис: Поля баблөн потшöссыс туйсыс пö вошöма. Рысьва пö сійөн вайліс йöv заводьсь. Шуис кö пызан сайын, паньд пукалігөн, гашкö, казяліс чужöмлысь вежсьöмсö. Бур, мый град йөрö лука петігөн висьталіс. «Эз жö öд ме вылö думышт? А Поля бабыс?» Гусьсьöм-вөрöдчöмъяс йылысь сиктын сёрнияс эз кивсьывны. Поля баб, көнкö, и мукöдъяслы висьталіс. А лөк юөрлөн бордъясыс ок паськыдöсь.

Вежон чöж кольмöм төрөкан моз ветлі. Мövпала: «Тöдлытөг бөр пуктыны местаас али шыбитны петшөр пытшкö, мед аддзас да думайтас: тöлыс пö тай нöбалöма». Бара полöмöс венны эг вермы.

Öти асылö игнаси, сарайын мöді гилскыны-вуштыны краскасö пуртөн. Мавтöм туйсөн йöz пиö он пет, гашкö, сэтшöмыс öти и вöлі сиктын. Öтпырийö кöсийи чинтыштны судтасö, неуна джуджыдджык кажитчис. Прамöй дыр нокси, вöчны нем ог путьмы, сöмын розьöді öтилаті боксö. Сэн жö посводз öдзöсö мöдісны чорыда игöдчыны. Повзьышти. Тэрмасьöмла, туйсöс öтортігөн, уськöді кык стен костö. А сэтчö кань сöмын пырны төрö.

— Мый нö игнасьöмыд лун шөр луннас?! — калыч восьтöм бöрын шыасис Сизь Петрö, менам арлыда жö зонка, бригадирлөн пиыс. Кытчökö лөсьöдчöма кö, пыр нин менö нуödö. — Қоськөм муяс

вылысь йёзыс куз новлёны, а ми гортын дірвидзам. Тодан, пөжөмөн кутшөм чөскыд сійө. Позьө көвдумъяс пөжавны и, майкан да. Кузыд абу вөвкудз туруныд, абу курыд.

— Мыйся куз өні, сёр нин да,— синъясөс лэпти ёртөй вылө.

— Висьтав сылы, аслам синмөн аддзылі. Вай лөсьөдчы сюсьджыка.— Петрө нопъясьөма нин, дөра мешөк да чуман төбөма сэтчө.

Збыль, коськөм вылө быттьө көдзөмаөсь кузсө. Унджыкыс нюжалөма нин, но вотны сійөс лөсьыдджык на: сөмын тритшйөдлы пөка йывъяссө. Эмөсь и выль петасьяс. Чуманъяс тырасны, мешөкө кисьталам. Пөттөдз сөйим асьным. Лунтыр вотчим, да мешөкын кузйыс ноп судта лои, муртса лэптышти кык кийөн.

— Куим верст лоас восьлавны, дугдам кө-а,— шуа Петялы.

— Вотөматө нөбалам нин,— радлө Петя.— Эта мында сөян чукөртім.

Пидзөсчанясьөмөн волысалім нопъясөс, гортлань веськөдчим. Сьөкыда доддьясьөма: джын туйсө на вуджим, а куимысь нин пуксьылім. Петыр ёнджык меысь вөлөма, өдва вөтча сы бөрысь. Гөрбыльтчөмаөсь кык кусыньө, сьөктаыс мышвыв бертө. Отпөвста паськөмнад сьылідзирийөс мөдіс зыртны.

— Поля баблөн пө лөз туйсыс потшөссьыс вошөма,— шойччигөн горөдчис Петя.— Мамлы тай висьталіс, гашкө пө казялан кодлөнкө кийсь. Сиктсаыд, көнкө, некод жө эз босьт. Гашкө, мунысь-прөйдитысь. Чиганъяс ли.

— Дерт, пөди,— чеччигмоз нурбыльті муртса кывмөн. Татшөм гарыштөмыс ещө на чинтіс вынөс, быттьө кыри-ори кыткө пытшкөсті. Кильчө помө и мынтөді нопйөс. Мамө буретш удж вылысь воис.

— Татшөм сьөкыдсө нө кызди нөбалін, дойдны

өд асытө верман. Сідз нин бөръя лунъясө чужом
вывсыд усин.

Войсө сьөкыда узи, а асывнас сувтны эг вермы.
Муткыралө кынөмөс, мый сөйышта, бөр восөдө.
Муртса луныс прөйдитіс. Рытнас мамө Поля бабөс
корөма, киняулөд кутөмөн пывсянө нуөдіс.

— Гөгйид тай, дитялөн, вөрзьөма,— Поля баб
шыльөдіс-малаліс кынөмөс майтөгөсь кияснас.
Ачыс шуалө: терпитышт, терпитышт. Сэсся выльөн
пөжөм корөсьөн бура дыр ниртіс. Бөрыннас тө-
бис-гартіс кузь дөра сулөкөн.

«Со өд,— мөвпала гортын куйлігөн,— Поля баб
бурдөдө менө, талун кутшөмкө косьтөм турунтор
пыртіс, тшөктіс чай пыдди юны, а ме вөруйті и
мыжөс восьтыны ог лысьт. Туиссө тшыкөді и...»

Мортлы лөктор вөчан да синмас видзөдлыны он
лысьт, сьөкыд изйөн сьыліад өшйө. Арнас тай ма-
мө шуис: Поля бабыд пө картофель босьтны петө-
ма, отсыштан кө, нем тай он вөч. Мый ті думайтан-
ныд, өтнам эг лысьт петны, ветлі Петяөс нуөдны.
Кыкөн отсасим.

...Колисны вояс. Помасис война. Квайтөд клас-
сө вуджи. Турунасигөн гырысьяс радын нин уджа-
лі. Ылыс видзьяс вылын Капит дядь велөдіс сю-
мөдысь вөчавны чуманъяс, туйсьяс, нопъяс. Сэн и
вөчи чача кодь туйс, а гортын лөзөн мавті. Шуа:
стрөка сюрас, петкөда Поля баблы. Öти лунө воис
Сеня пиис, корисны пукавны.

— Поля баб,— висьталі пыригкості,— төдан-ө
ассьыд туйстө?— Мыччи.

— Но, морө, ме өд вунөді нин сы йылысь. Кы-
тысь нө петіс?— баб малаліс-шыльөдіс лөзөн
мавтөм дозмуксө, сэсся мыччис пиислы.— Сень,
мунтөдзыд тай вөчлін.

— Тайө абу менам киөн вөчөмтор,— шыасис
сйө, тыдалө, төдіс вурьсьяс сертиис.

Сэки и ме висьтаси нель во сайын вөвлөмтор
йылысь.

Долыд ошпиянлы важ керас вылын. Вөр кыскалан туй турунсялөма, небыд быглясьны. Кыккокйыв сувтласны паныд пурсьысь понъяс моз. То өти-ыс улас веськавлас, то мөдыс. Некод оз ырыштчы на вылө, мый көть вөчасны, некод шошаөдыс оз малышт — мамыс абу. Овлө: кольлө найөс өтнас-сө, торйөн нин өні, кор быдмыштісны.

Керас помланьын кутіс кывны кутшөмкө жур-гөм. Ошпиян юалана чөвтлісны синъяссө өта-мөд вылас: мый пө татшөмыс, мый колө вөчны. Некод-ныс стөч оз төдны. Чепөсйисны өтка кызланы, шуркнитісны өти здукөн пу вожаланінодз. Төдса татшөм уджыс налы. Сэсянь и аддзисны на дорө матыстчысь мыйкө ыджыдөс, сьөдөс, лөз тшын гөгыльясөн пөлясьысьөс. Весиг пуыс чорыда гып-көмсьыс тірзыштіс.

Энь ош пиянсьыс водзджык кыліс тракторлысь эргөмсө, но первойсө пыдди эз пукты. Сылөн пельясөдз шоч лун оз воы татшөм шыыс. А кор гө-гөрвоис, мый йиркөдөмыс кылө буретш сійө места-ас, кытчө челядьсө коліс, уськөдчис мый вынсьыс, но вөлі сёр нин: трактор сулаліс кыз дорын. Кы-көн шенасисны пу улас беддөн, тыдалө, көсйисны судзөдны сылысь пиянсө. Кор нинөм эз артмы, ошпиянөс лэдзисны мөд ног: трактор кымыныськө зургис нырнас пуө, муртса вужъяснас эз путкыльт. Ошпиян исковтісны увланы, кызлысь еджыд кыр-сьсө парсалігтыр.

Өні сөмын энь ош воис тырвыйө садыс, лоөм-торйыс вөрзьөдіс сьөлөмсө, пузьөдіс вирсө, өд пия-нсө гуисны син водзсьыс. Уськөдчис коз понөль сайысь, нөрөм кыз дорын исыштіс мусө да вөліс. мөдіс вөтчыны трактор бөрся. Нем эз сулав сійөс суөдны, эз пов и сылөн гыпкөмысь, но кор нырнас кучкис тшыксьөм сынөдыс, несйөдіс чорыда, бокө чеччыштіс. Быдтысигъясас выныс да ёсь гыжъясыс

мездылісны. А öні?! Мыйкө дыра кажөдіс-муніс тракторкөд орччөн, кымыныськө весиг пановтліс. Дерт, аддзывтөг эз овны сылысь шыбласьөмсө пытшкас пукалысьясыс, сійөн и содтісны мунан өдсө. Öтчыд эськө мышсяныыс малыштіс лапанас кабинасө, но гыжъясыс зялькнитісны чорыдас, эз мөрччыны. Скөрйывсьыс резыштіс шап кодь сук дулльөн. Йөз оланін тыдовтчөм бөрын ошлы лои кольчыны вөр дорө.

Войыс кодзула. Гашкө, нельөдысь нин ош мам кытшовтө посёлоксө, некыз оз слөймы сибөдчыны шөрланьыс: то өдзөс дзуркнитөм торкас, то пон тьявөстас матын. Асьядорыс нин исасигтыр веськөдчис кык потшөс костөд, төдіс — войыс помасьө, сійөн и смелмөдчис. Юрсө вывлань чатөртлө, иса-лө сынөдсө, оз-ө төлыс төдса дук вай. Вуджөр моз ветлө, весиг кок шыыс аслыс оз кыв. Нюжөдчылө-мөн чургөдліс нырсө ичөтик өшинь розьөд — муртса весьө эз пөр: кутшөмкө ловъя лов шкоркнитіс-рукөстіс, лои бөрынтьчыны. Сэки и кыліс неылысь киньгөм шыяс. Ещө на ёнджыка видзчысьөмөн локтіс пөвъясысь вөчөм чом дорө. Öні нин пияныс вөліны орччөн, сөмын пазөд нэриник пөвъяссө и сывйышт челядьтө. Но олөма зверь эз кут нетшкыны пөвъяссө, увтіыс гарйис мусө. Сөмын өтчыд мурөстіс негораа пытшкас вийсьысьяс вылө: өвсьылө пө, бөбъяс, виччысьлөй. Öні сійө ньөти эз мыжав найөс, өд ачыс велөдліс пуас кавшасьнысө.

Кор ошъяс сюгйисны вөрлань, пуяс костөд шонді койис гөрд би киньяс. Сійө жө лунас куимнанныс вуджисны мөд ягө.

Ельдөгла

Тшак таво сёр петі. Гожөмбыд эз зэр, муыс мукөдлаті потласьтөдз косьмис. Август помын тай письтіс жө енэжыс, вежон чөж ва киссис. Медвод-

дзаысь тшака шыд мойвиис сёйны велёдчигён нин. А кодкө лунö Мишка Канев ошйысис: чуман тырөн пö батькөд Тылаэль дорысь ельдөг вотим. Чöскыд ельдöгыд пöсь картупельнад, ещö нöкъялöма кö, сöмын тай матигөгöрын оз быдмы. Мамöлы ми-ян некор петавны вөрö, рыт и асыв скöт картаын, мöсьястö лысьтытөг он энóвт. Тöлысьнас öти шойч-чан лун и лöсявлö, а сэки уджыс гортын тырмö. Сййөн и урокъяс бöрын вöзйыси Мишкалы.

— Гашкö, нуодлан, тöдан местаяссö, көнкö, выльяс петисны сэтчö.

— Батьлысь юавтөг,— пыр жö вочавидзис сййö.— Ог тöд, асьным ветлам ог нин.

Каневъяслөн батьыс абу уна сёрниа, öтитор кыкысь оз висьтав. Пиыс абу жö ылö мунöма. Керкаыс сикт помын, бокинджык мукöдысь, вылын заборөн потшöма. Йöз костын кывсьö: зэлыдöсь пö найö. Уна йöз сэтчö оз пырав. Ми тай Мишкакөд нельöд во вылö öти парта сайö пуксим, а гортас нель-ö-витысь на и пыравлі. Мый сöмын горт гөгö-рас абу чукöртöма, бытьö музейын. Мукöддырйи Мишкаöс серам выв лэптам, мый колö и оз, зеп-тас суйö. А сййö оз лөгась. Ворсигён сёмом агас пинь сюри, куш кöртсityс нин кольöма, босьтис, згöдитчас пö тув вылö.

Зонкаяс пиысь классын Мишка медся зумыд, кыз шуласны, мусянь тэчöма. И некор оз висьлы. Тыдалö, сы вöсна, мый öтырышъя сййö. Школаын вердöны, а сййö пажынтөг некор оз лок. То парен-ча, то сукар зептас вайö. Кортөг, дерт, оз сет. Кор дулльыд петö, китö чургöдан. Сэки пыр жö казя-лас велöдысь: бара нин пö кык Миша няклясян-ныд. Ог пö и пöтлы,— ачыс шуö. Рушкуйöй пö ме-нам кöрт тув изас. Сэтшöм и эм. Жовпу, пельысь розъяс вомас лöдö, а менö куш видзöдöмсьыс кез-йöдлö, вежньöдлö чужöмöс. Вуграсигён чаль кузь-та кельчияс бөр лэдзалам, а сййö чунь костас пы-чиктас сювьяссö, нюж-няжвöчас ульнас. Йöзлысь

сійö некор немтор оз кор. Оз кө тэ вылысь гиж, гортса уджыс көть абу артмöма. Меным пö йöз киён-юрён вöчöмтор оз ков.

Субöтаö бара шыаси Мишка дорö.

— Тöрыт бать турипувла ветлис, аски бара мунас. Тусь бок пöлыс эськö еджыд на, шуö тай, гортын пö кисьмас. Пась вылö көсийö лавкаö вузавны. Котöртлам либö, сійö öд пемдытöдз оз лок. Вöрас ме тшаксö эг көдз.

Верст вит вöлöма Тылаельöдз. Вөрö пыртöдз ме шыбиті чуманöс вывлань, горöди: «Чуманöй, тыр-тыр да этшаник эн тöрышт!». Усис да гатшасис, Мишкалөн боквыв сувтис.

— Тэныд, инö, унджык сюрас,— шуö сійö.

Кор ме перйи компас да пукті мыр вылö, пыр жö öлöдис:

— Татчö он вош, пажын гөгөр шондi вылас пета-там.

Козья-пипуа вöрын сюралисны му тув кодь гөрд гобьяс. Ёртöй найöс эз босьтав, косьтан тшакыс пö налөн тырмымөн вотöма. Мишка водзын мунö, ме сы бöрысь. Кор син водзысь саялö, чукöста, но сійö гежöда шыасьлö. Сэки кывзыся, кодарланьö кадждö-мунö. Кык еджыд тшак босьтi мунигмоз, пу кодь чорыдöсь. Паныдасьлисны ытшкөм шумьяс, öти да кык чалькоста зорöдьяс. Сэсся лоторосайнö воим. Мишка некөн оз тыдав. Казялі турунсялөм туй вылысь. Котөрөн сорөн ветлö, копрасьö. Вöлөмкö, ельдөг чукөр вылö веськалöма, сійөн и оз шыась. Став тшаксö вужнас путкылялöма.

— Унакөд вотчигөн пыр тадзи вöча, батьöй и,— вочавидзис юалана видзöдлас вылö.— Менам нин тайö, пöрлөдлöмаыс.

«Вот тайö да,— чуйми ме.— Ёна и унаөн ми ськөд.»

— Со,— петкөдлі сылы,— кык ельдөг, зумьдьясöс, аддзи.

— Пипудзуръяс да,— гораа серöктіс сійö.— Сійöс пинъид оз босът.

Неуна сетчыштi туй кузя водзлань. Шаньга дорыша ельдöг ме вылö видзöдö, ылынджык мöд, коймöд...

— Сюри жö!— горöдi Мишкалы. Пуртöн вундалi подъяссö, чукöртi кузов дорö пукси вёсавны. **Кызы** куимöс лыдди.

— Сик тай сюрöма, мый нö он кор, думайтi öтиöс аддзин,— гöгралыштöм бöрын сувтiс ме дорö.— Öтнам кө вöли, эськö чуман тыр лои-а...

Мишкалы явö эз вöv окота водзö новлöддыны менö, юкны вöрсъыс некодöн быдтöмторсö, кыз ачыс шуис.

— Турун кыскалан туйыс сиктдорса ыбъяс вылö петö, көсьян кө лэччыны. Со шондiыс паныд вачкö. Ме ёль пöлöныс ещö мунышта.— Сэсса нем эз шу, саяліс понöльяс костö.

Ме падми места вылö: öтлаын муним вотчыны, ёртöй гортö ыстö. Горшöй гöрддзасис, тайкö синва чепöсьяс. «Пöттöм чуль!— гораа шуи аслым,— ёна тай...» Волысали кузолöс, ньöжйöник мöдöдчи туй кузя шондiлы паныд. Восьлала, кыйкъяла öтарö-мöдарö, тэрмасъны некытчö. Неуна и мунi, кузь турун пиысь бара кутiсны сюравны ельдöгъяс, чукöрөн-чукöрөн. «Колö Мишкаöс чукöстны,— мөвпыштi,— гашкö, сійö нем эз аддзы. Чукöртам и öтлаын лэччам, гажаджык». Но сійö эз шыась. Гашкö, вöтчöмөн думыштiс, либö ачыс веськаліс шуда местаö.

Еджыд тшакыс сымда чукöрмис, кузолысь ректi гобъяссö. Ёнджыкъяссö зепъясö тэчи, мукöдсö кос увъясö пысавлі, мися, тöвнас аддзысяс сёйысьыс. Вöрын ылö оз тыдав, ноксигөн эг и казав, кызди пемдiс ывлаыс, сьöд кымөр эшкынөн вевттис енэжсö. Зэр тусъяс пыр тшöктаммисны, гырсяммисны. Тольгис да тольгис, коз улысь весиг босътiс. Кобыштöм бöрын петi туй вылö, компасөн тöд-

малі гортладорёс, мед коть, мися, мёдарлань оз мунсы.

Гожомын оз кыскасыны, да туй вылас туруныс гөйгөдз нюжалёма и гуранось. Зэрыс то сайкавлө, то бөр өддзө. Увсянь и вывсянь ва. Брөд ва көтаси, кос сунис вылө эз коль. Вылысь рудзалө ваыс, яй кузя нин лэччө. Йирмөг босьтис, тэрмасы, мед көдзыдсө венны.

Видзөдлі водзө: быттё пемыд жырсянь өдзөс воссиг, югдис син водзын и вөрыс помасис. Енэжыс поскасьёма, шондi тыдыштө вөртас дорын. Вичко йыв зурасьёма енэжө. Лов вылын кокниджык лои.

Пыдзралі гортын ва паськөмөс, өшли стенбердса берйө. Вежсьөм бөрын Каневьяслань, сикт помө, веськөдчи. Мишкалөн батыс төчила стан вылын, мамыс бергөдлө.

— Абу гортын, көнъя бесыс новлөдлө!— өвтыштис батыс кинас дзирья дорыс менө казялөм бөрын.

«Век на ли мый эз лок. Эз жө өд ылав. Мишка абу сэтшөм. Али висьтала батыслы...»— юрын жуисны мөвпьяс керка дорсыс ылыстчигөн.

Гортын гаровтi кос нямөдьяс, сапөгаси, ыб вывти котөрөн вөрлань мөдөдчи. Ывлаыс ёна нин гудыртчөма. Му да енэж костас вөрыс съөд занавесөн кажитчө, өтка пуяс синмыд оз нин торйөд. «Мый нө вөча, кытчө муна, шуам, вошис кө ёртөй, сап пемыднас? Миш-а-а!»— мый вермөмысь горөдi морөс тырөн. «Аа-а»,— вочавидзис вой кежлө лөньөм вөрыс. Казялі: мыйкө еджыд вөрладорсянь торйөдчис осьсаинлань. Повзьышти, места вылысь вөрзыны ог лысьт. А еджыдыс веськыда мелань матыстчө. Мишка вөлөма! Юрсяныс мешөк (кутшөмөн тай миянө удобрение вайлөны) суйёма, сөмын чужөмыс осьса да киясыс ортсынось.

— Мый нө арзан?— гусьөн моз шуис сййө. Быттё веськодь сылы майшасьөмөй, быттё нем сылы сёрмөмыс татшөм поводдяө.

— Вай коть ноптö гортöдзыд нöбала, ме öд вежси нин, кос паськöма.

— Нем сьöкыдыс абу. Тэкöд торйöдчöм бöрын вит-ö-квaйт ельдöг и сюри, кодкö водзджык чукöртöма, öти тшак подйис балсвидзö. Ещö ылавли шондi дзeбсьöм бöрын, кыкысь волi öти местаö.

— Миша,— кор тыдовтчисны сиктын би югөр'яс, бара шыаси ёртöй дорö,— эскан-ö, гортад ветлöм бöрын чорыда повзи. Пемыд. Зэрö. Öтнад.

— Дзикöдз сэтчö вошны некытчö, позьö ёль кузяыс лэччыны, сиктсаяндыд неылö, Сыктылö сийö усьö. А истöгыд, ковмас кö, менам пыр кöтасьтöминын. И со этайö лазйис сьöрысь вöли, морöс гөгөр кос.

— Сёрыд сийö нинöм,— неуна муныштöм бöрын Мишка ачыс сувтовкерис,— кузь-ö нö арся луныд. Бать тай миян пыр пемыднас локтö, и некод оз майшась, велалöмаöсь. А вот пöль шондi öн некор гортö абу пыравлöма. Водзжык кö бергöдчöм лö, шуам, ёртъясыскöд öтлаын воигөн, быть кежлас пашнядорса вөрö, потш ли майöг керыштас, виччысяс шондiлысь бердöмсö. Дерт, öткаөн на олiгөн. Удж вылас мунны некод жö абу пановтлöма. Öтчид, турунасян кадö, суседыс водзджык петас керкасьыс, пöльö манитчыштöма кöтисö дöмигөн. Мый тэ думайтан, миритчас? Оз. Мöд туйöд кытш вöчас, но ордйöдас сийöс.

— Батьтö тай шуин, турипувла пö талун муниc. Гортад нин вöли...

— Тöчитö висьталiн да, абу мöй сийö удж. Вой кежлас совхоз гаражö на öчередь сылы мунны, стöрöжитö и ва шонтö сэни.

Сикт шөрöд мунысь туй вылö петöм бöрын Мишкакöд кежим öтарö-мöдарö, веськöдчим асланым гортъясö.

Туй нимъяс

Ичот дырйи пув-тшак вотигон и сёрнджык ружьеон нин ветлөдлгөн пыдди эг пуктив туйяслысь нимъяссө. Мунан паськыд туйёд, кезан кутшөмкө вожө, вөрті гыигөн вомөналан муртса төдчысь нитшсялөм трөпа, гортө воигөн бара жө веськалан йөзөн тальөм ордымө. Вөрын абу сэтшөм места, көні оз паныд сюрлыны мортлөн пасьяс.

Быд туйлөн нимыс, вөлөмкө, йитчөма йөзлөн олөмкөд, абу прөста көвъясьөма. Пыдісяньджык та йылысь вежөртан, син водзад сувтөны важся серпасьяс.

Со босьтам Ватуй. Кымынысь таті эг прөйдитлы, туй воргаас пыр ва зільвидзө. Видз вылө сійө оз петкөд, пес татысь абу керавлөмны, стрөйтчан вөр абу жө. Вөрыс козъя-пипуа сора, паныд сюрлөны гежөд кызьяс да пожөмъяс. Туй өтар-мөдарас важөн вөлөмны вель паськыд шутемъяс, тыла местаяс миян сідз шуөны. Муыс тані вына вөлөма и гортсянь абу ылын. Öні, дерт, найө тырөмаөсь керка судта вөрөн, но казьявлан на пу дорө ньөръялөм майөг — потшлөмаөсь көдзөминсө. Чорыд коз пу увъяса чуркаясысь вөчөм тыла агас дыр сулаліс мыр дорын. И сійө öні оз тыдав, кодзувкотьяс тыртөмны, морт судта кар лэптөмаөсь.

Сыктив берег дорсянь писькөдчө Известьтуй. Кыксө во сайын таті кыскавлөмаөсь известьсө көрт сывдан заводө, сэки, дерт, и туйсө розьөдлісны. Öні туйыс пыш кодь сук вөрөн тырөма, кезаніныс куш төдчыштө.

Неыджыд нырөкті бокө кежө Титпестуй. Дерт, кутшөмкө Тит коркө медводдзаысь пес доддьөн сэті петіс. Туйтө колө розьөдны, а мунысь-локтысьыд пыр лоө. Важмөм кокшаяс сулалөны кушины, тьөс пилитлөмаөсь места вылас. Кужысь морт ыджыд пипуысь пыж гарйылөма тані жө.

Коз пу тув öнi на орчча пожöмын. А ыджыд мыр дорас кодкö сьöлалы лэч нин вöчöма.

Тартуй вайöдö посни пожöма нюрö. Öнi сэтчö кужöмөн колö пырны, туйыс уналатi вошавлö. И некутшöм тар сэнi оз кургы. Коркö, дерт, койтлiсны, эськö туйыслөн сэтшöм ним эз вöv. Нюрдорса яг дорышö гу кодйылöмаöсь. Бать висьтавлiс: тшыг воясö сиктса озырджык олысь сю мешöкъяс-сö татчö дзеблöма, мед оз мырддыны. Мед некод оз казаяв, гу вевтыс нитшкөн вөлöм эжöма.

Эсiйö со туй вожас чöд вотiгөн Дарья нима ичмонь вошöма, сiдзи и абу сюрöма. Дарьятуй оз тыр, тракторьясөн сэтшöма лойöма, мый подөн прöйдитны он вермы. Регыд татысь додь вож ни майöг керыштны оз сюр. Чöд и пув корьяс изöма-майкöма жö.

Туйяс, туйяс... Кузьöсь и дженьыдöсь тi, паськыдöсь и векниöсь, веськыдöсь и чукляöсь... Колö эськö мед, быд морт восьлалiс аслас туй визьöд, мед эськö быд уджын петкöдчис сылөн морттуйыс и мед эськö асьсö пыр пунктiсны морт туйö.

Муна туй кузя, вомгорулын лыддьöдла туй вож нимьяс... Некытчö тайö абу гижöма, пöль-батыяс-сянь вуджö томджыкьяслы, а найö асланыс пиянлы да внукьяслы висьталöны.

Пруд берег вылын

Посёлөксö шөрöдыс пруд торйöдö. Вель вылö насыпсö лэптылöмаöсь. Öнi помöминсö кырöдöма, ляпкалöма ваыс, шöрас мырьяс мыччысьöмаöсь. Зэв гежöда арын, лунвылö лэбигөн, уткаяс пуксьывлöны. Сэки быттьö война танi пансьывлö.

Öти асылö петi гортысь пемыднас на, вала мöдöдчи пруд пыр визувтысь шорö. Некодöс синмөн ог аддзы, но, кызöктöмьяс да чигаркаяс ломзы-

лём серти, гөгөрвои: морт дасысь унджык бара петёмаось, виччысьоны.

Лэбачьяслысь борд шыяс ни ваё пуксьом эг кыв, но пруд мөдар помын кутісны чорыда лыйсьыны, быттьо биа ньөвьясөн съоласисны отар-мөдар бересянь. Овьсыласны здук кежлө, бара мөдасны гымөдны коставлытөг. Ва веркөс югдылө чардалігөн моз. Сёсысь, гашкө, лыйисны. Сэсся кутіс кывны гора серам. Кодкө пыж вылын гөграліс ва шөрын. Кор ме матыстчи йөз дорө, ывлаыс вөлі югдыштөма нин.

— Тайё Лёнялөн уджыс, ме петкөдла сылы, патронташөс дзоньнас ректі,— медъёна яраліс оти дядьё.

Гаражын токаритысь Лёнялөн керкаыс дзик берег дорас, мыльк йылын. Дрөбйыс пө лыйсигөн керка вевт вылас шаргө-лэччө, өшиняс веськавлөма и. Ас ногыс шуас «велөдыштны» посёлок шөрын вөралысьясөс. Пуысь лөсыштас утка мыгөръяс, сёр рытын пыртас пруд шөрө. Мед төлыс эз нөбөд, якөритас изьясөн. Пывсянас нюжөдөм көвйөд мөдас кыскыштавны, мед быттьо збыль ловъя лэбачьяс төдчисны.

Утка кыйысь ва веркөсөд видзөдө, казялө муртса гыалысь места. Сэтчө и мөдасны койны зарадсө. А Лёня ещө ёнджыка на тракийө көвйөдыс. Пуысь вөчөм оти лэбач вөйөма нин ваас, сымда сатшөма дрөбйыс.

Ме видзөдлі бокө, казялі кыр йывсянь гырыся восьлалысь мужичөйөс. Пельпомъяс вылас палгөма фуфайка, шапкатөм, киас кузь бедь.

— Оні жө весасьө татысь!— мый вынсьыс горөдіс лесопунктса начальник.— Казяла кө кодөскө тані ружьеөн, ас выланыд норасьө.— Сідзи жө тэрмасьөмөн сійө бергөдчис бөр.

Сійө лунсянь пруд берег вылын лыйсьөмъяс эг кывлөй.

Шойччан лунö

Аслам удж кузя некымын лун нин олі вөр лэдзысьяслөн посёлокын. Сэн жö и колльöдi шойччан лун. Олысьяс горт гөгöрыс ноксьöны, а меным сiдз-тадз тшöкöлдывайтны улич кузя йöз син водзын эз вöв лöсьыд. Питшöгö сүйи книга, ки вылö öшöдi плащ, мөдöдчи шорсайса вөр туйöд.

Вöли май праздник бөр. Луныс гажа, шондиa. Сöстөм сынöдыс кыпöдö ловтö, окота пуксьыны нитшка колода вылö, помтöг апажны сiйöс. Мырьяс дорысь пув тусьяс шыблала вомö, лым улын төвйöм бöрын сэтшöма небзьöмаöсь и ньöти абу шома. Қызьясын неважөн на потöмны гарьясыс, чаль пом ыжда корьяс вощьöмаöсь. Қозьяинтi мунiгөн ыркöдö, лымйыс сэтчö мыйтакö кольöма на.

Плащöс вольсалi яла вылö, посни пожöма яг дорö. Пөрччи сапөгьясöс, нюжöдчи-водi. Книга лыддьöм эз дыр нюжав, увтасланьын ай сьöла шыасис. Қольöм арсянь на, вöралан кадсянь, чипсанöй сьöрсым морöс зептын вöлöма. Шыаси сэтшöм жö гөлöсөн. Сьöла дыр эз виччысь, жбыркнитiс-воис воськов куим сайö. Некыт ог вөрзьöд, син бöжьясөн кыйкьяла сы вылö. Юр чук вывсьыс гөнсö порыштöма, рудов пук гöна гача, сьöд пас голя улас тöдчыштö. Со сiйö кокьяс дортi тюрöдiс. Чеччыштлис майөг кызта мыр вылö, гөгрöдлö юрнас, кортөм гөстьöс корсьö. Вещкöдышти позялөм кокöс, сьöла здукөн воштöдчис понöльяс костö. Недыр мысти бара чипöстi. Тэрыб борд шыяс кылисны бокынджык, но казяли: пуксис мулань лайкнитчөм кос пуö. Ставсö торкис туйланьясьн энь сьöлалөн гөлöс. «Пöдругаыс гажтöмтчöма,— мөвпала,— корö кавалерсö». Ай лэбач шунькнитiс-лэбис сыладорö. И сiйö жö здукö грымöбтiс лыйöм шы. Тулысын лыйöм! Кылисны кызöктөмьяс, сьöлалөн усигөн бөрья вынъяснас шпорöдчөм. «Со öд,—

мөвпала, — кызди ори олөмыс коньөрлөн. Эз, дерт, төд, мый коз пу улө саймовтчөма ружьеа морт. Гашкө, первойя төв на и колльөдисны арын гозйөдчөм бөрын, сэтшөма виччысис тулысын гажөдчөмсө. Сидзи и эз вермы виччысьны.

Шог мөвпьясөн веськөдчи посёлоклань.

Эз шөйөвош

Битва бөрын вөр ю регыд пырис аслас берегьясө. Тыдалө, арын, лым усьтөдз, муыс абу и кынмылөма и өні, лым сылігөн, унджык ваыс сөдзтысис. А лесопунктлы колө вөлі петкөдны Лөнью кузя Сыктылөдз матө кыксө гөгөр кубометр вөр. Мед керйыс эз косьмы берегьясө, лесопунктса начальство шыөдчис посёлокса став олысь дорө — отсавны тайө страдна луньясө.

Кутчысим удж бердө и ми, школаса велөдысьяс. Дас морта бригадаөн кутчысим быгльавны ваө зэв кузь да джуджыд кер бунт. Уджалім, дерт, урокьяс бөрын, пемдытөдз вөлі жуявтөдз на мудзан.

Өти рытө шксласа директорлөн Жуля нима понйыс — ачыс каньысь муртса и ыджыдджык — көчөс повзьөдөма, вөтлө тьявөдчигтыр. Көчыд кык бунт костті юлань сөтыштіс, пон сы бөрысь. Бунт вывсянь мянлы зэв бура тыдалө. Со көч воис вадорөдз, видзөдліс өтарө-мөдарө. А сэні кузяла жө йөз, крестасьлөм пуяссө багырьясөн йөткәлөны ю шөрлань. Көч веськөдчис ю катчөс. Кыркөтша берег улын, дзик вадорас, векни визьөн муыс төдчыштө.

Орчча бунт вывсянь кодкө горөдіс быгльасьысьяслы, мед пө өвсьыласны керьяссө лэдзны, кинас петкөдліс кыр увлань.

Көчлөн туйыс пыр векняммис и векняммис, муртса ки пьдөс пасьта нин коли. А сійө водзө

прыссьо-чечалё. Төвся гоныс лестукъясөн ошалё бокъясас, бөръя кокъясыс торйён кузьён кажитчоны. Бөръяпом дзикөдз кок увсыс муыс воши. Код төдас, кутшөм мөвпъяс сэки гудрасисны сылөн тупыль кодь юрас. Көч видзөдліс гөгөр. Водзын ва, стен кодь берегө бордтөгид он лэбышт, мышсянь туй потшөма жө, пон ташликасис кык-ө-куим воськов сайын. «Сгинитас, көчид оз куж варччыны»,— кодкө шыасис бокин. А кузь пельид эз шөйөвош, веніс полөмсө, чорыдинө шыбитөм мач моз лэбовтіс ю шөрлань. Буретш артыштөма — кыз кырся кер вылө лепитчис. Артист моз сэсся керйысь керйө мөдіс чеччавны. Мөдар берегө вотөдз бузгысьліс жө ваө. Лыа вылө петөм бөрын весиг вунөдіс пыркнитчыны, ва буссө резігтыр уськөдчис бадь кустъяслань.

Воис бөр

Ывла выв, рөднөй вөр-ва, чужан сиктъяс да грездъяс. Кутшөм шоныда мөвпавсьө на йылысь. А торйён нин долыд сэки, кор тэ көртасьөмыд сэні олысь гортса пемөсьяс, лэбачьяс, став ловъя лов дінас. Татшөм мортыслөн мирыс ёна озырджык. Кымын сьөлөмтө вөрзьөдан сутшъяс овлөны накөд ноксигөн, найөс быдтігөн да дөзьөритігөн. Татшөм-торъясыд пыр кежлө кольөны паметьө. Оти лоөмтор йылысь и көсья висътавны.

Райцентрө волігъясө, ёртөй узылө ме ордын. торйөн гулюясөн любуйтчө: то өшинь дорын сулалө, то кильчө вылө петавлас. Сэсся и корис лэбач гозьяөс. Окота пө лои ноксыны накөд прөст кадө, мед пө рөдмасны миянын.

Вөлі менам сім рөма ай гулю, зэв косясьысь, то өтиөс, то мөдөс пыр чиршөдлө. Сійөс и сеті, өти том эньөс да. Ёртлы висъталі, мися, лун куим-нөль

видз сараяд, кытчөдз оз велаvны вьль местаө.

Пөрысь ай гулюлөн ме ордө кольөм пөлыс ку-
тис радейтчыны зэв мича сера айкөд, эз и шогсьыв
друг вөснаыс. Поз нин кутисны лөсьөдны.

Колис вежон кымын. Öти асылө петі вердны лэ-
бачьясө, а гулюяс оланінын зык-шум лыбөма.
Оз-ө нин бара варыш повзьөдлы найөс, либө сусед-
лөн руд каньыс. Вөлөмкө, пөрысь ай гулююд бөр
воөма, шызьөдөма лэбач котырсө. Медьяна, дерт,
кокалө вөвлөм пөдругаыслысь вьль пөвсө. Сувтө-
дөма голясьыс гөнъяссө, броткө мисьтөма. Тыда-
лө, шуалө: «Көсийинныд мынтөдчыны меысь, вунө-
дінныд, мый ми татчө овмөдчим медводдзаясөн.
Стаvсьыд медпөрысь. Петкөдла гаж». И вьль вы-
нөн уськөдчис коньяөр том ай гулю вылө.

Олөмсө аддзылөм лэбач мичаа паськөдіс бөж-
сө, голясө бергөдліс мышланьыс, тшапа бергөдчис
места вылас өтарө-мөдарө. Сэссия кокьяссө вылө
лэпталөмөн веськөдчис воддза пөдруга дорө, коді
өні медьяна кывзис сійөс, быттьө корис прөститны.
Сэссия кыкнанныс матыстчисны керка вевт доры-
шө, выныштчөмөн тойыштчисны сынөдас, бордьяс-
нас чорыда швачкөдігтыр. Здук мысти кык сьөд чут
кытшлалісны пыдөстөм енэжын.

Кык лэбач

Öти лэбачсө казялі пырысь-пыр, кор петі пась-
кыд видзвывса гөгрөс ты дорө. Вис вом дорын, кө-
ні пыр өнджыка вуграсьлам, уяліс вель ыджыд ут-
ка. Юрсө чатөртөма, өтырышья гоннялө мөдар бе-
регланы. А менө пыдди оз пукты, таб дорын дзык
тольөдчө. «Тыдалө, ранитөмаөсь, сійөн и оз пыш-
йы,— шеныштчи киөн, мед ылыстчис, эз повзьөд-
лы черияссө. Сійө муртса лыбөдчыштліс, борд
йывьяснас ваө инмөдчылөмөн лэбис неылөдз, бөр

пуксис. Оз пөткөдчы, прөстө гөгралө өти местаын.

Чери мыйлакө оз дэбөд, көть вежлалі самъяс и тысө ставнас кытшовті. Утка пыр ноксис неылын, быттьө мыйкө виччысис мясянь. Медбөрын скөрысь шатинөн швичниті ваас. «Ружьеа кө вөлі, водзын эн бергав, дэльөдчан сэн лунтыр!»

Сэки и казялі мышланьясь: зорөд пинь йылысь шытөг шуныгис-чеччис топыдик варыш, саймовтчис пуюс сайө. Утка сійөс и виччысьөма, пыр жө лыбөдчис, юө петіс ли мөд тыө вуджис.

Ставыс лои гөгөрвоана: пока ме вуграси, варыш пыр нин джыджвидзөма потш йылын, кыйөдөма-виччысьөма, кор утка чеччас ва вылысь, мед му вывті лэбигөн суөдны сійөс, кокса крукыля гыжнас, лэчyd пуртөн моз, чирснитны голясө. Ичөт, а төдө: ва вылысь жертвасө босьтны оз вермы. Кодныс водзджык воөмны, ог төд, но вавывса лэбач казялөма хищникөс. Эз кө меысь повзыь, гашкө, мый дыра на кыйөдіс, и вермис лоны, мый уткаыс нэм помсө тан аддзис. Сійөн и бергаліс ме дорын, мездыны корис, а ме эг гөгөрво сылысь майшасьөмсө.

Төдса туйөд

Ёна и мичмөдө посёлоксө прудйыс, паськыд полойөн сійө бертовтчөма керкаяс дорөдз, лөнь да шондіа луньясө найө мудзлытөг видзөдчөны рөмпөштанө моз дзирдалысь ва веркөсас. Водзті көрт сывдан завод тані вөлөма, өні джудждөдөмны насыпсө, ГЭС уджалө. Верст джын пасьта ва шылыдыс лөма, а ю визув паныд синмыд оз судз.

Өтчыд арын вель дыр нин курасим кык лопта пелысьясөн, а важ домна пач пыр на быттьө орччөн сулалө — ва вылын синмыдлы пыр матынджык кажитчө. Арся зэрьяс бөрын ваыс төдчымөн содө-

ма, вѳрсе босѳтома алькѳс берегѳяс вылысь. Плав-
дѳм шать-бадѳсе тѳлыс новлѳдлѳ ѳтарѳ-мѳдарѳ.
Видзѳдан на вылѳ и кывтысь мыгѳрѳяссѳ ѳткодя-
лан ловѳя ловѳяскѳд.

— Гажа лун лоѳ,— висѳтала ѳртлы,— со чи-
кышѳяс кытчѳдз кайѳмны, лѳнь и, кор оз вѳрзѳы.

А сійѳ нем эз вочавидз, ѳти местаѳ дзоргѳ-ви-
дзѳдѳ, весиг содтыштѳс сынан ѳдсѳ.

— Йѳра кѳ-а!— виччысьтѳг горѳдѳс сійѳ.

Зыр сяма сюрѳяса юркѳд муртса эг зурасѳ
пыжѳясѳн. Этатшѳм паськыд ваѳд смелмѳдчѳма
вуджны мѳдарас.

— Кыдз нѳ сійѳ берегас вермас петны,— юала
ѳртлысь,— кор быдсяма лѳпнас вадорѳясыс тырѳ-
маѳсь, пипу пыжѳн и то матѳ он сибаѳ. Гашкѳ,
пыртѳдзѳс тайѳс эз артышт зверыс.

А сійѳ уйѳ и уйѳ, юрсѳ ляскѳма ва вылас, сюрѳ-
яс костас, креслѳѳ моз, позьѳ пуксьыны. Сѳсся, ты-
далѳ, мыльк ва пыдѳсас вѳлѳма, лыбавліс кынѳм
улѳдзѳс, но регыд бѳр бузгысис, дзикѳдз вошліс
синѳяс водзѳсь.

Шогсьѳмыд миян весьшѳрѳ вѳлѳма: йѳра воис
берег дорѳ да кокниа и петѳс. Пыркнитчѳм бѳрын
видзѳдліс миян вылѳ, тѳрмасѳтѳг саймовтчис пуяс
костѳ. Вѳлѳмкѳ, петанѳныс джодж пасѳта кымын
туруна вѳлѳма, лѳптѳм.

— Неѳтчѳдысь нин сійѳ вуджлѳма татѳ,—
висѳталѳс ѳртѳй,— тѳдса туйыс. Быд ар чукѳртчы-
лѳны сыладор берегса летороса вѳрѳясѳ.

Водз асылын

Водз арся асыѳ. Тѳрмасы вѳлі вѳр лѳдзѳсьясѳс
новлѳдлысь машина суѳдны, сійѳн и рѳмыднас на
вѳрзи узян местаысь. Сына ва катчѳс. Сыктыѳ вы-
лын гѳвкѳялѳ лѳзоват ру, летѳм вурунѳс моз ор-

йөдлө сійөс төлыс, ньөжйөник восьтө ва веркөссө.
Кымөръяс пыр шондіыс оз на тыдав.

Пыжөс лои сувтөдны ваысь мыччысьөм кер пом дорө. Кыснан көвйыс чорыда сибдіс ва пыдө- сас, тыдалө, налим крукасьөма-шөдөма да гартчө- ма лөп гөгөр. Дыр нокси, көсья нин вөлі энөвтны кыснансө, пункті пелысөс пидзөсьяс вылө, лөсьөд- чи чигарка өзтыны. Буретш сэки лои видзөдлөм мөдлапөвлань. Стенөн сулалысь бадьяс дорысь мыйкө торйөдчис, варгыльтіс лыа вывті юлань. Шөйөвоши, сы вылө дзорга, чуньяс костөд чигар- каысь табагыс киссьө, юрын шапкаөй лыбыштіс. А төдтөмторйыс вадорас нин. Сэк сөмын вежөрті: ош тай. Да сы ыджда!.. Кыркөтша береглы паныд вөрзъывтөг пукалөмөс абу казялөма.

Пыдісянь лөлышті, горөді мый вынысь: «Кытчө локтан, ерөмакань!» Но гөлөсөй муртса петіс, быт- тьө кодлыкө пеляс шөпниті. Шуөны тай, повзьөм- йывсьыд гөлөсыд вошлө. Но ошкыд и сійөс, вөлөм- кө, кылөма. Сөмын сылы кажитчөма, мый шыясыс воисны мөдарсянь, төлыс буретш меланьө пөльтіс. Кыдз тай чеччыштіс нельнан кокнас водзө, бузгы- сис ваас кынөмөдзыс, ещө на матөджык мелань. Со сэки и гораа равөстсис менам. Сэн жө курась- ны мөді пелысөн, медем пыжөс өдйөджык весь- көдны ва кывтчөс. А ошкыд мач моз кокниа бер- гөдчис места вылас, лыйыштіс бадь кустьяслань, кытысь первойсө петіс.

Кывті керка дорө. Пыжысь петтөг и висьталі та йылысь Оңдрей дядьлы. Пырсө эг смелмөдчы сувтны зумыдінас, полі, мися, кокъясөй оз на ачы- мөс кутны да. А сійө вашъялө:

— Важөн төдсаөсь ськөд, зэв рам ошкыс, ар нель-ө-вита. Веськыд берегас олө, но шоч лун оз вуджавлы мөдарас и пыр өти местаөд. Мог, ты- далө, эм,— содтіс Оңдрей дядь.

Ме пышкой дор

Тайо дзоля лэбачыс не ас туша-мыга сертиыс збой да сюсь. Коть морт оланінын во чож оло, ту-жа-нужа тодло и страксо аддзыло.

Пышкайяс, кызди и став ловья лолыс, водз кы-лоны тулыс воом. Мусо личко на лозодом шолля лым, а найо петкодлоны нин асьнысо ота-модныс-лы, гозюдчоны — регыд пожсян кад. Зык-шумыс сэки оз коставлы асывсянь рытодз. Кузь тов кол-лялом борын кажитчоны тодчымон вийорджыкон, съодджыкось лоомны трубаяс дорын ниртчигон, а кодко и божсо воштома. Дойдлом борын падве-жон бурдом кока ай лэбач важонсянь тодса, зэв на збодер. Пызан пасьта кушиню, гашко, кызьон пуксясны, чиргоны-варовитоны ас костаныс. Дерт, кынмом да тшыгьялом йылысь сёрниыс. Но тайо кольома нин, водзын шонид гожом. А гожомлы коді абу рад, коть тождыс абу жо этша.

Кытчо сомьн пышкайыд оз поздысь. Кык-куи-мысь удитоны пожсьыны. Ошинь курич пов косто пыроны-петоны. Керка пельосын сисьмом кер по-мо логтор артмома, места вюсна мырддысьоны. Потш йыло дором позйо модласны новлыны турун сияс да гон. А ябыръяс воасны да ставсо пузувтас-ны. Жальыд босьтло, да мый вочан. Йирк дорю ыджыд писькодчанон вочом розьсо товбыд эг вось-тыло. Аддзывлім: вой вежло шотасны-пырасны сэтчо ывлаладорсянь — шоныдыс мыйтакю петю керкаысь. Тулысын восьтім вевтсо — ывла югды-дыс оз тыдав, пышкай гозья поз вочомны. Эг-о тор-кюй.

Шуоны: ябырысь по бур отсасысь град йорлы абу. Мед шуасны. Ме жо пышкай дор. Скворечыд быдтысигас новло гут-гагсо, а пияныс быдмасны, лыбасны борд выло, гожом шорнас на котыръяс-нас ворлань сетчоны. Пышкай пыр син водзын, га-жодю горт гогортю. Сэн жо медводдза пужьяс бо-

рын виж морёса пыста матыстчас вёрысь. Росмём пуясын гурйысьёны, быд потас и розь видласны, төвйём вылө дзевсьём лёльёясөс перьялёны. Тёлын, дерт, нянь торпыригөн да шыдөсөн отсалам. Дырджык кө он петкөд, торйён чизыр көдзыдьяс дырйи, виччысьёны нин, пузгыртчөмаось стенбердса бер вылын. А узылыны пывсяндорса зорөдө розьяс вөчөмаось.

«Төвьям бара өтлаын», — шуа шөрт йылө өшөдөм пөв вылө сёянсө кисьталіг.

Отка пу

Нейджыд кызд, метра вылнаын мусяньыс пу гөгөрыс йөг. Эг на вунөд, кызди ичөт дырйи бать лэптивліс йөг вылас, и ме кытшовтлывлі пу гөгөрыс. Қымын во сысянь коли, а кыддзыс пыр на сэтшөм, оз быдмы, тыдалө, став сөксө пуыслысь йөгыс кыскө, сійён и өтарө кызө.

А шойчывлім пыр Сыктыв берег вылын, кысянь пасьтала ылөдз тыдалө. Ю мөдарас шылькнитчөма паськыд ота видз, сы сайын ёсь йыла козьяс пыкөны енэжсө. Таті ёна нин талаялөмаось морт кокьяс, торйён бужөда берег дорсө, көні быдмис өтка пу. И вөлі мыйысь. Матігөгөрын эз вөв сэтшөм пуыс, эз паныдасылы и миян вөрьясын. Тайө вөлі сирпу. Кытысь сійө босьтчис? Эз жө өд морт пуктыв. Бөрынджык лои гөгөрвоана: лэбачьяс көйдыссө вайлөмаось лунвывджык местаясысь. Чужөма, и со быдмө. Сөмын тай юыслөн визулыс буретш кучкө кыркөтша берегас, гез пом кодь вужьяс мыччысьөмаось ортсыө, лёткысьөмаось увлань.

Во-мөд мысти бара муні төдса ордымөд. Кежавлі, дерт, сирпу дорө. Места вылас на, но пөлөстчөма валань, юыс лиыштөма вель ыджыда бергсө. Веськыдджык вожьяссө кералөмаось ме-

гыръяс вылө. Кывлі: тайö пö зэв нюдз пу, а кось-
мас да лы кодь чорыд лоö. Таво гожöмын абу ни
став увйыс чöвтлöма коръяссö. Сырйöдöм дорыша,
кымынкö вижöдöм кор нора вашкöдчисны öта-мöд-
ныскöд, быттьö тöдiсны, мый воан тувсов ытва
дзыкöдз чуктöдас кыркötш йывсö. Нормис сьöлö-
мöй и менам — пом воö пуыслы, выль местаын оз
и вермы сійö нюжöдны ассьыс рöдсö.

Вугырын утка

Енэжыс лунтыр мурквидзис. Ырöш кодь гудыр
кымөръяс мыджсьöмаöсь кузь коз йывъясö. Сынö-
дыс водзö эз вермы кутны валысь сьöктасö —
рытьядор зэрмис. Вугыръясöс чöвтöмнас и энов-
тiм, шатинъясöс сатшким ты берегас. Дыр лö-
сьöдчысь зэр нюжаліс, шондi петтöдз шливгис öт-
кодь öдөн. Зэрлөн помся шаргöмыс öлөдö ловтö,
вугырö уськөдö. Гөгөр лөньюма, сöмын ты помын
кылö уткаяслөн герчкөм да кымынкö грекö вöй-
тысь ном дзиньгö чомйын.

Шондi петöм бöрын ловзис ывлаыс: лэбачьяс-
лөн дзользьöм гажöдiс ты гөгөрсö, мыссьöм пуяс
дзирдалісны лысва вöйтъясөн, сынöдыс сукджык
лоис. Посни чери мöдiс тольсьявны ва веркöсын.

Вугыр шатинъяс местаынöсь, но öтныс вешйö-
ма боклань. Пиöй нетшыштiс сатшкöминсьыс,
муртса эз гатшась виччысьтöмысла — зöридзьяс
пытшкысь бузöдчигтыр лыбöдчис утка, ва вылөд
веськөдчис ты шөрлань. Лэбач бöрысь шатиныс
вötчö. Мед чери пыдди утка шедіс, татшöмыд эз
на вöвлы.

Дерт, вугырас первой кельчи самасис, а уткаыд
сёян корсигөн казяліс мөвкъялысь ичötик чериöс,
нылыштiс вугырыскöд öтлаын. Кытысь тöдiс, мый
ставыс тадзи вермас бергöдчыны. Уялö ты шөрөд,
бöрсыйыс кузь бедь вötлысьö. И нем ог вермöй вöч-

ны, пыж ни пур абу матын. Пиёй бёрддзис весиг жалысла: лэбачыс вермас сгинитны да и вугыр шатинсё ньёбём вылө тёлысь чөж бурдөдчан турун чукөртис да косьтис.

Падъялёмнымөс торкис мотоциклөн воысь том морт. Неётчыдысь нин тані кыйсьёма, сійө жө и вөчёма пөвъясысь чомсө.

— Нем сы понда мыйшасьны, ичөт вугырыд из мешөкас сылөн изсяс,— висьтасьём бёрын резина пыжсө пөльтигмоз өлөдіс миянөс.— Ми видзам найөс гортын, уткаястө, нинөмөн найө оз виньдыны, стеклө торпыриг и быдөн кокалөны.

Регыд и пыраліс ты вылө, лэбачөс мездөм бёрын петкөдіс пины вугыр шатинсө.

Мудер лэбачьяс

Берег пөлөн лунтыр рошъялөм бёрын шуи узьмөдчыны мөс видзысьяслөн керкаын. Менсьым шыяс кылөм бёрын керкаысь петис Терень дядь, юрчуксө тупкыштөма югъялан көзырөка еджыд шапкаөн.

— Он на босьт найөс, ад горшъясөс,— чолөмасиг кинас индіс стенөн сулалысь вөр вылө.— Ок өд мудерөсь.

Терень дядь пенсия вылын. Нэмсө тепловозөн вөр кыскаліс. Оні коймөд во мөс видзан гожея лагерын, рыт и асыв дизель заводитлө.

— Нарошнө лун кежлас кольччи,— серам сорөн водзө нюжөдіс сёрнисө сійө.— Мися рака гоз пезьдөда, ог-ө мынө наысь... И уджыс эштөдтөм лои, көсийи лысьтысянінсө дзоньталыштны.

Ме видзөдлі видздорса вөрлань. Гашкө, кызьысь унджык рака джыджвидзисны козьяс вылын, быттьө кымөмаөсь места выланыс, оз вөрзъывны.

— А мый, пакөститчөны?— юала Терень дядьлысь, көть бура төда тайө лэбачьяслысь оласног-

сö и мудерлунсö. Кымын көч пи нöбаласны гождöм-быдöн, кушöдасны пöжсьысь лэбачьяслысь позсö. Öнi со йöзлы дöзмöдчöны.

— Матö воштiсны, сулалö ылыстчыны керка дорысь, пыр жö вуззыясны-лэччасны. Велалö-маöсь, кад тöдöны. Талун öшинь розь дорын лунтыр дiрвидзи-пукалi, эз öд лэччыны. Ачым мыжа: казялiсны, мый татшöм шапкааыс эз ылыстчы керка дорысь. Луннас танi некод абу, найö и пируйтöны, пызан вылö ни джаджъясö нем он лысьт эновтны, пасьтала лякасны-ситаласны. Кодкö лунö пастукъяслысь эновтöм шыд пöртсö мöтыр йылысь пöрдасны. Лысьтысянiнсö рытын лоö выль пöв мыськыны.

— Налък ли полöкалö колö лöсьöдны,— шуа Терень дядьлы. А сийö:

— Мыйсö эг лöсьöдлö, нинöм оз мөрччы. Тöдöны кө ас гөгöрыс-а,— паськыда серöктiс Терень дядь.— Видлы ружьеөн сибöдчыны на дорö, пыр жö утыштасны-лэбзясны, а беддöн көть пыр шенась.

Лысьтысьысьяс воигкежлö пастукъяс йөртисны мөсьясöс загонö. Терень дядь ловзьöдiс движоксö, керкаын и лэбулын öйисны лампочкаяс. Ракаяс шытöг эновтисны пукалан местанысö.

— Аски ещö кольччыла,— бара шыасис Терень дядь.— Пöртны колö синнысö налысь: ассьым шапкаöс сета мöдлы, мед чайтасны, быттö мунi ме. Öг тöд, кужöны-ö лыддыны, кымын морт вöли...

Веждöм

Вöли октябрь шөр, буретш виччысим съöd утка-яслысь мунöм. Найö медся бөръяясөн эновтöны чужан местаяссö, мукöддырйи слöта нин койö и ты доръяс кенясьöны йиөн. Талун асыв быттö

еджыд пызьён киськалёмны видзсё — сэтшөм чорыда пужъялөма, кок улад чарскө, быттьо шоллялым вывті мунан. Чизыр вой төв скөрысь сыналө кортөммөм нин берегпөлөнса кустъяс, копрөдлө вөсни пожөмъяс да козъяс.

Кытшовті некымын ты-лог, аस्या рөмыдыс кизьөрмис, а син пыр ньөти утка эг ну, ни сынөдсө оз вундавны төдса лэбачьяслөн бордъясыс. Шондён нин матыстчи тыкөла дорө. Нюрсялөм помөдыс веськөдчи турунасян керкалань, тшын дукөн сэсянь өвтіс — кодкө биасьялөма, узьөма. Эжөрыс тані чорзьөма, лоөма гөрдөв йыла.

Нюрсө болскигөн өтка утка сатшис-пуксис ты шөрө. Места вылө жмоткыси-воді кымыньөн. Пөдөм дука няйт ваыс мөдіс сөдзтысьны паськөм пыр, веськаліс сапөг гөленьясө. Ружьеөс водзын йөтка, мед стволас няйтис эз веськав, ачым кияс вылө мыджсьөмөн кыся, тойлася кокъясөн, кыз верма топөдча му бердас. Вадорөдз воськов дас — дас вит коли, но лыйны ылын на, лэбач ты шөрас тольөдчө. И сибөдчыны водзө оз позь, берегыс валань горула, ньөти куст абу.

Казялі: ты сайын кодкө вуджөртис, дзевсис бадь куст сайө. Утка, дерт, казьявтөг эз ов, мыйкө дыра чатрасьяштис, но эз лэбзы, неуна меланьө сетчыштис. Дыр эг виччысь, косьяшти-луйи. Мөдар берег вочавидзис гора ёрччыштөмөн. Лыйөм бөрын мыйкө дзирдыштис шондө водзын. Видзөдлі ты вылө, утка некөн оз тыдав, а таз пасьята ва гөптын, дзик вадорас, черпу кодь ёкыш бузьялө. Водзвыв висьятала: килоөн-джыньён вөлі. Вот и вежөмыд! Лэбач пыдди чери. Уткалы эг веськав, да сунис-дзевсис, а ёкыш шойччөма-вугралөма шондө водзын ляпкыдінас, буретш заряд лэбан визь весьтас. А лыйөм-пезьдөмыс дзик ва веркөсөдыс лои. Повзьөмйивсьыс мач моз чеччыштөма вывлань, а бөрсө бокөджык усьөма, ва логйө. Вот на ещө кызди овлө.

Ыджыд шыпассянь...

Менө шогөдө сэтшөм здукьясө, кор туплясьө джоджын нянь шөрөм, булки тор, бипур дорын няйтөссьөм тупөсь джын. Ещө ёнджыка на муткыртө гырк пытшкөс сэки, кор татшөм «уджсө» вөчөны том йөз, челядь. Сёйигөн кө эм шуйга киас кутанторйыс, нинөм оз думыштлыны, быттьө сідзи и колө. Шуөны тай: ас вывтйыд кө оз вудж сьөкыдлуныс — и син водзад оз сувт лөк серпасыс.

Коді воськовтіс война вояс, сылөн некор памятьсьыс оз вушйы тайө кадыс. Чеччан асывводз, быд керкаын грымакылө: гырийн майкөны кач, пилипызь, быд сикас косьтөм турун. Удж вылын шойчигьясө кылан нывбабаяслысь пыдісянь ышловзьөм: «Қор нин мойвиас пөттөдз нянь сёйны, прамөй нянь?!» Сетасны кө ки пыдөс пасьта шөрөм, асьныс оз убөлитны сёйны, челядьыслы нуөны. Сійөн тай и уна мам эз вермыны виччысьны война помасьөмсө, сылісны-косьмисны тшгыйысла. Сёян и новлантор — ставыс сэки муніс вөрөгөс венөм вылө.

Школа помалан тулысө аслам гижөдын «нянь» кывсө ыджыд шыпассянь пасйи. Бөрынджык чукөстисны велөдысьяслөн жырйө. Зэв пө бура гижөмыд, шуөны, сөмын өти өшыбка пө веськалөма: няньыс нө пө ыджыд буквасянь гижсьө, али торксин? Мися, эг. Аттьө, директорным дорйыштис: тайө кывсө пө пыр колө гижны ыджыд шыпассянь. Сійө вөлі ранитчөма, сой пөла. Сэк жө и висьтасис, кызди веськавлөмаөсь вөрөгьяслы кытшө да сёян абутөм вөсна кык вежон чөж «йирсьөмаөсь» скөт моз.

Батьяс и-пөльяс нэмөвексянь няньтө ыдждөдлөмаөсь, и өні сійөс пызан вылө медводзөн вайөны. Колө, мед эськө быдөн төдіс няньлысь донсө. Төдіс, кузь-ө нянь тупөсьлөн туйыс пызан вылө вотөдз.

ГУДЫРОВ ВОКЪЯС



Жонь

Декабрь төлысь помын пуксисны чизыр кӧдзыдьяс. Лун шӧрнас кӧть шондіа, но ывла вылын дыр он ов — бандзибъястӧ, ныртӧ дзужалӧ. Керка вевтъяс вылӧ асывводзьясын сувтӧдӧмаӧсь еджыд кузь сюръяяс — тшыныс веськыд визьӧн руныгӧ трубаяссиянь. Торйӧн нин войясын кӧдзыд. Виччысьтӧг пашляк швачнитас — керка пельӧсид вӧрзьялӧ. Сикт шӧрӧд визувтысь шорлысь ляпкыдінті воргасӧ дзикӧдз кынтӧма, васӧ ортсыӧ пычкӧ, бырӧдалӧма пасьтала.

Ӧти руа асылӧ Алик казяліс посводзысь гӧрд морӧса лӧбачӧс, кӧсийс на чукӧстны воксӧ, а лӧбачыд повзӧмйылысь восьса ӧдзӧсӧд керкаӧ жбыркнитіс-лӧбзис, пуксис шкап вылӧ. Жонь вӧлӧма. Кӧдзыд вӧсна, дерт, веськаліс посводзӧ, а петны эз путьмы. Ӧні став ловъя лолыс тшем сук вӧрӧ дзевсьӧ, кодкӧ лым пиын унджык кадсӧ коллялӧ, збойджыкъяс морт оланінӧ сибӧдчӧны. Понлӧн сӧйӧм бӧрын бекарсӧ воробейяс кытшалӧны, резсьӧм пыригсӧ ӧктӧны повтӧг, а неылын катшаяс да ракаяс джыджвидзӧны, пузгыртчӧмаӧсь, сӧян колясьяс вылӧ жӧ надейтчӧны.

— Каньлы мед эз веськав,— рытнас шуис батыс, кор вокъяс шуисны жоньӧс видзны керкаын.

— Ми поз сылы вӧчам, клетка,— вочавидзис Алик.— А лун кежлӧ, кор асьным ог лоӧй гортын, клеткасӧ ӧшӧдам овтӧм жырийӧ, матичас.

— Ми кутам вердны сӧйӧс, юалам Павел Васильевичлысь, мыйӧн пӧткӧдны жоньӧс,— содтіс Толик.

Батыс паныдсӧ немтор эз шу: бура пӧ дӧзьӧ-

ритой сөмын, медым каньлы гыж улас эз веськав да эз тшыгыяв, эз мучитчы.

Сідз, гөрд морөса жонь (ай лэбач), стөчмөдис батыс, энъыс пө вижовруд, овмөдчис өтилаө йөзкөд. И некутшөма оз өтдортчы. Кор лэдзасны клеткаысь, лэбалө жырийысь жырийө, ачыс жө и бөр пырө позъяс осьса өдзөсөдыс, мөдас кокасьны, горшсө веськөдө банкаысь лымйөн. Торйөн радейтө көнтусь, зөр, семечки. Мый сэсса жоньлы: сөян вөсна төждысьны оз ков, шоньд.

Өтнас Мурзик некыз оз велав выль олысь дөрө. Ляскыяс пач труба дөрө, синъясыс өзийоны лөзөн, шочиника легөдө бөж йывнас. Öтчид ньөв моз лэбыштіс пукаланінсяньыс, көсийс сынөдас курыштни лэбачөс да эз артмы көсийөм сертиис — ва пельсаө тольснитчис-уси. Тыдалө, Мурзиклөн арсянь на лөгьыс петө тайө мича лэбачьяс вылас, сэки дыр собалис на бөрся, но кыйны эз вермы.

Первойя лым усьөм бөрын жоньясөс частө казьявлім пывсянсайса видз вылысь, быттө биа өгыръяс ымралісны косьмөм турун идзьяс вылын. Сэки жө кык-ө-куим лунөн пыллісны сирень кустьясысь көйдыссө, быттө көдзөма вөлі лым вылө гөрдоват кышыс.

Вой кежлө жонь ланьтөдчө водз. Карандаш кызта бедьтор вылө тепыртчас гыжъяснас, нырнас лөсьөдлас вывсьыс гөнъяссө, сэсса пузгыртчас комокө, юр ни кок оз төдчы. Лампочкасянь югыдыс мед оз торк, Толик быд рыт газет листөн сайөдө өтарсяньыс.

Батыс неөтчыдысь нин казьяштіс пияныслы: шондыс пө бергөдчис тулыслань, кад пө лэбачтө вөля вылө лэдзны, дась сөян-юан вылын олігөн вермас пө вунөдны вөвлөм оласногсө. Ичөт вылө уна лөк син видзөдө, вөрын пыр колө видзчысьны, вунөдас пө дзебсясьөм йылысь, юрсө воштас — кодлыкө веськалас лэчыд гыж улө.

Март төлысь помөдз нюжаліс жоньлөн гөсти-

тöмыс, и вокъяс пыр аддзöны кутшöмкö помка: турöб ывла вылын, то ещö на кöдздыяс йылысь юöртисны радио пыр, то жаль, велалісны да.

А ичöтик лэбач дзикöдз велаліс вокъяс дорö. Толик пуксяс пызан сайö, жонь жбыркнитас аслае позйысь, тяпъялö-ветлöдлö книгаяс вывті: «жонь, тэ жонь, гортса уджтö тэд оз ков вöчны»,— зонка то нимкодьясьö мичаник лэбачөн, то öшинь пыр видзöдлö шондіа ывлаö. А мöдыс: «Фйиуть-фйиуть»,— вочавидзас, кодлөн пö кутшöм удж.

— Гашкö, сёрнитны велöдны жоньсö?— öтчыд Толик юаліс вокыслысь.

— Нем абусö эн сёрнит, абу öд сійö попугай.

Коркö, шойччан лунö вокъяс шуисны лэдзны жоньöс вöля вылö. Войясын кöть чорыда на кынмавліс, но луннас войтва нин тёпкис вевт вывсянь. Дзоля лэбач гажтöмтчыны кутіс позъяс, вöймис. Ывлаын пемыд на, а сійö вöйысьö нин позсьыс. Омöльдзыка кутіс сёйны, инас оз öшйы, пыр частöджык и частöджык мöдіс зурасьны öшиньö.

— Колö, буди, пасйыштны,— майшасис кильчö вылын Толик.— Мöд төв бара вермас локны, эськö тöдны кутім.

— Ещö пасйысьны кутам,— тэрмöдліс Алик,— воас кö — тöдам. А гашкö, вежам ми сійöс? Витя Туисов шуö: сета пö жонь вылад копилка...

— Тöргöвеч аддзысьöма!— кöритыштіс воксö Толик, öвтыштіс кинас вывлань, личöдіс кабырсö да горöдіс: Эн вунöд, жонь, сьökыд лоö — бара лок!

Жонь лайкъялігтыр лэбзис пес сарай вылö, тяпъялыштіс сэні, сэсся веськöдчис шордорса кустьясö.

Рытнас мамыс пырис мöс дорысь да юöртіс:

— Лэбачыд бөр воöма.

И збыль, жонь пуксьöма кильчö стен дорö зэвтöм сутуга вылö, вой кежлö позъяс вöйысьö.

— Немö воштінныд лэбачсö, киö нин кö сетчö

ывлаын! — жоньӧс керкаысь аддзӧм бӧрын скӧра-
ліс батыс. — Аддзӧмныд ворсантор, мед аски жӧ
вӧлі нуӧма вӧрӧ.

Школаӧ мунтӧдз вокъяс нуисны жоньӧс пашня-
сайса вӧрӧ.

Рытывбыд то ӧтиыс, то мӧдыс ӧтырышъя пырӧ-
ны-петӧны, гашкӧ пӧ бара на бӧр воас. Сійӧ рытӧ
матігӧгӧрын жонь эз тыдав. Қоймӧд асылӧ батыс
пырис лым весалӧм бӧрын, юрнас докнитіс ӧдзӧс-
лань, некод вылӧ видзӧдлытӧг скӧра шуис:

— Жоньыд! Тӧвйӧдінныд тай, мездінныд... Эк
ті!

Вокъяс уськӧдчисны кильчӧ вылӧ. Сэні тупля-
сисны гӧрд да вижов гӧнъяс, йизьӧм вир войтъяс
тӧдчисны джоджын.

Льӧмпуашор дорын

Аски Гудыровъяслӧн мӧс видзан ӧчередь. Ве-
лӧдчан во помасьӧм бӧрын тайӧ уджсӧ вӧчисны
Алик-Толик вокъяс. Но рытсаян на Толик мӧдіс
«дзуртны»: лунтыр котралӧма пасьтӧг, мышкуыс
чишкасьӧма ваболясьӧдз. «Дышыс петӧ, да нарш-
нӧ асьсӧ жаритӧма», — дурскӧдчис ыджыдджык во-
кыс, кор мамыс зырالیс ичӧтджыксӧ кутшӧмкӧ
мазьӧн.

Тӧварыш пыдди Аликлы корисны Миш дядьӧс,
сиктса ног Ноп Мишӧс. Йӧрмӧм йӧзӧс сійӧ пыр
мездӧ.

Ноп Миш топыдик тушаа, косіник, ветлӧ котӧ-
рӧн сорӧн, каньлӧн моз кок шыясыс оз кывны. А
прӧзвищӧыс кӧвъясьӧма абу весьшӧрӧ: ляскас
мышку вылас ноп, ыж ку пасьта кӧ муыс лымйысь
кушалӧма, и сӧр арӧдз, еджыд бобувъяс петтӧдз,
оз пӧрччыв. Здра пӧ сэтшӧм ним ог новлы, сералӧ
ачыс. Қолӧ шуны: нопсӧ Миш дядь оз мода вылӧ

кыскав. Магазинысь прöдукта ньöбалö, вöрысь во-
тöс либö вöчасян кöлуй вайö. Кодкö лунö ветери-
нар дорö нопйын каньсö лэччöдлис.

— Гажа и луныс талун,— Миш кимöдзнас
чышкыштіс плешвывсьыс пöсьсö, кор мöсьясöс
сувтöдісны Льöмпуашор дорö.— Тэ пукуышт, Петро-
вич, ме кытшовта дорöсöдыс, потшöссö видзöдла.

Челядюловöс сиктысь бать нимьяс кузя ыдж-
дöдлö, кытысь тöдас, кодöс кызди шуöны, а пос-
ниясыд мыгöръяснас пыр нин чужтысь-быдтысьяс
вылас варччöны.

— Позьö вугралыштны гож сайын, йираныс
эм, оз кö этийö дженьыд бöжаыс вөрö тюрöд,—
кинас индіс еджыд ыж вылö, коді төвйöма мöскыс-
код öтлаын да öні тшöтш жö ветласьö.

Алик лöсьöдіс юрсö пушыд вутш вылö, а төва-
рышыс орччөн ныргорөн нин шкоркйöдлö. Со сійö
ки вомлöсөн и содаджык зонкаысь, а мыйта ад-
дзылöма. Чорыда ранитчöм бöрын пленö веськав-
лöма война дырйи, но пышйöма, воöдчöма парти-
заньяс дорö. Та йылысь сійö сёрнитіс школаын, че-
лядь лов шысö кутöмөн кывзисны висьтасьöмсö.
Сиктын пыдди пуктана, торйөн челядь дорö сиба-
лысь. Посни войтырöс кыскö сы ордö, быдсяма
чачаяс да чипсаньяс вöчны велöдö найöс. Оз кö
ырыштчы некор, кöть мукöддырйи и вильшасьны
мöдласны.

«Мед, колökö, и эз лок, Миш дядькөд гажа-
джык на, шойччыштас, да кора мыйкö висьтась-
ны»,— куйлігөн вокыс йылысь мөвпыштіс Алик.

«Ав-ав-ав!» — видз помсянь кылісны увтышта-
лөм шыяс. Сэсся шойччысьяс дорö кыккокийв вар-
тöдіс еджыд шарпа пон, нюлыштіс детинкалысь
чужöмсö, бöжсö легöдіг исалис мөдсö.

— Катшыс тай, кыз нö мянöс аддзин, сарайö
тай батьö йöртліс, петöмыд,— Алик шыльöдіс лас-
титчысь ёртсö.— Локтін кö, вөрті эн шöйт, öні став
ловья лолыс быдтысьö.

— Аддзас сійо, понйид,— Миш дядь лыбодчис гыраяс вылас, чужомыс здукон зумышмис.— Пленысь пышйигон суодисны кык пон,— пуджис дором соссю — гырddзасяньыс пельпомодзыс веськыд сояс яйыс ньоти абу, восни горд кучикон эжома лыыс.— Со од мый вочисны, быттьо зверос.— Сэсса неуна чов олыштөм бoryн содти:— Понтө мыйо велодан, сийос и вочас, кытчө ыстан, сэтчө и мунас.

— Но, ертыд тай воис, эн гажтөмтчы,— Миш дядь нопсыс перйис тывкорт кодь ичотик чер,— ме кежавла вöрас.

«Мыйла и войнаыс пыр, Катшыс, а?— Алик пыдисянь ышловзис отнас кольом бoryн, лек серпасон син водзас сувтис товaрышыслон висьтасьомыс.— Кымын сюрс война нин вөлөма йоз олигон, и пыр вир киссьо, кодлыкө пыр мыйкө оз тырмы. Тэ эськө «воюйтaн» жө да, со оти пельыд вожа, мөдыд лёткысьома.

Пон нюжвидзө гож сайын, шочиника легйодлө бөж йывнас.

— Чай, буди, Петрович лосьодам,— Алик эз и кывлы Миш дядьлысь кок шыяссө.— Со сэтөр вож вайи. А этайо увьясыс делө вылө мунасны. Кодкө шорас льом пу порөдөма, тыдалө, додь письяс дасьтөма.— Орийодлис увьяссө весть кузьтаон, тэчис нопьяс.— Куран пиньяс артмасны,— вочавидзис Аликлөн юалана видзөдлас вылө.— Сидз жө сисьмас добраыс тани.

— Оз мөй кыддысь куран пиньяссө вөчлыны, ёнджык од сийо?

— Льом пуыд косьмас да лы кодь лоө, нюдджык кызсяыд и, котасьлиг-косьмигьясө оз ворс. Куран вылад важ йозыс куим полөс пу бөрийлөмаось: воропыс козйысь, юрыс кыддысь, пиньясыс льом пуысь.

Алик төдө: Миш дядьлөн киясыс быдтор вылө

сямао̄сь. Курант̄о совхозлы быд гожом̄ кежл̄о дась-
т̄о, а кымын кийсь арын т̄одан сьон̄ вуром̄ чуман
да кузов. Кодл̄онк̄о о̄дз̄ос дугд̄ома п̄одласьны,
дзирья̄ столб̄ н̄ерома — бара ж̄о сий̄ос чук̄ост̄оны.

Горт̄о л̄эччандор̄ м̄осьяс ещ̄о на вувзьысисны
веж турун выл̄о, с̄омын ыж ветласис бокинджык,
пон̄ольяс костысь о̄ктис̄ небыдик корьяс. Друг
Катшысл̄он яр г̄ол̄осыс торкис пастукьяслысь с̄ер-
ни-баснис̄о. Кыкнанныс уськ̄одчисны понл̄он эра-
л̄ом шыяслань. Еджыд ыж юрс̄о чат̄орт̄ом̄он пош-
кигтыр чеччалис-воис налы паньд, такавлыт̄ог л̄э-
бовтис̄ кыз колода вом̄он. А неылын пон да руд
г̄она зверь быгласисны муын. В̄ол̄омк̄о, в̄ор кань
пу вывсянь чыччышт̄ома ыж выл̄о (б̄орыннас ст̄оч-
м̄одис̄ Миш дядь) да абу веськал̄ома, с̄этч̄о и сӯо-
д̄ома Катшыс, вожасьома вылас, абу л̄эдз̄ома б̄ор
пӯо кайны. Пон сатшкысьома зверлы голяс, а м̄о-
дыс л̄эчыд гыжьяснас сынал̄о-л̄эдз̄о г̄онс̄о кучик
сора лестукьяс̄он. Миш дядь нь̄оти повт̄ог пелька
г̄ограл̄о пурсьысьяс дорт̄и, кор понлы инмас бед-
д̄ьон, кор в̄ор каньлы. Бытть̄о сибд̄омао̄сь о̄та-м̄од
дорас косясьысьяс. С̄эсся, тыдал̄о, Катшысл̄он бы-
ри эб̄осыс, курчч̄омыс личал̄и, а хищниклы тай̄о в̄о-
л̄ом кол̄о: син лапнит̄игкост̄и нь̄ов моз лыйышт̄ис̄
пуяс кост̄о. Конь̄ор Катшыс, бытть̄о к̄орт зӯон бо-
р̄омны г̄онс̄о и кучикс̄о, эг̄ к̄о сӯо, пом в̄ол̄и понлы.
Голяс пель дорсянныс кык чунь пасьта лента̄он
кучикыс вольышт̄сьома, б̄орья кок вылас оз сувт
ни. Матыстчис̄ Алик дор̄о, щ̄от̄ьс̄о сувт̄од̄ома, г̄он
сора дулл̄ьон вуктыл̄о.

— Абу и ыджыд ачыс, а пельклуныс пыд̄ост̄ом,
в̄орсал̄он,— Миш дядь мудз̄омлаыс кашк̄о.— Ыж-
т̄о, сюрис̄ к̄о, крукыля гыжьяснас здук̄он вур-вар-
в̄очис̄.— С̄эсся казялис̄ зонка чуж̄омысь синва
мольяс да, мед бур̄одны сий̄ос, м̄одис̄ поний̄ос шы-
л̄ьодны.— Молодеч, Катшыс, регыд бурдан, а
этай̄о лестукт̄о ми топ̄одам местаас, к̄ортыштам.

— Мый бара бать̄о шуас-а,— Алик эз вермы

кутчысьны, горөн бөррдзис.— Коньөр тэ, Катшыс, кулан кө... Мыйла и локтін.

— Нинём оз шу. Ассьыс удж вөчис. Бур, мый эз повзы, шоч пон оз бөрынтычы вөр каньысь. Катшыс кө эз вөв, өти пемөс чукөрысь эг лэчөдөй.

Миш дядь ноп зепсьыс перйис чышгянтөр, нирыштіс саось сэрапомө (дойыс мед оз пөжөссьы), сэсся кыкөн көрталісны голясө киньгысь понлысь.

— Вот и кардьялім,— Миш дядь чышкыштіс вирөсь кисө турунө,— а борөминьясыс да кокыс сідз бурдасны, сәті нювны судзө. Ме ичөтын на кок шег дөрти сотлі, некыз вөлі оз бурд, сэсся мамө нөкйөн мавтіс дойсө да понйөс чукөстіс нювны. Быттө бордйөн чышкыштісны висьөмсө. Эн шөгсьы, көлысьяс дырйи өта-мөднысө бура жө парсавлөны. Вай чукөрт мөсьястө, Катшысөс ме нөбала нопйын, а куран пинь вөрыс виччысьлас коз улын, косьмыштас.

Төлысь мамтөг

Мамө курортө мөдөдчө. Сийө дас воысь дырджык конюкалө. Бөрья кадө коскыс өна висьө. Некутшөм зелля оз отсав. Колө пө мупытша няйтөн бурдөдчыны.

Сылөн майшасьөм вылө өтпырйө моз вочавидзим куим мужичөй:

— Тырмас сэсся, мамө. Быттө өгө кужөй да вермөй овмөстө бергөдны.

— Сідз эськө да...

— Гортас уджьяссө юклам ас костаным,— шуис Толик, ыджыдджык вокөй, коді сизимөд классын велөдчө.

Бать содтіс ассяньыс:

— Бурдөдчы, төлысьтө он и казьявлы, кызди прөйдитас.

Овмөснүм мян ыджыд: куканя мөс, порсь, ыжъяс, чипанъяс, кык пон да кань. Бать шуө: сёян-юантө вөла доддьөн чукөртам, а төвбыдөн пань-өн бырө. Дөзьөрыд, дерт, скөтнад тырмө. Мед мамө шойчыштас, бурдөдчас. Турун пуктөма нин, град йөр коли идравны.

Мам мунан лунө батьө воис югыдөн на. Став живөтина вөлі вердөма-юкталөма, керка пытшкын өвтіс чөскыд сёян көрөн.

— Шыдтө ми талун книга серти пуим,— пыр жө ошйысис Толик. Вокөй зэв кыв-вора, мый юрас, сійө и кыв йылас, кывлөм-аддзылөмтор зептас оз видз.— Сөмын тай мөснүм лысьтытөг. Эг на индөй, коді лысьтысьны кутас.

— Петала инө ме,— мыссьыштөм бөрын шуис батьө. Но регыд бөр пырис тыртөм подөнчанас.— Оз сибөд Сюрукыд, гөгралө картаын. Ог и төд, мый вөчны. Домыштлыны, тыдалө, ковмас.

— Мамыдлысь паськөмсө пасьтав,— велөдіс Толик.

Сідзи и вөчисны.

Мөс дорө лэччисны кыкөн. Толик петкөдіс сола нянь шөрөм. Бать лысьтысьны босьтчис.

— Зэв тай сьөкыда петө, чуньясөй лөталісны. Быри нин, тыдалө.

— Пөдөнча джынйыд на абу да. Сюрукыд өд уна сетө йөвсө. Вай ме видла,— корө Толик.— Ме өд лысьтысьлі нин.

Толик кыкнан кинас зыраліс мөслысь вөрасө. Кыз шор моз йөлыс мөдіс чилсйыны дозйө. Дзонь пөдөнча лои.

Дзонь вежон нин олім мамтөг, некутшөм вежсьөмъяс эз лоны, не кө лыддыны скөтлысь содөмсө: Мурка вит каньпи вайөма гид лөскө. Ме пырті найөс гөбөч вылө, мися кынмасны синтөмъясид. Сибирскөй рөд мян каньыс. Ёртъяслы көсйи козьнавы каньлиянсө. Толик водздзык сэки воөма

школаысь, гортса удж нин вöчö. Видзöдлi дзоля-
ясöс, а налөн сöмын местаыс.

— Лапкорпель! Көнi каньпияныс?!— сэтшöма
скöрми. Лөг дырйи вокöс тадзи нимта водзвыв
чангыльтчöм паськыд пельяс вöсна.

— Мый нö арзан, бруксун. Эз и ков вөрзбöд-
ны места вывсьыс.

Ме ещö на скöрми, петук моз уськöдчи Толик
вылö. Дась някравны кудель кодь небыд юрсисö.
Но ас кадö гөгөрвои: вокöй меысь вийöрджык,
сюсьлуннас босьтö. Сьöлöмöй личалис, кор видзöд-
ли гид лöскö. Витнан каньпиыс ёкмыльö гаровтчö-
маось. Вöлöмкö, гөбöч öшинь пыр мамыс бөр нов-
лöма важ местаас.

— Аски шойччан лун,— пывсьöм бöрын горöдч-
чис батьö,— пось нянь, буди, колö дзожгыштны.
Мыйкö артмас оз? Вöрад тай ми комöльтö би вы-
лын пожалам-а, беддьö пысалам да.

— Мый нö оз артмы,— пыр жö суйсис Толик.—
Йöв пиö пызьтö гудыр-гадыр вöчан дай, рокöстор
чепöльөн чöвтан, мед ловзяс войнас, асывводз сук-
тыштан. Мамыд тай пыр сiдз вöчлö.

Асылын ме садьми нырöс чагрöдлöмысь. Лöз
тшын гөвкъялис керка пытшкын, джоджöдз нин
лэччöма. Батьö ыджыд пач дорын ноксьö, то гур-
гас-сюяс скөвөрöдасö пачö, то мöдлас эшкынөн
өвтчыны. Керка öдзöс гурйыв восьтöма. Ачыс ньы-
лöдöма, чужöмыс ыргөн таз кодь дон. Шомöс доз-
көд орччөн кирпич кызта книга куйлö. Мамö кор
пöжасьö, ми огö и кывлöй, а батьлөн киясыс быт-
тьö косось, то укват джоджö грымгыяс-уяс, то
ачыс тэрмасигас мыйкö кисьтö-пөрöдö.

— Меысь, тыдалö, пöжасьысьыд...— миян во-
дзö пунктiс пöжас тыра пöv.

Гашкö, куим чунь кызтаось, быттьö важмöм
гоб шляпаяс көвдумьясыс.

— Видлöй, шняпурейяссö.

— Зэв тай чöскыдось,— Толик ошкö батьöс.—

Неуна, буди, кызосьджык лоёмны, шоныдыс омольджыка шорас сидзёма. Нинём, пөтөсджыкось.

Ме нем эг шу, көть пиньяс гөгөр сибдө зуд кодь няньыс. Ошйысим мамёлы мунигас, быдтор кужам вөчны. Он на босьт...

Сейыштөм бөрын бать лөсьөдчис карпутель гу дзоньтавны петны.

— Ме Дозмөрөс кыйода,— юөртис Толик.— Тыдалө, ортсө вайө, ньоти ыджыд кольк дозъяд абу. Ыжъяслы да куканьлы турунла ветлан,— видзөдліс ме вылө.

— Лунтыр өд он кыйөд,— пыр жө дөзми ме. Сійө мөдас көйвидзны град йөрын, а ме турунөн ташликайтчы.— Кыкөн кыйодам, сэсся и турунла ветлам өтлаын.

Вокөй нем паныд эз шу.

Дас пиысь өти чипан медыджыд. Ставөн лым кодь еджыдось, а сійө көндозмөр кодь руд. Сійөн и Дозмөрөн нимтам. Унджык колькыйыс сылөн кык пөкъя и ёна гырысь мукөдъяс серти. Дозмөр пыр өтнас, өткөн жө и узылө өшинювса кызды вылын. Сарайө оз колькъяв, пыр кытчөкө бокө поз лөсьөддө. Вердөм бөрын бур здук купайтчас логторйын, нырнас лөсьөдлас гөнъяссө. Сэсся, суседъяслөн петуклысь гөлөссө кылөм бөрын, вуджас потшөс костті. Петрөван быттьө чөскыдтор аддзөма, палсйө-резө мусө, нем абусө кокалө-өктө котсигтыр. Ачыс пөдруга вывсьыс синсө оз вештыв. Талялөм бөрын, борд пөвнас буссө чышкигтыр, ещө на кытшовтас Дозмөр гөгөр.

Гашкө, кык час нин чипан лашъяліс картопель коръяс костөд, юрсө косньөдлө мянлань, абу окота вузавны кольк позсө. Ме звөз вывсянь көйсася, Толик потшөс вылын пукалө. Кыкнанным син водзын кутам мудерөс.

— Тайө кыйөдчөмнад дай,— дзугылыыс бось-

тіс Толикӧс.— Ӧти чипан бӧрысь кыкӧн вӧтлысям. Позьӧ эновтчыны ӧтинымлы, сӧсся вежсьыны.

Гӧгӧрвои: Пантиль керка дорын челядь мачасисны. Сӧтчӧ и утыштӧс вокӧй дай эновтчис. Менӧ дӧзмӧдӧс жӧ чипанлӧн весьшӧрӧ ӧтарӧ-мӧдарӧ катласьӧмыс. Енӧжын кык рака кравзӧгтыр вӧтлысисны варыш бӧрся. Звӧз помсянь синъясӧн недыр и колльӧдӧ найӧс вӧрлань. Видзӧдлӧ град йӧрӧ: Дозмӧр некӧнӧ оз тыдав, быттьӧ ваӧ сӧк костӧ вӧйи. Сӧтшӧм нелӧсьыд лои лов вылын. И Толик буретш котӧрӧн локтӧ.

— Кымын кольк чукӧрмӧма?— ылісянь на юалис сӧйӧ.

— Баквал! Пӧръячка!— горшӧй гӧрддзасьӧма забеднӧла.— Мыйла либӧ кӧсйысин вежны?

— Кутасьны сюри да некыдз мынтӧдчыны эг вермы. Аддзан, быгзытӧдз лои,— правдайтчис вокӧй.— А Дозмӧрыд сӧйӧ сӧтшӧм, син лапнитӧмтӧ и виччысьӧ. Қольӧм гожӧм тадзи жӧ бӧбйӧдлӧс менӧ. Мамыд сӧсся бӧж увсӧ солӧн кисьталыштӧс, манитчытӧг тюрӧдӧс вирич улӧ.

Пызан сайын висьтасьӧмӧс кывзӧм бӧрын батьӧ мӧрччана кӧритӧс кыкнаннымӧс:

— Ӧтиыд, инӧ, енвевтысь ракаяс лыддис, мӧдыд — тӧв чужьяліс, а куканьыд да ыжъясыд тшыгӧсь.

Ми шӧйӧвошим, ӧтпырйӧ пуктӧм паньяснымӧс, сӧяныс горшӧ тасасис. Толик сувтӧс первойӧн. Но батьӧ ӧлӧдӧс:

— Мыйсюрӧ ме пыртыштӧ. Бӧрыннас ветланныд.

Ӧтувьягырысь уджъяс мырким шӧйччан лунъясӧ, сӧки ставӧн прӧстӧсь, гортынӧсь. Қольӧм шӧйччан лунӧ картофпель бӧсьтӧм, а тайӧнас лӧсьӧдчим генеральнӧй уборка вӧчны. Сӧдз шуис бать. Сӧн жӧ лун-мӧд-коймӧд мысти мамӧс виччысим. Рыт-нас на, кӧлуй кӧтӧдтӧдз, батьӧ медводдзаысь таво кырымалӧс миянлысь дневникъяс. Водзтӧ ми пыр

мамöлы мыччöдлiм. Аддзис менсьым «1»-öс да шуö:

— Ерöмакань, бедь вылö тай велöдчан. Тайö нö кутшöм удждон?!

— Эз правдаысь пукты,— вочавидзи веськыда синмас видзöдiг.— Велöдысь тэрмöдлö вöли, а ме, ачyd тöдан, мавттöм телега моз дзурта. Этша-этш мыкталыштi сувтöм бöрын, сийöн и пуксьöдiс бөр.

— Бара кöнкö бөрдин. Мый нö он висьтась, абу öд нёнпомъя.

Ме сэтшöм и эм, кыв-вортöм вöсна мукöддыр-йи ачымöс жö и дойда. Сэн жö Агния Степановна выльöн таво воис мян школаö, оз тöд менсьым öбичаöс. А урокöй рытсьянь на велöдöма вöли.

Асывнас батьö пемыдын на садьмöдiс мянöс. Няйтсьöм паськöмыс куим мужичöйлөн вель уна чукöрмöма. Регыд и шургим-лэдзим машина пыр, тэрмасим пожъясьны. Шойччан лунад шорыд оз прöстмыв. Помöд пыр суйöма кöрт труба, ваыс бузгö-петö ыджыд ворйö. Батьö тольöдö-пожъялö, ме школöда-нöшала. Сэсся батьö нöшалöмсö ещö на ва пыр нуö, а Толик пыдзралö да тэчö тазъясö. Кыдз кöть эг тэрмасьöй, шор дорö öчередь чукöр-мис. Ставыс нывбабаяс. Öти мужичöй тай кöлуй тыра таз нöбалöм бöрын бөр мунiс-а.

Нывбабаяслөн ас костаныс сёрни-басниыс воö мян пельясöдз:

— Со кутшöмöсь йöзыслөн гач новлысьясыс.

— Дивъя татшöм отсасьысьяснад.

— Со мян таз нöбалiс — гөгйыс вөрзис, бөр уньыртiс-мунiс.

Миянлы, дерт, любö. Торйöн меным. Мый вынысь кучкала кöлуй чукöрö. Тэрмасьöны батьö и Толик.

Кöлуй öшлöм бöрын кык вок перво-наперво пывсянö новлiм пес-ва, сэсся пыркöдiм джодж вольöсьяс. Батьö кузь бедь йылö пысалöм ва роскөн чышкалiс йирк да стенъяс. Пöжасян лунö прамöй

кыза саыс пуксьома. Ми Толиккөд чышкалим улөсьяс, диванъяс, шкаф вывъяс. Весиг өшинь стеклөяс мыським. Сэсся кутчысим джодж бердө. Ставөн трусик кеждз пөрччысьомаось.

Төдлытөг дзуркнитис кильчө өдзөс, керкаө пырис мамө, кияс чобөтан. Шөйөвошөма, сулалө порог дорын. Татшөм дивөтө эз на аддыв да, тыдалө, сы понда. Батьө водзджык шыасис:

— Аски-аскомысь на тай виччысим.

— Гажөй быри, водзджык петі.

— Ура!— ставөн уськөдчим паныд, кыпөдİM мамукөс кияс вылө.

— Донаясөй менам...— сөмын и шуалис сійө.

Дозмөр поз

Гудыровъяс талун пес дасьтөны. Батьыс водзвыв пөрөдчис да пилитчис, талун мамыскөд поткөдчөны. Алик-Толик вокъяс тэчөны чипас.

Май помся зэръясөн мысьсөм козъяс да пожөмъяс кажитчөны ещө на вежджыкөн. Лөнь, сөмын кокныдик төвру кадысь кадө ворсөдчыштө кызъяслөн да пипуяслөн джынвийө вөсьсөм-паськалөм коръясөн. Кок улын небыд, быттө вольпась вывтİ вөсьлалан. Сир дука вөрса ыркыдыс кыпөдө ловтө.

— Батьыд, ме ногысь, чипасыд оз тыр,— корнин коли поткөдны кымынкө пес чурка, шыасис мамыс.

— Оз, тыдалө, и эм,— батьыс читкыртліс өти синсө, абу-ө чипасыс бокыв сетчөма.— Этійө козсө позяс пөрөдны, матынджык. Сөмын тай неуна мөдарлань нөрөвтчөма.

Кыз на вөлі пулөн кутөдыс, да вөр йывтİ төвныр котөртис, мөдарө нөбаліс пусө. Сэки жө мыйкө руд швачкөдчигтыр лыбөдчис пөрөм коз йыв улысь.

— Ерöмакань!— сэтчö воём бöрын батыс кутчысис балябöжас.

Вокъяс котөрөн локтисны сы дорö.

— Мый нö, батьö, эн-ö доймы?— öтпырйö юалисны найö.

— Со öд...— кинас петкöдлис ичöтик понöль улö.

— Колькъяс тай. Сизим кольк, веськыда муас. Тайö дозмөрлөн, батьö, позйыс?— Толик чургöдис кисö неыджыд логторйын рудоввиж чутъяса кольк чукөрлань, но батыс вештыштіс кисö бокö.

— Сідз нин асьсö мамсö и колькъяссö муртса эг нырыштöй, ладнö увъяс костас веськалöмны. Тыдалö, пöрысь лэбач пöжсьö, том кö вöлі, шумсьыс важөн пышйис. Вай весалыштамöй таті, лөням, да бөр локтас. А козсö пилитны сёрөнджык кежавла, вежон кымын бöрын, кад сертиыс, петасны пияныс.

Гортö мөдөдчисны чипассö тырттөг, көть кадыс водз на вöлі.

Туй вылö петөм бöрын Толик горөдис водзын мунысь батыслы:

— Ми сера бедьяс вöчам, чипсанъяс да, вөтöдам тиянöс.— Сэссия бергөдчис Аликлань:— А мый, гоз кольк босьтам кö позсьыс, пуктам чипан улад, быдмасны сильöяскөд öтлаын.

— Дозмөръястö пö оз на кужны мамтөгыс быдтыны. Павел Васильевичыд тай миянлы висьтавліс,— неокотапырысь вочавидзис ыджыдджык вокыс.

— Чипаныс нö абу мам? Учителыд öд, көнкө, эз жö ачыс видлы. Суседыд тай быд во утка да дзодзөг колькъяс чипан улас пöжö, сідз жö быдмöны.

— Сылөн öд гортса пөткаяслөн колькъясыс...

— Чипаныд пöжас да, гашкө, гортсаясөн жö лооны. Видлам, но, Алик?

— Ме ог төд... Оз кö нинөм артмы, батыдсяннь

сюрö дай колькьяссö весьшөрö изведитам...— Но аслыс Аликлы окота жö вöлі видзöдлыны, кызди мөдасны кутны вөрса лэбачлөн пияныс, сійөн и бара вомгорулас нурбыльтіс:— Ме ог төд...

— Тэ сулыштлы тані, ме котөртла бөрö-водзö,— пуяс сайсянь нин шыасис Толик вокыс.

Дозмөр мам пыр на эз вöv. Зонка судзöдіс позсьыс кык кольк да, мед эз кöдзавны гортас вотöдз, сүйис морöс зептас.

Гудыровъяслөн ящикö вöлі пуксьöдöма чипанöс. Рыт и асыв вокьяс сарайö петкөдöны сёян да жöч банкаын ва. Пöжсьысь чипан сутш кежлö и чеччылö: кокасьыштас тэрмасьöмөн, юыштас ва, бара пуксяс колькьяс вылö. Öти ташöм здукö сылөн позйын кольк лыдыс содіс, но чипан лыддыны эз куж. Эз торйöд и сійöс, мый мукöдысь кынзди кык кольк вöліны рудоввиж чутöсь.

Кольöм луньясö вокьяс (торйөн Толик) эз этша книга листавны школаса библиотекаысь. Мыйсö сöмын сэні абу гижöма лэбачьясöс быдтöм-рöдмөдөм йылысь, но дозмөр пиянöс видзөм кузя нинөм эз сюр. Батьыслысь эз жö лысьтны юавны.

Вөрö ветлөмсянь коли вежон. Öти асылö мамыс казялас: чипан зэв тшапа восьлалö сарай джодж кузя, кык сильö вötлысьöны бөрсьыс. Чипансö пуксьöдөм серти абу на пö кад да и öкмыснан колькйыс места вылас. Батьыс тшötш видзöдлас — абу пö тайö сильöяс. Тöдас, дерт, дозмөр пиянöс.

— Но тиянöс, дозмөръяснад!— скөрмас сэки мамыс,— курöг колькьясыс кöдзаласны, весьшөрö лоö чипанлөн пукалöмыс!

— Петöмаöсь?!— бать-мамыслысь сёрни кылөм бөрын вокьяс уськөдчисны сарайö.— А кутшöм мичаöсь, дзик жö сильöяс кодьöсь, сідз жö й типсöны.— Алик-Толик, гашкö, дыр на шензисны котралысь гөн ёкмыльяс вылö, да батьыс букуша

видзӧдліс кымӧс улӧдыс, тшӧктіс пыр нӧ кӧмасьны да пасьтасьны:

— Оні жӧ...— удж вылӧ лӧсьӧдчиг, скӧраліс сійӧ.— Сера бедьяс пӧ вӧчам, чипсанъяс... Пӧръячкаяс...

— Гашкӧ, ӧтлаын ветланныд, либӧ ачyd катӧдан,— мамыс тӧдіс верӧсыслысь стрӧглунсӧ, но дӧрйыштіс пиянсӧ,— школаын бӧръя луньяс и.

— Машинасьыс ог кольччы, комын верст сайӧ мунамӧ... Юасьтӧг-висьтасьтӧг уджалӧны, пельяссӧ некодлы нетшкыны. Ракалысь ли катшалысь кӧ босьтісны, сёрниыс эз вӧв.— Сэсся бергӧдчис пияныс дорӧ.— Кывзӧй бура: вӧрын талун асыв жӧ пияныс петісны колькъясысьыс. Дерт, найӧ пыр жӧ эновтӧны позсӧ, воробей либӧ скворечпиян моз сёянсӧ оз виччысьны, но ылӧ эз мунны, матігӧгӧрынӧсь. Кӧні пӧжсьӧ энъ лӧбачыс, сәні и быдтысьӧ. Кытшлалыштӧй, кытысь чеччас мамыс, сәтчӧ и кольӧй.

— Вескыда муас?..— мыжа кычи моз гусьӧник юаліс Толик.

— Муас, дерт. Пузчужӧмъясыс оз лӧбавны.

Дозмӧр пиянӧс вӧрӧ катӧдны вокъяс шуисны гӧна шапкаын. Водзын восьлаліс Толик, сійӧ и нуис шапкасӧ мездорас топӧдыштӧмӧн.

— Гашкӧ, мамыс эновтіс позсӧ, колькъяссӧ вӧрӧшитім да.

— Ме нинӧм эг вӧч, дорсыс босьті кыкӧс дай,— Толик кӧть ичӧтджык, асьсӧ вылӧджык пуктӧ, тӧдысьӧджык.— Чипаныдкӧд тай эз артмы, дозмӧрыс, тыдалӧ, водзджык пӧжсьыны пуксьӧма.

Кор вокъяс воисны пес чипас дорӧ, пыр жӧ кежисны тӧдса понӧльлань. Сәні, логторйын, туплясисны жугласьӧм кольк кышьяс.

— Петӧмаӧсь,— гусьӧник Алик видзӧдліс гӧна шапка пытшкын пузгыртчӧм ёкмыльяс вылӧ.— Эг-ӧ суӧдӧй, кытчӧ-я мунісны-а, ӧні корсь найӧс.

— Но нин тай, лӧвтан сәні. Вӧрыс горт налӧн,

мамыскөд оз вошны. Огөкө аддзө, кызкө видзам жө. Талун-аски сильөясид, көнкө, петасны, быд-масны өтлаын.

— Сэки эн кывзысь, ышөдін колькъяссө босьтны, меным дай сюри.

Вокъяс веськөдчисны нюр дорөсөд. Виччысьө-мөн неуна и муныштисны, асья лөняс ясыда кыліс: кот-кот-кот,— чипанлөн кодь жө шыяс.

Көндозмөр ылысянь на кыліс воысьясөс, чеччыштис мыр вылө, лэбач кыв вылын такөдіс муө разгысьөм пиянсө: «Ланьтөдчөй места вылад». Сэссия кыпөдчигас ещө на кот-котвөчис: «Эн вөрзьөдчөй менам вотөдз».

Збыль, некөні некод эз вөрөшитчы, весиг шапкаын ёкмыльяс медводдзаысь татшөм шыяс кылөм бөрын лажгысисны, дзедисны юръяснысө, быттьө кынмисны места выланыс. Тыдалө, кольк пыткас на мамыс висьталөма налы мудеритөм йылысь.

— Татчө и колям, мамыс бөр локтас да аддзас,— Алик видзөдліс гөгөр, кытчөджык пуктыны ичөтъяссө.

— Гашкө, шапканас и колям, шоныдджык,— Толик воськовтис водзланьө и... горөдіс: то нө өти дозмөрпи, дзик жө вайөмъяс кодьыд. Муртса эг тальчы!

Кос пипу ув дорө дзим-дзурк йөжгыльтчөма руд комок, он кө бура видзөд, он и казяв. Кытчө суөдөма мамыслөн гөлөсыс, сэтчө и сунгысьөма-ланьтөдчөма, кажитчө, мый весиг оз лолав.

Вокъяс пуктисны гөн ёкмыльясөс вөрын чужөм вок дорө, бөрынтьчисны пес чипаслань.

— Аддзим жө,— личалөм сьөлөмөн шыасис Алик туй вылө петөм бөрын.

— А ме первойөн казялі дозмөрписө,— вочавидзис ичөтджыкыс. Сэссия юаліс вокыслысь:— Талун нө мунам жө школаад, Алик?

— Мыйла нө ог, өти урок сөмын и сёрмам да.

Апрельын туйяс сьододисны, стрöйбаяс да потшöсьяс дорö турзьöм лым толаяс топалисны. Луннас войтва тёпкö, рыт кежлö керка вевт до-рышъясö öшйöны агас пинь кодь йи нёньяс, асывъясын куйöд доддя вöлöс чарöмыс лэптö.

Субöта лунö Толик Гудыров аддзылис, кызди сысыс ыджыдджык зонкаяс чеччалисны овтöм керка вевт вывсянь. Чеччыштасны да коскöдзыс вöйöны уялöм лымйö, катласигтыр öдва петöны бөр. Збойджыкъяс быттьö ваö сунöны: лайкъялан тьöс пом вывсянь уськöдчисны увлань юрөн, кокъяссö кынöм дорас топöдöмөн некымынысь гартовтчасны сынöдын, кодi кок вылас воö, кодi мыш вылас шняпкыяс. Сылы окота жö вöли лэбыштны йöз мозыс, мöдлис нин кавшасьны стен дорö сувтöдöм люги-леги пос содъясöд, да вокыс, Аликыс, бергöдiс: ичöt на пö. Сийөн и ас коддьöмъяскöд быгльöд-лис лым комокъяс, джуджыд стенъяса крепость вöчисны, пöттöдз лыйсисны лым маच्याсөн.

Челядь котыр разöдчис рöмдандор, ывлаыс тöдчымөн ыркалис, пöльтiс вой тöv, вазьöм паськöм мöдiс чорзыны выланыс.

Толик сувтовкерис кильчö помас. «А мый, пывсянöдз удита на öтчыдтö чеччыштны».

Шуöма-керöма. А шуас кö аслыс Толик, быть вöчас. Арнас на кöсйысьлис велöдчыны «триястög», сiдзи и лои: выль во паныд дневниксö пунктiс батьыс водзö, а сэнi ставыс «четыре» да «пять».

Со сийö и керка вевт вылын, ньöжйöник матыстчис дорышлань. Мусянь керкаыс оз кажитчы джуджыдөн, вылисянь видзöдлан — юрид бергöдчö. Туйдорса столбъясын ломзисны лампочкаяс, чеччалöмысь артмöм логъяс сьод пасьясөн тöдчисны лым вылын. «Збыль тай страшнöкодь вöлöма, — юрас бергалисны мөвлъяс. — Гашкö, бөр лэчча, по-

ка некод эз аддзыв, а то серам выв лэптасны, трус пö».

Детинка видзöдліс гөгөрбок — некöні некод эз тыдав. Чизыр вой төв емъясөн сутшйöдліс чужöмас. «Ладнö,— ыджыд морт моз Толик такöдіс асьсö, мед кывсö эз курччы, топöдіс пиньяссö. Сэсся неуна вешйыштіс боклань, мед не веськавны лойöминö, öдöбтöмөн торйöдчис места вывсьыс. Эз и тöдлы, кызди сійö жö здукö сатшкысис киняулöдзыс, киясыс шевгысисны лым вылö, тыдалö, кутшöмкö гуö веськаліс. Наперво лэптыштіс ныр йылас öшйöм шапкасö, чужöмсö восьтіс. «Нинöм сэтшöм страшнöйыс абу вölöма, сöмын увлань оз ков видзöдны. Аски йöз радын жö чеччавны кута». Сэсся легнитіс öти коксö, мöдсö — вөрзьöдны оз вермы, быттьö дорöмны места вылас, быттьö сюръяös моз топöдöмны муö. Брöд ваөдз водзвыв кötасьöм паськöмыс öні лясöма яй дорас, кияс вылö мыджсьöмөн оз жö вермы. Толик пөрччис кепысьяссö, куш кияснас мöдіс вештавны ас гөгөрсьыс лымсö, но киткыльтчöм чуньясыс омöля кывзисисны, сöмын доймасисны йизьöм лым коркаö. Қымыныськö матöдліс вом дорас, пöлясис, но здук мысти найö ещö ёнджыка на гегдісны. Сэтчö жö увлань лэбигөн пинжакыс лыбöма, кушмöма кос туйыс. Öні и кокъяссö кöдзыдыс мöдіс чеплявны.

«Толик! Толик Гудыров!»— кыліс гортладорсянь чуксасьöм.

«Тыдалö, пывсянö лöсьöдчöны,— мыжа думыштіс ас кежас. Шыасис кö, дерт, вокыс кыліс, но детинка чöv оліс. «Ачым чеччышті, ачым и пета, сöмын оз ков энöвтчыны». Природоведение урокъяс вылын Павел Васильевич налы висьтавліс, кызди вермöны сгинитны йöз вöрын и ва вылын, лымъя и лыа пустынясын. Сійö жö и шуліс, мый унджыкысьсö неминуча суö мыйкö помöдз артышттöг. Öні со сійö мыйкö эз жö артышт, аснырасис, öтнас воис пемыдын. Веськаліс кö ёсь

көрт вылө! Көть, шуам, абу сэтшөм лёкинын, горт-
сянныс кык керка кост сайын, но век жө...

«Толик! Толик!»,— бара кыліс төдса гөлөс шы-
яс, вокыс, тыдалө, ветлөма клуб дорө да өні ма-
тыстчис таладорлань.

Кольөм вынъясөн Толик мөдіс катлөдлыны ась-
сө өтарө и мөдарө и боквыв, кыдзи перйөны муө
тувъялөм майөг. Кыдзкө лым пиысь кыртис весь-
кыд кокыс... сапөгтөгыс, сэсся неуна легөдыштөм
бөрын перйис мөдсө.

— Пывсян көдзалө, корсьөны, а сійө со кытчө
дзесбсьөма, оз шыасьлы ни,— Алик вөялігтыр си-
бөдчис варгылясьысь вок дорас.— Көмтөм али
мый?!

— Тані, гуас,— тіралан гөлөсөн вочавидзис
мөдыс, аслас пинь-пинь вылө оз во.

— Сибдөма тай Öнтип керка дорын, чеччыштө-
ма вывсянныс,— шыасис Алик, кор вокъяслы киль-
чө помын паныд сюри батыс, пывсянө лөсьөдчө-
ма.

— Ачым петі, баквал,— Толик ёкыштчис
ыджыдджык вокыс вылө, ещө на мыйкө көсийс
содтыны, да батыс, пи вывсьыс муртса куснясьысь
паськөмсө казялөм бөрын, сой пөвнас шамыртис
киняулас, сідзи и нуис пывсянөдзыс. «Асныра...
Қад төдтөм»...— пинь пырыс сөдзөдіс пывсян
көджын.

Тайө здукө батыс уна пөв быгльөдліс Толикөс
пидзөсьяс вылас и пөжөм корөсьыс мөрччанаджык
инмывліс мукөд луньяс серти. Қыв ни джын пиыс
эз шу, сөмын гусьөникөн лөвтис пиньяссө топөдө-
мөн. Но пөсь корөсь, тыдалө, став кыммөмсө абу
вөтлөма, мыйтакө кольыштөма да кымынкө лун
мысти ортыө вөзйысис: Толиклы мьль чеччыштис
ныр йылас да вель дыр гөститис гажа местаын.

Ябыръяс

Скворечьяслөн воём Гудыровъяслы быд тулыс празник кодь. Талун асыв карта сайын батыс шор писькөдіс, кодкө шутёвталө дзик морт моз, а матігөгөрын некод оз тыдав. Сэсся казяліс льём пу вылысь съод кайёс, зырсе коліс места вылас да тэрмасьёмөн пырис керкаас.

— Ябыръяс воёмаось!— горөдіс порог дорсянь, быттьө мый и лоёма.

— Челядьсө повзьодас сэтчө,— мамыс лэптыштіс синъяссө, но ачыс вашнитіс-серөктіс жө.— Водзджык тай таво. Видзөдлөй инө, челядь.

Алик да Толик вокъяс петісны кильчө вылө.

Сьод кай ветлөдліс поз вывті, юрсө сюйліс розьодыс, пыраліс пытшкас.

— Видлалө-донъялө тیانлысь уджтө,— батыс видзөдліс пияныс вылө.

Сквореч тюръявлыштөм бөрын жбыркнитіс сэтчө жө дорөм кос ув вылө, некымынысь шутөвтіс: пөрадок пө, позьө поздысьны,— тыдалө, тадзи такөдіс асьсө.

Вокъяс таво вөчисны выль поз, важыс вөлі горсья пес чуркаысь да дзикөдз поті. Потш вылө дортөдз петкөдлісны батыслы.

— Тэрмасьёмныд, этатшөм костъяс, код нө тадзи пөжсян керка вөчө, төлыс мөдас шутьлявныпырны.

— Гөныс налөн шоньд, оз кынмыны,— правдайтчисны вокъяс.

— Асьныс оз кынмыны, а вот пияныс. Оз өд найө тар-дозмөрлөн моз кольксьыс гөнсялөмөн петны, дзик пасьтөмөн. Бать-мамныслы пыр шонтынысө некор, колө сөян корсьны. Да и кутшөм на поводдяыс лоө, апрель төлысь, шуоны, ачыс оз төд, мый вөчө.

А поводдяыс и збыль сконйыштіс ылысь воём лэбачьясөс. Ыбъяс вылысь шонді сөйис нин лымсө,

бузгисны-визувтисны шоръяс, сэтшөма гажа вөлі. Оти войо ставыс вежсис: рытсъянь войтөвтис, весьт судта лым войнас усьөма. Скворечьяс вошлісны вежон кежлө, бөр пө лунвывлань сетчылісны,— висьталіс сэки батыс. Бур, мый позсө вөчны эз на босьтчывны. Аликлы да Толиклы, кадыс лои да, батыс тшөктис лэдзлыны зіб йылысь скворечниксө да дзоньталыштны. Лои разылыны керкаторсө, топодны төв пыран розьяссө. Вевт вылас паськыд-джык пөв тувъялісны — каньысь, ракаысь видзас-джык.

Некымын лун мысти скворечьяс воисны бөр. Айыс пуксьөма поз весьтас рос вылө да лунтыръя-сөн сьылө. Сыкөд орччөн пуксьыліс и эныс.

— Кыдз нө сэтчө кыкөнсө төрасны, куд кодыс?— майшасис Толик.

— Төрасны,— шпыньмуніс батыс.— Петасны пияныс, некор лоө позъяныс пукавны, челядьсө ковмас вердны. И пөжсигас на ковмас вежласьны, кор эныс энотлас колькьяссө сөйигкостыс, сэки айыс пукуштас.

Пөжсигөн скворечьясөс вокьяс шоча и аддзылісны.

— Видлыны колө, гашкө, энотісны нин позсө,— өтчыл сөрнитісны ас костаныс вокьяс.

— Мед эз вөв вөрзөдөма,— шыасис пытшкөс жырсъянь батыс.— Виччысьлөй.

И збыль, лун-мөд мысти позсянь мөдісны кывны чирзөм шыяс. Сэки и сквореч бать-мам кутісны жуны-лэбавны коставлытөг. Оз на удит өтиыс петны позйысь, мөдыс виччысьө нин вевт вылын, вомас лөльө топөдөма. Тадз, асывсяныыс рытөдз, быд лун. Вокьяс унаысь казьявлісны, кызди позйө пыралөм бөрын то өтиыс, то мөдыс вомас петкөдөны мыйкө едждыдтор да уськөдөны лэбигас ылө бокө.

— Куйөдсө весалөны,— стөчмөдіс батыс,—

новлоны ылөджык, мед не вузавны позсö. Қолк кышъяссö пывсян сайö лэдзöмны. Вöрын пöжсьысь-быдтысьысь став лэбачыс тадзи вöчö. Ябырыд көть йöз син водзын пöжсьö, мукöд вöрса лэбачыс кодъ жö.

— Вай нарошнö лыддям, кымынысь луннас вайöны сёянсö,— Алик видзöдліс тетрадьö, кытчö вöлі гижöма зоологияысь гожöм кежлö юалöмъяс.

— Водз ковмас чеччыны, найö шондiкöд заводiтöны уджавны,— вочавидзис батыс.— А кык-над кө и тöдмаланныд.

— Понда тай лунтыр джыджвидзны, позяс Павел Васильевичлысь юавны,— пыр жö пыксис Толик.

— Тэ садъмöд мянöс, батыö, ми кутам вежласыны Толиккöд,— эз сетчы Алик вокыс,— пасьялам бумага лист вылö, унаысь-ö ветласны сёянысла.

Нель час на эз вöv, кор Алик, купайкаа да гын сапөгъяса, петiс керкаысь, но розь весьтö дорöм бедытор вывсянь скворечьяс вердiсны нин пиянсö. Алик сёрмыштiс. Чиргöм-няргöм пыр жö лөнью, вердысьыс кө лэбас поз дорсьыс.

Куимысь ли нельысь вокъяс вежлісны öта-мöднысö, а сквореч гозъя дас чае рытöдз здук кежлö эз ланьтлыны. 357 визьтор лои лист вылын. Медся уна пасыс уси асья часьяс вылö, медся этша — лун шөр гөгөр, тыдалö, сэки ыджыдъясыс асьныс пöткöдчисны.

— Вот тайö да!— шензис Толик.— Ставсö тайöс сёйöны пияныс öти лунö. Пöди, содз тыр гаг лоö, и кытысь сымдаыс налы сюрö.

— Тi аддзылінныд, кызди найö котралöны мутыс?— юалiс батыс.— Лыддьöмаöсь: ябырыд пö луннас ас сьöктаыс вермö гут-гагсö чукöртны. А кымын лэбач гозъя сиктын пöжсьöны, сэн жö воробейяс, чавканъяс. Вот и лыдды, кутшö пöльза вöчöны найö.

— Мөд во тулыснас кык поз вөчам,— көсйы-
сисны вокъяс,— мед став гагъяссө градъяс вылысь
өктасны.

Шойччан лунө Гудыровъяс семьяөн ветлісны
Кузьель шор бокө чукөртны гөрд сэтөр. Гортө вои-
гөн перъялісны корось, төв кежлө ыжъяслы кө-
рым пыдди. Ылісянь на кылісны горт дорысь зык-
шум. Скворечьяс лэбалөны поз гөгөрыс. Öшинь
куричсянь скөра чирзөны пышкай гозъя, а Катшыс
мусянь увтө скворечник вылө.

— Пөди, варыш перъялө пиянсө,— Алик да То-
лик уськөдчисны котөрөн.

— Варышyd оз сибав, сійө петөм бөрас найөс
өктө,— шуис батыс да содтис жө воськовъяссө.

Вөлөмкө, асланыс Мурзик каньыс джыджвидзө
скворечник вевт вылын. Дерт, скворечпиянөс су-
дзөдны оз вермы, вевтыс ыджыд көзырөка да та-
йөс сійө эз төд. Лэбач котыр зільөны кокыштны
кортөм гөстьөс. Öні эськө Мурзик лэччас нин, да
места вывсыс вөрзынысө оз лысьт, пиньяссө
жергөдөма, юрсө бергөдлө өтарө-мөдарө, мед
синсө эз перйыны, өвтчө водз лапаяснас. Чеччыш-
тны кузь потш вывсянь полө жө. Мөд потш лон сув-
төдлыны пөлөсөн. Мурзик лэччис бөрөн да тювыш-
тис кильчө улө.

— Колө гыжъяссө шырны,— скөрмөма Толик.

— Каньлысь гыжъяссө оз шырлыны, пиө,—
өлөдіс батыс.

Сійө петкөдіс сарайысь жөч лист, гаровтис
потш гөгөр да тувъяліс посни көрт тувъясөн.

— Öні оз мөрччыны гыжъясыс, вильдас.

Страстьсө аддзылөм бөрын кань эз думыштлы
потш вылө кавшасьөм йылысь, мөдарө, керкаысь
петөм бөрын видзөдлас мисьтөма скворечник вы-
лө да пывсян сайө веськөдчас.

Скворечьяслөн быдтасъясыс мамыс кодьөн нин
эновтисны позсө, сөмын рудджыкөсь вөліны. Арын

найö чукöртчисны ыджыд котырö, а сентябрь заводитчигöн эз нин вöвны мяянын, лэбисны шоныд муясö.

Лысан

Гудыровъяслөн мамыс конюкалö, сийö и пыр доддявлö öти вöлöс. Гөрдов гöныс волялö бокъясас да мышку вылас, а кок помъясыс еджыдöсь, быттö чөрöса. Еджыд визь жö кымöс вывсянныс ныр йылöдзыс, сийөн и Лысанөн нимтöны.

Толик шоч лун оз ветлы конюшняö. Урокъяс бöрын пырджык котöртö отсасыны мамыслы: разöдö турун, зөр, зыртö вöв кок увъяс. И быд пöрийö зонка дырджык манитчö Лысан дорын: шыльöдас гögöрбок, роскөн чышкалас вывсьыс буссö, усьыс гөнъяссö. Вöвлы долыд — юрнас ниртчö детинкалы пельпомас.

Доддялём Лысанöс мамыс сувтöдлö керка дорас, турунла мунигөн пöпуттьö тövзьöдас писö школаöдз. Толик пасьтасьöма нин, виччысьö, киас сола нянь шөрöм. Зонкаöс аддзём бöрын вöв негораа гөрöктас — сідз чолöмасьö ичöt морткөд. Сэсся небыд льöбъяснас босьтас няньсö Толик кийсь, тэрмасьтөг сёяс.

Мукöддырйи мамыс сетлö кутны вöжжисö, веськöдлышт пö. Оз на удит Толик зёлöдыштны вöжжисö, «тпру» шуны, вöв ачыс сувтö тöдса öграда дорö, весиг кежыштö бокö.

Тулыснас Лысанöс вайöдiсны гөрны град йөр. Регыд и пуркйисны-гöрисны картасайса мусö, лöсьöдчисны вуджны шор сайö. Телегаö пуктiсны гөр, картофель кöйдыс. Толикöс батыс пуксьöдiс вöв вылö. Нимкодь вöв вылын, бергöдлö юрсö öтарö-мöдарö, думсьыс кöсийö, медым эськö аддзылисны тшöтшъяясыс. Со и сунис рökыд: дзирья вуджи-

гөн Толиклөн чатөра юрыс колскысис заворлөн
вылыс тасас, би киньяс сьвкнитісны синъяссьыс.
Быдөн прөйдитлісны, а со мый артмис... Збыльысь-
сө, төрисны эськө и өні, Толик кө неуна копыр-
тыштіс юрсө. Но казяліс сөрөнджык, кор нин вөв
мышку кузя исковтіс увлань. Қыв шуны эз удит,
телегаа-вөла костө веськаліс. Сэтчө эськө и суис
неминучаыд, да морт усьөм бөрын Лысаныд вось-
ков джын водзө эз вөч, сөмын гөрөктіс да сувтіс,
мый пө сэн гылалан, ме вылын пукавны он куж.
Толик вөрзьяны оз лысьт, эз дойсьыс, а повзьө-
мысла. Сөмын негораа шуалө: «Лысан, Лысанко...»
Батьыс суөдіс, отсаліс петны вөв кокъяс улысь.

— Қытчө нө видзөдан, ямщик! Чирыш вөв кө
нө веськалі, кольк кышөс моз вермис жугөдны.
Мунігөн пыр колө видзөдны водзө, а оз катша-ра-
ка лыддыны енэжысь. Мый нө лоас, кутасны кө
гоннявны шофёр либө тракторист? Доймин эн?

— Эг,— гусьөникөн вочавидзис пиыс да мө-
дөдчис батьыс бөрся картофель мулань. Сөмын
малалыштіс баябөжас чеччыштөм йөг. Ачыс мы-
жа, норасьны нинөмысь.

Отсалісны уткалы

Сиктсаянь верст куим сайын Гурыровъяслөн
видз эм, ытшкигкежлө пырей сора турун коскөдз
нюжалө. Сөмын тай быд тулыс ойдлө да ямөм
бөрын лөп-ёгыс уна кольө. Он кө весав, коса лэдз-
ны оз позь. Таво сідз жө. Мыйсө сөмын абу пунктө-
ма ытваыс: понөльяс вужнас, кыськө потшөс не-
тшыштөма прасла кузя, сісьмөм пыдөса пипу пыж
ляскөма.

Артельөн пажынөдз эштөдісны уджсө, ыджыд
турун юр кодь ёг чукөрыс. Батьыс пестіс бипур
да сов кодь удобрение коялөм бөрын мамыскөд

мөдөдчисны гортө. А вокъяслы тшөктісны олыштны, видзөдны би бөрся, мед берег дорышөд ягө эз веськав.

Алик да Толик пукыштісны бипур дорын, сэсся дөзмисны нем вөчтөмысь, котөртісны видз помө. Сэні неыджыд ты эм, он кө дінөдзыс лок, он и казьяв, гөгөр баддьөн тырөма. Ты шөрас артмөма лайкъялысь дітор. Быд во турунасигөн казьявлісны сэтысь жыдач позтырөс. Аддзөм серпасыс өні шензьөдіс вокъясөс: ты шөрын, дітор вылын, руд утка усьласис рака вылө. Вомсө паськөдөма, гөнсө сувтөдөма голясьыс, лөкысь чирзө. Кор рака чечышталөмөн бөрыньтчас, жыдач берегөдчө да ланьтөдчө кольөм вося кос турунъяс пытшкө. Но дыр пукавны оз вевъяв, дөзмөдчысь пөлынясьөмөн бара нин сы дорө воөма. Кыр йывсянь челядь казьялісны вутш вылысь гөрдов чутъяса колькъяс. Утка поз вөлөма. Но мыйла ракаыс усьласьө, дөзмөдчө энь лэбачыслы?

Алик петіс сайөдысь, кос увтор шыбитіс ділань. Рака лыбөдчис, но ылө эз лэбзы, пуксис кос пожом вылө, мөдіс мисьтөма кравзыны.

Вокъяс котөртлісны бипур дорө, чукөртісны сэрапомъяс да саймовтчөмөн бадь кустъяс костті бөр воисны важ местаө. Ді вылын өні утка поз отар-мөдарын лажъялісны кык рака. Отиыс зэв тшапа матыстчис куткыртчөм жыдач дорө, нырнас инмөдчис юрас. Утка чирзыштіс места вылас, сэсся бордьяснас өвтчигтыр скөрысь уськөдчис дөзмөдчысь вылө. Мөд ракаыс сійөс и виччысьөма: юковтіс турун костөд, нырнас тотшнитіс-жугөдіс өти кольк, вомнас топөдіс дорышөдыс, сэсся кыкнанныс лэбзисны видз мөдар помө.

— Вот мый,— Алик петіс бадь куст сайысь,— ог кө мездөй уткасө, талун жө вөръясыд новласны став кольксө. Коньөр уткаыс нинөм оз вермы вөчны кыкөнлы паныд. Толик, вай олыштлы тані,— кызд позьө меліджыка шыасис сійө вокыс дорө,—

а ме налькла гортö котöртла. Эн вунöд, кыдзи кольöм воö варыштö велöдiм.

— Да-а,— нора вочавидзис мöдыс,— сöмын эн дыр ветлы.

— Ме бөрö-водзö, вот аддзылан.

Кольöм гожöмö Гудыровъяс йөрö чипан варыш вельмылис: кыдзи лун, сiдзи и öти чипанпи оз тырмы. Батыс сэки буретш дзонь вежон вöрын уджалис. Воöм бöрас дивитис пиянсö: мужикъяс пö, варышöс öлöдны онö вермöй. Сийö жö лунас потш помö дорис пöвтор, октис сэтчö нейджыд капкан, а зiбсö сувтöдiс пывсян сайö, гусясьысьыд пö радейтö вылисянь дзоръявны. Мöд асылö и сюри крукыля нырайд. Мамыс ещö чалъялис сэки: дон босьттöг пö и бөр лэдзинныд, колис пö нырсö тшöтшöдны. Шедлöмаыд пö сэсся туйöс вунöдас,— такöдiс сэки батыс.

Батыс гортас и лöсьöдöма нальксö, крепитöма майöг помö, висьталöма, кытчöджык сувтöдны. Воöм бöрын Алик пöрччис гачсö, келис дi вылö, сатшкис майöгсö неылö позсянь. Утка эз и вөрзъыв места вывсьыс, сöмын ёнджыка топöдчис му бердö.

— Виччысьлам ракаяссö, дзебсям бадь пыткас да,— Толиклы вöли окота аслас синмөн аддзывны, пезьдас-ö налькйыс, шедас-ö пакöститчысьыс.— Гашкö и асылöдз оз волены,— шыасис дзебасын пукалыштöм бöрын.— Вермасны и дзикöдз энөвтчыны, тöдтöмтортö вайим да. Ракаясыд öд мудерöсь.

Гортланьыс восьлалiгөн нин Толик юасис ыджыдджык вокыслысь:

— Оз öмöй кутшöмкö пöльза жö сетны ракаясыс? Чипан варыш и то, батыд шуö, колана лэбач пö.

— Аддзылiн тай, мый найö вöчöны. Кольöм во школа дорсьыд кöдзöм анькыштö кыдзи пузйисны, сутугаён лои кыны градъяссö. Батыд висьтав-

ліс: муртса чургысьом пожом петасьяс кокалоны по, мато воломаось. Кымын кочпи гожом чожнас октасны. Утка позьяс велаломны да рөзоритоны, чөсмасьоны колькьяснас. Куим лун чож октом нальк дөзборитис пожсысь лэбачос. Ракаяс сидзи и эз лыстыны пуксывны ди выло. А нельод лунас, кор детинкаяс матыстчисны тодса ты дорө, кылисны герчком шы. Руд екмыльяс мамыс бөрся уйисны эжор повсто. Вокьяслы кажитчис, мый саймовтчытодзыс жыдач меліа видзодліс на выло.

Обида

Гудыровьяс асывсяньыс пелькодисны керка пытшкөссө. Алик-Толик вокьяс лунтыр жө ноксисны бать-мамыскөд: пыркөдисны джодж вольосьяс, чышкалисны ошинь вывьяс, новлисны пывсянө псва. Пызан сайө пуксисны рөмдигөн нин. Сэки и Алик пыравліс пытшкөс жырийө, мыйкө, кыліс, лукйысис портфеляс да батыс водзө пуктис бумага листтор.

— Зэв бур, молодец,— гижөдсө лыддьом бөрын вештыштіс листсө мамыс водзө.

Отнас Толик эз тод, мыйся бумага ветліс кийсы киө, сійөн и кыкыштіс пызан помысь асланыс. «Благодарность»,— лыддис сійө гижөд юрсө. Вөлөмкө, бать-мамсө аттьөалоны школасянь Алик лөн бура велөдчөмысь, пионерскөй уджын бура отсасьөмысь. Класснөйыс и директор кырымалөмаось, улыс шуйга пельөсас печать шляпкөмаось.

Толик дыр видзөдіс бумага лист выло, весиг вунөдіс чай чашка йывсьыс. Забеднөыс босьтис морттө, тодлытог вазисны синьясыс, еджыд вылын гижөдыс кутис рудөн веравны. Одва кутчысьө, мед не бөрддзыны шыөн, вылыс парсө топөдөма пиньяснас. Сэсся бергөдчис ыджыдджык вокыслань.

— Менам оценкаяс абу лёкджыкось... — юрсё лэдзис пызан дорышө, нырнас мөдiс кыскавны.

Збыльысьсө, Толиклөн оценкаясыс ньöти абу омөльджыкось, «пятыс» Аликлөн серти унджык на. Пионерскöй звеноөн веськөдлө, стенгазет отсалө лэдзны. А благодарность сылы эз вичмы, кöть вокьяс велөдчöны öти школаын, сöмын Толик кык тшупөдөн улынджык — нельөд классын. Дерт, татчө горшыд гөрддзасяс. Мед нин кöть Алик сысь гусьөн мыччөдлiс козинсө.

— Да... батыс гөгөртiс синъяснас пызан сайын пукалысьясөс. «Со кутшөм нелөсьыд лои выль во паныд», — думыштiс ас кежас. Сiйö бура тöдiс ичөтджык пиыслысь этшсө, бурөдны öни сiйöс сьöкыд.

— Кöть школаас ветлi да, көнкө, некод нин сэни абу, — шыасис мамыс. — Вермас лоны — вунөдiсны.

— Велөдысь ордас петав, орччөн тай олө, — батыс видзөдлiс часi вылө. — Мыйкө öд висьталас жö. Юалөмысь абу лёкыс.

Рытын, дерт, мамыс нем вылө надея эз кут, но век жö пасьтасис да петiс керкасьыс.

— Ми öд, ыджыдьяс, мыжаöсь жö овлам посни войтыр водзас. Водзджык ог думыштлиöй, мый вермам дойдны найöс, бöрыннас казялам, — велөдысь перйис сумкасьыс чорыд бумага лист, мыччис Толиклөн мамлы. — Челядьсө лэдзавтөдз бланөкьясыс эз вöвны, бöрыннас гижалi. Шуим чукөртчывны аски асыв, а Толик сэки эз нин вöv, сiйөн и озтөд. А мый волiнныд, зэв бур.

Пызан сайын пыр на пукалiсны чöла. Пөрччысьтöгыс и пуктiс мамыс листсө Толик водзö.

— Со, пиук, петкөдлы батыдылы, — сэсся висьтасис, мыйла сiдзи артмöма.

— А мыйла «благодарность» кывйис менам гөрдөн гижöма, а Аликлөн сьөдөн?

— Оценкаясыд тэнад бурджыкось да сы пон-

да, кѳнкѳ,— вочавидзис Алик, пызан улын пидзѳнас инмѳдчис вокыслы кокас. Кыкнанныс серѳктисны. Нюмдисны и паныд пукалысь мам-батьныс.

Ыджыд ёкыш

Батьыс Гудыровъяслѳн шондикѳд чеччѳ, пиян сувтигкежлѳ ывлаысь нбылѳдѳм плешкѳн нин пырѳ. А мукѳддырйи вольпась вылас на суѳдѳ.

— Но!— горѳдас сѳки,— узысьсваньяс! Ош моз джын олѳмтѳ нистанныд.

— Мед садъмѳдан дай,— вочавидзас ыджыд-джыкыс да мѳдас пасьтасьны, а ичѳтджыкыс дыр на маласяс лазгѳдѳм синьясѳн: то дѳрѳмыс оз сюр, то гачыс абу местаын.

Талун асыв сідзи жѳ. Вокьяс рытсежь на лѳсьѳдчисны Югыд курьяѳ вуграсьны. Водзвыз корсьѳма нидзув, вугыр шатиньяс керка пельѳсын, дасьтѳма и кѳм-паськѳм — асылын кадыс ѳдйѳ муно.

— Мыйла либѳ кѳсйысянныд,— батьыс мѳдысь нин пырис пияныслѳн узылан жырйѳ.— Шондѳ пыриг-петѳгѳн чери ветлѳ-пѳткѳдчѳ, а луннад кельчипиян и сѳйѳны.

— Этайѳ дышкульсѳ некыз ог вермы садъмѳдны,— Алик кыскѳма нин шебрассѳ джоджѳ, а Толик пыр на киткыртчѳма вольпась вылас, юрыс да пидзѳсьясыс ѳтлаынѳсь.

— Чайтѳ сѳні юанныд, нопьяд термос и вѳлѳгатор пуктѳ,— шыасис батьыс, кор Алик мѳдис гѳгравны кывтын.

Кѳть гожѳм шѳр, а асылыс ыркыд, пальѳдѳ унтѳ. Сиктыс узыѳ на, Туисовъяслѳн керкаын тай ѳти ѳшинь ломзьѳ.

— Лысваыс талун ньѳти абу, тыдалѳ, зѳрас,— Алик видзѳдліс кокьяс вылас — сапѳгьясыс вѳлі-

ны косось.— А сідзсö лөнъ, букыд лунад черныд ёнджыка сёйö.

— Сёяс, тöдан тэ быдтор, кöтасям сöмын, зэ-рас кö,— öтарланьö пöлынясьöмөн, нускигтыр ичöтджыкыс вöтчис вокыс бöрся. Сылы явö эз вöв окота мунны татшöм водзсö.— Мый морсö и петим пемыднас, öнi чериясыд узьöны на жö-а. Ещö кокöс мöдiс зыртны.

— Югдас, он и аддзыв, шондöдас,— Алик бергöдчис вутш вылö пуксьöм вокыс дорö.— Он öмöй аддзы, мöд-мöд кокö сапöгъястö кöмалöмыд, дерт, зыртас. Нярган сэн, салдат (тадзи мукöд здукö батыс нимтö пиянсö), мед эн вöрзъы дай, аддза öд туйсö Югыд куръяад.

— А рубатö кор сэтан?

— Кутшöм руба?— Алик паськöдiс синъяссö.

— Быттьö оз тöд. Коккö тай куригчин да батыдылы мед ог висьтав, руба пö сетан.

— Эг öд ассьым куриг, помсö кымыныськö кыскышти. Колökö, ачым висьтала, мед тэнад юрыд оз вись.

— Ачыд тай кöсйысьлин,— Толик чеччис жö пукаланiнсьыс.

Вадорö воисны буретш кад кежлö. Асыввылын енэжтасыс дорöсасьöма алöй вөнъөн, вот-вот шондi мыччыяс. Лөнъ. Мöдар берег дорысь, турунъяс пытшкысь, ызгысисны-чеччисны жыдач гозъя, веськöдчисны куръя йывлань. Чери кыйысьяс ёна нин лойöмаöсь вуграсян местасö. Номъяслөн дзизгöм вылö видзöдтöг, Алик синсö оз вештыв таб вывсьыс. Толиклөн шатин помыс кык-ö-куимысь нин тольснитчис ваö, кокъяснас некыдз зумыд места оз аддзы.

— Мый нö жöдзан места вылад, аддзан, больш кутiсны лыбны ва пыдöссиян, черияс вöрзисны, сёйны мöдас.

— Сёйöны тай,— Толик öтырышья öвтчö öти кинас, чужöмас и кикаръясас корöга лязöдöм ном

шойыс.— Коді бара лөсьөдлөма найөс, вир юысьяс-сөс.

— Со чышъян, еджыдас озджык пуксьыны.

Эз на удит Толик көртавны чышъян помъяссө, кызди вугралысь табыыс садьмис-вөрзъыштис, недыр йөктыштис ва вылын, сэсся мөдис исковтны бокланьө. Зонка падмыштис виччысьтөмысла, сэтчө жө кокъясыс лемасьөмны нильөг сөйө, но вокыслөн гусьөник «лэпты» шуөм бөрын шатинсө тракнитис кыкнан кинас вывлань. Леска зэлалис струна моз, шатин йыв нюкыльтчис мегырө, төдчис, кодкө зумыда лайкйысьөмөн водзсасис ва пыдөсын. Чери зырис бадь кустлань, лөптаинө. Лои отсыштны Толиклы. Сьөд гөрба чөрс кузьта ёкыш кыскөмөн вайөдисины берег дорө.

— А мый ыжда!— Толик радысла лэчысис пидзөсьяс вылас, личкис ёкышөс берегдорса нуйтө, вирөдз дойдалис кисө ем кодь йыла щөтяс.

— Меным эз на сюрлы татшөмыд,— ошкыштис воксө Алик.— А тэ молодец, ас кадө крукыштін, вермис на и пышйыны.

Ыджыд ёкышөс нюкыльтөмөн пуктисны туис пыдөсө. Сэсся шедисны дзирдалысь сьөма кельчияс, мыкъяс. Аликлы шеді жө гөрд бордья ёкышыс, но төдчымөн ичөтджык вокыслы серти.

Асылын, збыль вөлөм, кадыс өдийө мунө. Кымөръяс разалисны, да шонді югөръяс өні вачкисны кыйсьысьяслы веськыда чужөмас. Сэсся төв петис, шытөлалис пу йывъясын, гызьөдис ва веркөсөс. Вокъяс радөсь, та мында кыйдөс, туис вевтыс муртса пөдласис.

Вокъяс локтыштисны берег пөлөн, нөрөм кызд пу улысь казялисны Витя Туисовөс, вуграсьө жө, тыдалө, сөрөнджык воөма.

— Омөля дэбөдис,— неокотапырысь шыасис Витя.— Кымынкө бадькормык и шеді,— петкөдліс чуманторйысь кыйдөссө.— Пуны этша и каньлы вердны жаль.

— Мыйла Югид курьяо эн лок, сәні пыр сәйө, ме рок койыштавла, нидзув колясыя и, велөда,— Алик кисьтис туисысь черисо берегвывса ластва вылө, видзөдліс ёртыслы синьясас:— Содтышт, мед пумөн лоө.

Толик вокыс паськөдіс синьяссө: сідз-тадз пө, прөста ли мый вокыс вөзйө черисө. Лэдзчысис пидзөсыя вылас, киас босьтис аслыс шедөм ёкышөс, сәсся юалис Витялысь.

— Коркө тай жонь вылө вөзйылін сьом чөжан дозтө, копилкатө, көнкө, тырис нин...

— Дзик прөста сулалө, колө кө, талун жө пырта.

Кильчө помын вокьяс кисьтисны черисө тазйө. Пес вевт улысь петис батыс, видзөдліс кыйдөс вылас.

— Водз чеччөмнад жө, салдатьяс. Асылыс абу восьшөрө вошөма. Этайө, трустыд, ёна нин гөссялөма,— кинас лэптыштіс ыджыд ёкышөс.— Бур черинянь лоө.

— Сйө Толиклы шеді, сэрапомыс, өдва и кыскис,— Алик ошкыштіс батыс водзын ичөтджык воксө.

— Батьө, а бать,— Толик кыскыштіс батысө соскөдыс,— эськө унджык на вөлі черисы, эз кө конды Аликыд Туисов Витялы, сылы этшаджык талун шедөма.— Кывйыс эськө вөлі гиялә, мый вокыс сідз прөста содтыштіс черисө Витялы, но нинөм нин эз шу.

— Зэв бура вөчөмныд, мөдысь, гашкө, сылы унджык сюрас,— батыс вежавидзана видзөдліс пияныс вылө, сәсся содтіс:— Қольөм арө, вөраланінсянь воигөн, пашня сайө суөді Витялысь батысө. Қазяліс тыртөм нопйөс, дозмөр мырдөн вөзйө, он кө босьт пө, татчө и коляс.

Вокьяс видзөдлісны өта-мөдныс вылө, нинөм эз шуны.

Гортö воом бöрын Витя нуръясьыштис тучки-мачки, сэсся перйис сумкасьыс математика кузя тетрадь. Аминьö! Лист бокуыс сэтшöма визьйöдлöма гöрдөн, мый аслас гижöдыс омöля и тöдчö. Шогöдис морттö. И регыд велöдчан во помасяс: керка гөгöрыс град йöрыс кушалис, бөрöздаясын ва пукалö.

«Аттö дивö,— юрсö гыжйыштис Витя,— со тэр-масьöмыд кытчö вайöдö. Татчö чинтыны колöма, а ме содти.— Выльысь арталис примерсö, артмис, абу и сьöкыд вöлöма. Эз на удит помавны гортö сетöм удж, керкаö пырисны нывкаяс.

— Вита-ле-ей, вунöдін ли мый, репетиция вылö чукöртчам. Шуим и бать-мамнымöс корлыны спектакль вылас,— нюркйöдлöмөн шыасис Лена Чипсанова.

— Некор меным. Со менам репетицияыс,— Витя зутшкис чуньнас гöрдөн визьйöдлöм тетрадь лист вылö.— Тіянлы лöсьыд...

— Аски шойччан лун, удитан,— шыасис бара Лена.— Коді нö тэнсьыд кывъястö кутас шуавны.

— Во чöж төв чужьяліс, öні кодкö мыжа сылы,— сюртчис сёрниö Чипсановакөд орччөн сулалысь.— Кымынысь сёрнитчылім, да и ачыд кыв сетлін. Отсавны көсйысьлім и.

Сэтшöм и эм. Ни велöдысьлысь, ни ёртъясыслысь шуöмьяссö пыдди эз пуктыв, отсöгысь пыр ылöдчыліс, некор пö. Урок вылын водзö велöдöны, а сылөн юрас важыс абу тэчöма, сійөн и оз гөгөрво выльсö. Сэн жö зільö вильшасьыштны — гажтöм сылы, кор ставөн уджалöны. То öтитор, то мөдтор питшөгас либö сумкаас ваяс серам петкөдлöм могысь. А кор дöжнöдлыштас Тамара Петровна, пыр ыстысьö: оз пö меным сетчы артасьöмыд, сытөг пö ола. Мукöддырйи дышöдас, да урок вылö весиг оз пыр.

Веськыда кӧ шуны, Витя абу сэтшӧм нин омӧль детинка. Сӧмын лэдзчысьӧма. Математикаысь «дваяс» да «трияс» вылын во чӧж катласис, мукӧд предметъясысь йӧзсыс ньӧти оз кольччы, кӧть, шуам, зильӧмыс абу жӧ ыджыд. Прӧстӧ кывзӧ урок вылын бура, гортас син пырыс нуӧдас учебниксӧ дай. Математикаысь тай асьсӧ личӧдис дзикӧдз. А эновтӧм удж дорад морттӧ оз кыскы.

Витя листалӧ книгасӧ, гусьӧн шуалӧ вомгорулас, мыйкӧ пасъялӧ тетрадяс. Эштӧдис гортӧ сетӧм удж, водзӧ на арталыштӧс. «Асывводз бара пуксыла. А спектакльсыд кывъястӧ ме важӧн нин тӧда».

Спектакль дасьтӧмын, позьӧ шуны, Витя медыджыд пай пунктӧс: пӧвъясысь дасьтӧс потӧм вор, нуис гортсыс важ тыв, стенӧ лемӧдӧм вылӧ уна рӧма серпасъяс ёртъясыскӧд лӧсьӧдисны. Но выльлунӧ вильышлуныс зонкалӧн бара на ортсыӧ ылькнитчис. Мед эз казавны бать-мамыс, посводзын вежис кӧмъяссӧ, пӧрччис сапӧгъяссӧ, кӧмалӧс нинкӧмъяс. Кӧсйис гусьӧн пырны школаӧ, но челядь ылісянь на казялісны «вӧччӧм» мортӧс, гирзиг-сералӧгтыр вӧтчисны класс ӧдзӧс дорӧдз.

Тамара Петровна пунктӧс портфельсӧ пызан вылӧ, а классын пыр на эз лӧнь, то ӧти пельӧсын, то мӧдын кодкӧ пыльс серӧктӧ. Тетрадь чукӧрысь торйӧдис ӧтиӧс, видзӧдліс Витя вылӧ.

«Бара «два»,— юковтӧс Витялӧн юрас.

— Талун, челядь, лӧк оценка некодлӧн абу, молодцы,— велӧдысь ошкана видзӧдласӧн гӧгӧртис пукалысьясӧс.

— И Витялӧн?..— кодкӧ несмела юалӧс бӧръя парта сайсянь.

— И Витялӧн!— гораджыка дорйыштӧс зонкаӧс велӧдысь да корис петавлыны сійӧс дӧска дорӧ.

Школаӧ мунигӧн на Витя мӧвпалӧс: Тамара Петровна первой шензьяштас сы вылӧ, видас бурпӧт «артисталӧмысь», сӧсся гортас ыстас. А со мӧдарӧ

бергөдчис: быттьо нинөм эз и казяв, ошкыштіс на артасьөмысь.

— Вот и шуан, ог пö куж, ставыс ас саяд. Кольөматö, дерт, ковмас вöтöдны, но кө көсйы эновтчыны мөд во кежлө.— Велөдысь сэсся шыөдчис челядь дорö:

— Юрöс жугла, мися, кытысь судзöдны нинкөмъяс, музейö и быдөн пыравлі, со асьныс аддзисисны. «Зарни чери» мойдтö петкөдлігөн дедыслы и бабыслы татшөм көмъясыс ковмасны. Тэ, гашкө, Витя, мөд гоз дай верман судзöдны да?

— Буретш кык гоз и сюри,— синъяссö паськөдіс детинка, мыйла нö тайöс ачыс эз казяв.— Тöрыт пес вылө разим важ жытник, снитки выльöсь öшалісны лөскас, батьö вöлі пачö тшөктö суйны.

Тамара Петровна ещö на сувтöдліс зонкаөс класс водзö.

— Видзöдлöй, челядь, со кутшөм көм новлісны пöльяс да налөн батьясыс. Гожөмын кулясны нинпу кырсь, некымын гоз дасьтасны төв кежлө, кырсьыд абу кучик, регыд росмө. Быд сиктын вöліны нинкөм вöчысь мастерьяс...

Кор лов вылад кокни, сэки көсйыссьö мыйкө буртор вöчны. Гортö воөм бöрын Витялы син улас уси лөп-өг чукөр. Лым сылөм бöрын керка гөгöрад чукөрмө быдсяма шыбласыс, сійөн и öшинь увъясын öні ноксьöны куран-роскөн, сотасьöны, курыд еджгов тшын разалö сикт кузя. Кодкө луно найö мамыскөд чукөртісны жö, но эз öзтыны, вöлі вывті төла. Öні сійö шуис сотны чукөрсö — талун лөнъ.

Вель дыр нин чуляшитчис-ноксис чукөр дорын, а биыс некыз оз кутчысь тыасьөм чаг-өгö. Сюмөд торъяс вайліс и важ газет. Сэсся кильчö улысь казяліс бензин тыра доз. Батыс пес вылө пилитіс жытник керъяс да эз помав, пиласö и бачоксö кольöма мөдысь кежлө. Вевтсö разьөм бöрын Витя чалкнитіс-койыштіс бензинсö чусасьысь бипур вы-

лө. Эз, дерт, нинөм лёксө думышт, бур пыдди тадз
вөчис. Клопнитөмөн ыпнитис ёг чукөр, войын чар-
дыштөм бөрын моз югдыліс син водзас, чишкаліс
синкымъяссө, юрсисө, кутчысис гач кокъясас, дө-
рөмас. Тыдалө, койыштигөн резыштсьөма аслас
паськөмө. Детинка повзьөмла оз төд мый вөчны,
мөдліс дөрөм-гачсө пөрччыны вывсьыс, но кизь ни
петля ки улас оз сюр. Би ёрасөн уськөдчис градъ-
яс костө, мөдіс быглясьны ва сора няйтас.

Мый Витяөс суис неминуца, школаын кывсис
аскинас. Урокъяс бөрын сійө классысь больничаө
воисны ставөн. Но висьысь дорө велөдыськөд лэ-
дзисны өти детинкаөс да нывкаөс. Витяөс акань
моз төбөмны-гартөмны еджыдөн, куш синъясыс,
дзулвидзөны чужөмас. Ёртъяссө казялөм бөрын
муртса вөрзисны вом доръясыс.

— Оні лэдзыштіс дойыс. Врачыс шуө — тө-
лысьсө пө ковмас куйлыны-а...

— Бурдан, дерт, тэ сөмын эн шогсьы, ми кутам
пыравлыны буд лун, — өлөдісны висьысьөс воысь-
яс. — Оні школаад выльсө ог нин велөдө, кутам
повторяйтны сөмын. Ёнмыштан, отсасьны кутам.

— Вермыны-ө кута гижны-а... — Витя лэптыш-
тіс веськыд кисө, чуньясыс торйөн-торйөн вөлі гар-
төмны жө бинтөн. Мыйкө ещө на көсийс содтыны,
да, тыдалө, сьөктөдіс дойыс, кунис синъяссө.

Витялы дзонь төлысь лои бурдөдчыны больни-
чаын, и эз кольлы лун, мед ёртъяс письыс кодкө
эз пырав видлыны, отсыштны велөдчөмын. Шко-
лаө воис велөдчан воын медбөръя лунө, но водз-
джык нин сійө төдіс, мый ставыскөд өтлаын ву-
джас квайтөд классө.

Сьод тугья бѳжа

Гожѳм шѳр. Ю мозыс жѳ чукльѳдлысь-мукльѳд-лысь векныдик туйтор петкѳдіс кыркѳтша берег вылѳ. Пыжѳн кывтѳгьясѳ водзджык нин казявлѳм: берегыс пож кодя розьѳдлѳма, джыджъяс танѳ поздысьѳны быд гожѳм. Но талунья казялѳмтор-йыс кыкнаннымѳс шензьѳдіс: мыйкѳ лоѳма посни лѳбачьяскѳд, здук кежлѳ пыраласны позьяс, бѳр тувѳны-петѳны, оръявлытѳг чиргѳны-горзѳны. Неы-лын, валань нѳрѳм кос пуын, дзирнясьѳ-китшкѳ катша, содтѳ зыксѳ.

— Со тай мыжаыс, шызьѳдѳма лѳбач котыр-сѳ,— бать индіс кинас увлань.— Кѳсийѳ джыджпия-нѳн чѳсмасьны.

Ме видзѳдлі сѳтчѳ жѳ, казялі кѳв вѳнь кодъ вѳсни руд зверѳс. Сьѳдбѳж вѳлѳма. Гожѳм кежлѳ лым еджыд пасьсѳ вежѳма, рудѳдѳма, сѳмын бѳж-помса тугйыс кольѳма сьѳдѳн. Берегувса лыа вы-лысь муртса и торйѳдан.

Бать вѳлі дзугйѳн найѳс кыйѳ. Бедьясысь рама кодъѳс вѳчас, сиалас, зорѳдьяс дорѳ налькьяссѳ тѳчѳ.

— Некутшѳм кок туйяс оз тѳдчыны лым вылын, кызди нѳ шедас зверыс?— юавла сылысь.

— Тайѳ весът кузьята лолыс зѳв паськыда олѳ, шуѳны, ѳти войѳ сымда шѳйтѳ-ветлѳ, мыйта во чѳ-жѳн арѳса чибѳ. Кытчѳдз турунсѳ оз кыскавны, не-ѳтчыдысь прѳйдитас зорѳд улѳд. Шырьясѳс куталѳ.

Думышта, да быттьѳ ѳні на чагрѳдлѳ нырѳс — сѳтшѳм чорыд дук петѳ кусѳ пѳрччѳдігѳн. Вежон чѳж оз прѳйдит, кѳть мыйѳн мыссы. Кольѳм тѳлѳ порсь гидйѳ велавліс, здукѳн крысаясысь мездѳс. Сѳйис ли вѳтліс дѳзмѳдчысьясѳс. Бать ещѳ вись-

тавліс: водзті пö царьяс да купечьяс сьöдбöж ку-
ысь вурöм пасьяс новлöмаöсь. Қымын зверь нö ков-
мас кыйны пась вылö, куыс кö сылөн чунь пасьята и
эм.

Сьöдбöж вöлі сэтчöдз вöйтчöма аслас уджö,
миян вылö эз и видзöдлы, чöлнöк моз гыис-визья-
ліс. Думсьыс эськö керка стен кодь крут берегас
зілö кавшасьны, но нинöм оз артмы. Со сійö чеч-
чыштіс вывлань, кутчысис муртса тöдчысь тшупö-
дö. Сэсся веськöдіс коссö, нюжöдчис бөрья кокъ-
яс йылас, быттö сись сулалö, сöмын бöжыс бок-
ыв сетчöма. Вывлань дзоргö-видзöдö. Но джы-
джьясыд кужöмөн бөрйöмаöсь быдтысян местасö,
мед некутшöм хищниклөн лэчyd гыжьясыс эз
мөрччыны воясөн шыльöдöм-мыськалöм из кодь
чорыд берегас. Сьöдбöж выныштчöмөн чеччыштіс
ещö вывлань, тепыртчис-кутчысис ортсыö турви-
дзысь вуж помö. Мыйкö дыра бовьялыштіс часі
кыв моз да бруткысис-усис бөр важ местаö. Миян
шойччигкості, гашкö, вит-ö-квайтысь мöдліс öдö-
литны тайö туйсö (тырмö тай терпенньöыс!), но
весьшөрö. А джыджьяс дасьöсь нин кусыс пет-
ны. Öні найö дзонь кымөрөн лэбалісны ва дорын.
Тыдалö, матігögöрысь тшöтш воöмаöсь. Збой-
джыкьяс сунлісны дзик му дорöдзыс, тайкö дізь-
гасны повзьöдчысьлы юрас.

«Дугды асьтö лешны, нинöм оз артмы!»—
бөрьяпом горöдіс бать.

Дзоля зверь дзук кежлö ланьтліс места вылас,
контусь синьяссö чöвтліс миянлань, воштöдчис
бадь куст улö.

Ми мöдöдчим жö водзö.

Вөрса прөсек вылын

Отчид батькөд воим вөрса прөсек вывті. Вөрсө паськыда пөрөдөмаось, кузь сюръяяс йылөд нюжөдөмаось дзирдалан провод — электричество муно орчча сиктө.

Ывлаыс көдзыд. Сутуга вылө гыөрыс сой кызта өшйөма, зэлалөмысла тиньгöны. Быттө праздник кежлө вöччөмаось кызьяс, еджыд сарапаньяс павкнитөмаось выланыс. Прөйдитас кокныдик төвру, эзысь чери сьом разгысьö увланы. Лызь улын лымйыс дзуртышталө. Прөсек вылын то өти-лаын, то мөдлаын төдчисны нейджыд логьяс.

— Туктаыс киссьөма,— висьтала батьлы.

— Тарьяс розьөдлөмаось,— сувтовкерис сійө. Лолалігас еджыд ру пуркйө ныр-вомсяньыс, устошкыс гыөрзьөма жө.— Татшөм көдзыдьяс дырйи кын гарнад пөткөдчигөн кык-ө-куимысь луннаслым улө дзебсьылөны, шонтысьöны. Узьлөны сэни и. Аддзан: кок туйясыс оз төдчыны, найө веськыда сунöны пу йывсянь. Лым пиысь сідзи жө ырситөны-кыпөдчöны.

Неуна муныштөм бöрын казялім: пашкыр кызлөн еджыд сарапаныс сьөд чутьясөн пасьтала лякөма. Гашкө, кызьөн тарьяс сөлөмаось увьяс вылас, сьөдөн лөсталöны шонді водзын. Вөрөшитчигас еджыд килльөн киссьө лым-гыөрыс.

— Видлам сибөдчыны,— шуа батьлы.

— Найөс он босьт, тарьястө. Синьясыс гөгөр аддзöны.

Век жө кедим прөсек вылысь, мед кытшов вöчны сук вөрөдыс. Көйсасям пуяс костөд. Гашкө, сутш кежлө и вошліс кыддыс син водзысь коз понөльяс сайөд прөйдитигөн, пу вылын ньöти лэбач нин эз тыдав. Бөр петім прөсек вылө.

— Со вөрсаыс,— бать джөм сувтіс места вылас, кинас петкөдліс водзланы.— Қыйсьө жө.

Восьсаинын виччысьөмөн йөжгылясис руч.

Сэтшөма топөдчөма му бердө, весиг еджыд тугъя бөжыс лымйөдыс кыссьө. Пельяссө чошкөдөма, коставлытөг дзоргө-видзөдө водзө. Лои гөгөрвоана: лым улө дзевсьөм тарьяс дорө сибөдчө, мудерыд. Мудериттөг он ов, торйөн төвнад, тшыг кынөмнад и войнас оз узьсы.

А шылыд эрд вылын нем оз тыдав. Мый бара, казялөма гөрд пасяйд-а? Сэссия нель кока кыйсьысьсянь неылын лым улысь сьөд бедь пом мыччысис. Тарлөн юрас вөлөм бура төдчөны гөрд синкымъясыс. Видзчысьысь лэбач, тыдалө, лым увсянь кыліс кутшөмкө шыяс. Бордъяснас лым-буссө резигтыр ырситис-петис лым улысь. Сы бөрысь вомгорулас видчигтыр кыпөдчалісны и мукөдьяс. Руч кыккокыйв уськөдчис сыланьө, гөрд ньөвйөн мөвкнитис сынөдын, но вөлі сөр нин, водзджык лои асьсө вузалөма. Кызөктөм шыө мянлань бергөдліс юрсө да дышеника варгыльтис-пырис вөрө.

Кортөм гөсть

Өти асылө бать пырис град йөрысь, скөрысь шуис:

— Тэрмасынныд пыр, кызисюрө пуктөмныд картупельтө, кык воськов кузя мукөдлаті костьяссьө колялөмны.

Збыль, мыйлакө таво картупельыс зэв шоча мыччысис. И көйдысыс бур вөлі, и зэв мичаа чужтім, и муыс вөлі шоньд.

Мудйысян кад воис. А петавлөм нин кустьясыс мөдісны косьмыны, пөрлавыны. Бать бара скөралө, гашкө пө немөтуйтөм удобрение коялінныд. Өти асылө мудйысигөн кокөй пидзөсөдз вөйи. Гудйышти: кодкө вель ыджыд гу гарйөма, картупель новлөма тырыс. Көйдыс картупельсө чукөртөма. Өдйөджык бательы висьталі.

— Вот синтөм зверьд! Вурдысьлөн тайё уджыс. Велаліс кё, сысыс регыдөн он мын. И абу өт-нас, дзонь семья тані жыкруйтё. Дорса градсё пож кодя розьёдлёмаёсь.

Гожөмбыд тышкасим вурдысьяскөд. Тырталам-талялам ветлан туйяссё, палич помъяс тувъялам розьясас, нем оз отсав. Отилаті дөмлам, мөдлаті рушйёны-перйёны. Весьшөрө оз нимтыны муошкөн. Ош выннас пырнёвөн моз мусё кырөдө. Вөрті ветлігөн бать кинас индывліс шутемъяс вылын му чукөръяс вылө, вурдысь пө лэптөма. Отчыд весиг вөла туй вомөн выльөн лэптөм му бурысь казавлім, абу котөртөма веркөстіыс, му пытштіыс вуджөма. Отиөс тай кань кызкө кутөма йөрысь. Зэв вөлөма ичөтик ачыс, шыр кодь и эм, волялан сьөд гөна. Синъясыс дзикөдз тупкысьөмаёсь пыр му пытшкын олігас. Еджгов гыжъяса водз кокъясыс быттьө неыджыд зыръяс, бокыв бертовтчөмаёсь. Лун югыдсө оз адзыв, а уджсө ассьыс вөчө.

Картупель босьтігөн бара нин сюри төв кежлө дасьтөм запасыс, ведра-мөд новлөмаёсь гуө. А төв-нас, морыд, гөбөчө пырис, куржөвитөма мудөд гөгөрыс. Керка мөдіс кодзавны.

Аттьө суседлы. Тулысын град йөрөс гөригөн туйдөдіс. Потш йылө пө бергач крепитө, удвор помсө муө гуалөм тыртөм бөчкаө суйө. Төла дыр-йи бергачсяньыс потшкыс мөдас тарзыны и бөчкаыс шыавны, повзьөдчыны.

Сідзи и вөчим. Вурдысьяс ылыстчисны.

Выль туй

Сыктив юсянь Ручьягөдз комын верст. Онія вөр лэдзан машинаяслы, дерт, тайё абу ылын. Но ягыс сулаліс вөрзьөдлытөг. Тыдалө, сы вөсна,

мый дыр вензисны ас костаныс вөр дасътысьяс да вөралысьяс: өти-кө, район пасътаын Ручьягысь кындзи дозмөр да тар койтъяс некөн эз кольны. Мөд-кө, туйсө писькөдны коліс весиг төлын кынавлытөм егыръяс вомөн. Но век жө вөр лэдзысьяслөн выныс унджык вөлөма.

Кык төв нюжаліс туй вөчөмыс (гожөмын тракторьяс сибдөны). Вундөм прөсек вылө кыскалісны лыа, вольсалисны из плитаясөн. Вөр-ваыс кыдзи вермис водзсасис сійөс зырөмысь: лэптөм насыпыс өтырышъя «ворсіс» — то өтилаті, то мөдлаті ляпаліс-вөйис, быттьө му пыткас төщөяс эмөсь. Öтилаті лөсьөдасны, мөдлаті бара нин пөлынтьчөма. Машинаяс журласьөны, пөрөны бокыв. А дыр-ө нө өти ягид тырмас, кор став вынас вувзысисны сись кодъ пожөма вөр вылас. Кык во туй вөчисны, өти воөн эштөдісны уджсө. Сөмын туйыс коли да Ручьяглөн нимыс.

Кольөм во батькөд прөйдитім важ төдса местаясөд. Öні ставыс төдтөм лоөма, вошан. Ивереньөн пузувтөма ягкодъсө, ловъя места абу кольөма, ловъя лов ни. Бать дугдывтөг гыжъяліс баябөжсө да ойзіс. Джын вөрсө изөмны места вылас, пасътала көрта көлуй туплясьө, весиг тракторсө эновтөмаөсь, тыдалө, жугалөма да.

Вель дыр нин воим вөр петкөдан туй кузя.

— Со өд, идзас юрөн уджалігад, — бать пыдісянь ышловзис шойччыны пуксигөн. — Позис жө гежөдика трубаяс туй улас лөсьөдны, ровгаяс ли. Öні татысь ловъя гөлөс он кыв, сизылысь таркөдчөмсө да номъяслысь дзизгөмсө кындзи.

Му пышттыс, горувлань, тыдалө, ва мунанінъяс вөлөмны, а топалөм туйыс найөс помөма. Öтарланьө ваыс мөдөма көвмыны, сисътөма пуяслысь вужъяссө. Веж козъя вөрыс öні сьөдөн мурквидзис, быттьө налысь чишкалөмаөсь лыссө.

Ласича

Пуксим батькөд шойччыштны вөрса шор дорө. Пөрччим нопьясөс, ньылөдөм кокъясөс мыським көдзыд ванас. Матысса вужля улысь шурс петіс ичөтик руд зверь. Сутш кежлө кавшасьліс чатөра вуж вылө, водз лапанас гыжйыштіс пель сайсө, воштөдчис бөр. Видзөда: мөдарсяньыс нин мыччысис, чөлнөк моз өтарө-мөдарө шуркъялө косьмөм вужъяс костөд. Ачыс көв вөнъ кызта и эм. Бөръя-пом мөвкнитіс пөрөм пу кузя, шырөс шошаөдыс тепыртөма. Вөлөмкө, асьыс уджсө вөчөма. Дерт, көнкө поз матын, эськө места вылас чөсмасис кыйдөснас.

— Вот вөлөм сьөдбөжыд кутшөм гожөмын,— шуа орччөн пукалысь батьлы. Аддзывтөг тшөтш эз ов дзоля зверлысь гыөм-ветлөмсө. А сійө:

— Сорлалін. Ласича тайө. Ичөтджык на сьөдбөжысь, бөж помас абу сьөд тугйыс. Шыръясөн өнджыка пөткөдчө, аддзылін тай, нөбалис. Поз вылас кө веськалан, бурсө эн виччысь, уськөдчө. Кодкө воө Катшысөс муртса синтөг зэ коль.

— Татшөм ичөтыс?!— юала батьлысь.

— Эн видзөд туша-мыга вылас, зэв лектор вермө вөчны, весиг йөраөс чергөдны вермө.

— Йөраөс?!— чуймөдіс батьлөн висьталөмыс.— Кыдз нө сійө вөрса великансө, кор ачыс сылы кок гыж костас төрө, вермас?

— Ичөтнас и босьтө. Со мый вөлі тасянь неылын во-мөд сайын. Лызь вылын вөлі воа вөр керкасянь. Нюр дорсянь йөра ляшмасьө-петө, өтырышъя пыркөдө юрнас. Усьө-чеччө, дзикөдз нин укшальмөма, вомөдыс да пельөдыс вир сөдзтысьө-петө. Мөвпышти: лыйөма кодкө, бөръя выннас зверыс пышйө. Но тайө вөръясөд сэки некод эз ветлы. Неуна и муніс туйсянь, пласкысис.

Кор сибөдчи дінас, юрладорсяньыс ласичалөн кок туйыс вильөн гижөма, а сэтчө воаныс лым вы-

лын оз тӧдчы. Сійӧ и мыжаыс вӧлі. Кӧнкӧ, куй-
лігас пеляс вевъяліс пырны, рыжин аддзис дай
йирны мӧдіс юр вемланьыс. Йӧра ыджыд, ён, а
вӧчны нинӧм оз вермы: пыркӧдӧ юрнас, кучкалӧ
пу дорӧ, кытчӧдз садьсӧ оз вошты да чергысь.
Водзті нин кывлі та йылысь, и со аслам синмӧн
мойвиис аддзывны. Дерт, татшӧмыд шоча овлӧ...

Лысватурун

Кымын унджык ветлан вӧр-ваӧд, сымын ун-
джык тӧдмалан вильторсӧ, аддзылан аслад син-
мӧн.

— Эта ыжда ты вӧлӧма, а гашкӧ, и ю визувт-
ліс коркӧ,— кор пуксим яг дорӧсӧ шойччыштны,
бать чӧвтліс видзӧдлассӧ водзын шылькнитчӧм
нюр вылӧ.— Сӧмын ва веркӧс вермӧ лоны пызан
пӧв кодь шыльыдӧн. Косьтӧма тай кадыс, кӧнкӧ,
кымын сӧ во колис.

Збыль, нюр вылын эз тыдав ньӧти мыльк ни
гуран, паськыд отыс сылӧн мӧдарладорті ӧтла-
асис вӧртаскӧд. Шочиник вийӧриник пожӧмъяс-
лӧн сӧмын йывъясыс вежӧсь, а мукӧд пуыс ляп-
кыднас на и косьмӧма, ваыс уна, а муыс, пӧди, оз
тырмы.

Юрӧ воисны батылӧн висьталӧмъясыс ю пӧлӧн
ветласигъясӧн. Сувтас видз вылӧ, кинас петкӧдлӧ:
тані пӧ со ты лог вӧлі, тэнад арлыдӧн гычьясӧс
кӧвтлім, а ӧні ӧтрӧвнӧасьӧма, он и тӧд. Дзоля ты-
яс кӧ ӧти морт нэмӧн косьмисны, мыйла сэтшӧ-
мыс эз вермы лоны ыджыд тыкӧд.

Кадыс вӧлі пажын гӧгӧр, лысва важӧн кось-
мӧма. Но нюрдорса васӧд местаын кутшӧмкӧ ту-
рун йывъясын зільквидзисны ва войтъяс. Тайӧ вӧ-
ліны гӧгрӧс коръяса латшкӧсіник быдмӧгъяс. Кор
дорышъясас, быттьӧ синлысъяс, сатшвидзисны

вѳсни сїяс. Сї помъясас и дзирдалїс лысваыс. Ме пїдзѳсчанысї, пѳльыштї кор вылас, но ва вѳйтъясыс эз пыркавынѳ. Мѳдарѳ, корйыс быттьѳ ловзис, мѳдїс нюкрасьны.

— Аслыспѳлѳс быдмѳг тайѳ, сїнтѳм-пельтѳм, кїтѳм-коктѳм, а ассьыс вѳчѳ.— Бать чепѳльтїс зеп пїдѳссъыс ѳг чїрсѳ, койыштїс веж кор вылѳ. Кымынкѳ бус чїр веськалїс дзирдалыс вѳйтѳ. Корйыс сїн водзын мѳдїс шымыртчыны, сѳсся и дзїкѳдз пѳдласис.— Чайтїс, ловъя лов пуксис чѳс-масьны ылѳдчан клей кодъ вѳйтнас. Ном лїбѳ геб кѳ веськалїс (найѳ васѳдїнын пыр эмѳсь), пом лѳѳ, кыскас-нѳнялас, сѳсся бара воссяс.

Ме паськѳдї сїнъясѳс, быдсяма дивѳыд тай вѳр-ваад эм.

Мукѳдлаыс лысватурун меным эз паныдасьлы, а гашкѳ, эг и казьявлы.

Сїрпїян

Батьлѳн мода: вѳрысь ли, ваысь ли нем кѳ оз сюр, куш кїѳн некѳр оз бергѳдчы, пыр нїн мыйкѳ лѳдас. Ю кузя кывтїгѳн колантортѳ век казьялѳ. Веськыда кѳ шуны — найѳ асьныс вѳзйысьѳны ѳтар-мѳдар берегсянѳ. Сїйѳн и частѳ тшукѳдлѳ пыжсѳ. То льѳм пу вож сѳтас додъ пїсь вылѳ, то черпу вылѳ кыддзысь рубеч бертовтас, то казьялас пакула йѳг. Со гѳрба кыдз дзїк ва вылѳ ѳшйѳма, Поля баблы пѳ карнан артмас, кї вылас пѳ васѳ новлѳ да сьѳкыд.

— Черї кѳ эз шед, турипув вѳтыштам,— пыжсѳ кыскыштїг, талун горѳдчис сїйѳ.— Нюрыс матын, артмылѳ вутшьяс вылас.

Гѳжѳмыс вѳлї зѳра, нюрас пїдзѳсѳдз вѳялан, кок туйястѳ ваыс пыр жѳ бызгыльтѳ-тыртѳ. Мукѳдлаын пїзан пасьта гѳпъяс мурквїдзѳны, бу-

сөн да лыс ёгөн ва веркөсыс кенясьома. Вутшьяс бурьясьомаось сук эжөрөн, тусьяс чукөртигөн киястө вирөдз вундалан. Шыльдынысь пувсө өктөмны нин дозмөрьяс да турияс, ва нитш вылын ясыда төдчөны налөн креста кок туйясыс.

— Кежавлам со этиё пуйас улас,— бөр петигөн бать кинас петкөдліс ляпкыдик пожөм чукөр вылө, көні дасысь унджык рака певкыйысисны өтамодныскөд.— Мыйкө, тыдалө, аддзөмны, весьшөрө найө оз чукөртчыны, мудерьясыд.

Ракаяс ылө эз лэбны, пуксялісны пожөмьяс вылө. Вөлөмкө, тані найө неөтчыдысь нин пируйтөмаось. Ва гөп гөгөр нитшсө тальөмны и куйөдалөмны, пасьтала туплясьөны съөд да руд гөньяс. И вөлөма мыйысь: гөптыс пуө быдөн, ваыс чаль кузьта сирпийнөн суктөма. Қымынкө гатшасьөм чери пи плаввидзө веркөсас.

— Наысь мөй мыйкө дзеван, мисьтөм бугыльясысь,— бать гыжйыштис балябөжсө.— Бур, мый гөжөмыс зэра вөлі, сійөн и ловьяёсь на. Қос воө нюрас кок пыдөсыд оз көтасьлы. Тайөяс өд оз жө вермыны төвйыны, аддзан — өтамөд вылас нин усьласьөны. Збыль, содаджык сирпи вомас тшапалөма юрөдыс ассяыс ичөтджыкөс, кыкнанныс плаввидзөны.

«Эта мында чери и ставыс сгинитас, кодьясөс ракаяс помаласны, кодьяс тшыгла куласны көдзыдьяс пуксьөм бөрын»,— шөгөй босьтіс шуксьысь ловьяс вылө видзөдігөн. Батьлы шуа:

— Көвтам, юыс тай абу ылын, новлам сэтчө.

— Новлам пө, куталам да. Гөп дорас матө он сибав. Көвтны кө, кузь воропа сак ковмас. Мөд шойччан луно новлөй. Пыжтө колям гортладор берегө, сэтчөдз велосипедьяснад воанныд.

Вит зонка воим вежон мысти. Павел Васильевич мянкөд тшөтш локтіс. Матигөгөрысь ещө на аддзим татшөм гөпьяссө. Лыдтөм-тшөттөм тані вөлөма сирпиыс.

— Абу жö сиръясыд тыр сюсьöсь, кытчö колö и оз лэдзöны пöксö,— Павел Васильевич индiс кинас неыджыд кустъяслань. Быттьö пелысь розъяс ув вожъяс вылын öшалiс косьмöм сир пöк-йыс. Тулысын, ва ямтöдз, абу и удитöмаöсь ичötъясыс чужны...— И тöданныд,— водзö вись-талiс велöдысь,— быдмасны мездöмъясыд, татчö жö пырасны кульмыны. Кöни чужö-быдмö вöрса лолыс, сэтчö и воö рöдмыны. Сiдз нин нэмъясөн налөн мунö.

Арся войö

Таво тулысö ытва дырйи Вöрью вомөн поссö нуöма. А туйыс öти. Лым усьöм бöрын паськыд видзяс вылысь ковмас вель уна турун петкöдны. Ме тшötш вöзйыси, мися комъяс вугралышта, ар-над, кор усигөн, найö йиръясö чукöртчöны. Бать да Миш дядь (батьлөн ыджыджык вокыс) шуис-ны узьмöдчыны турунасян керкаын — уджыс эз эшты öти лунөн.

Рытгорулын дядь пöрöдiс сирöd мыр, юкалiс дзонь кольта сартас, сувтöдiс коз улö. Менам юа-лöм вылö, мыйла сартассö, мыйкö гөгөрвотöма нурбыльтiс вомгорулас: ковмылö пö тай. Сёйöм да чай юём бöрын менö шензьöдiс верстьö мужи-чöйяслөн асьнысö кутöмыс: керкаыс вöли ломтö-ма, кöть пасьтөг узь, а найö кыкнанныс нар вылö нюжгысисны мыйлакö пöрччысьтөг, весиг лазъяс-нас да сапөгъяснас.

Лунтыр лашъялöм бöрын менам мудзсьöма жö. Чери эг сёй, мый верми отсаси пос вöчысьяслы. Лыс новлi öти чукөрö, пажын кежлö пув вотыш-тi. Сийөн и юрöс пунктöм бöрын пыр жö унмовси. Öг тöд, уна-ö кадыс коли, кыла унйылысь, кодкö веськыд кокчөрйöс гильöдö. Гортын вильыш кань-

пи мекөд узылө, войнас виччысытөг мөдас нювсыны сарөг кывнас. Öвтышти киөн. Кодкө бара кутіс дөзмөдчыны, пидзөс дорын нин. Сюйи гач пиө киөс, кабырө шыр веськаліс. Сэки и малышти öтар-мөдарысь узысыясөс — нар вылын некод абу. Гашкө, мися, чай пузыөдны петісны көджас, арнад дыр оз югды. Кималасөн локті өдзөс дорө, некутшөм шыяс некөн оз кывны, войыс быттьө сап пемыд эшкынөн ставсө невттьөма асылөдз. Повзышти быдөн. «Кытчө» бара дядьөй да батьөй мунісны, мыйла нинөм эз висьтасыны».

Бөр куткыртчи нар вылө. Нар улын чипсасисны, мыйкө гиджгисны шыръяс. Унмөй воши. Сэн жө керка мышкын кодкө збылысь мөдіс повзөдчыны. Быттьө өш буксө, сэсся мөдас увтчыны пон моз, медбөрын вак-вакөн серөктас вөр тырнас. Татшөм страк дырйи кутшөм нин узыөм, нар улын весиг шыръяс ланьтісны. Жөч банкаысь вөчөм лампаө биаси, гормөдчан бедь сюйи өдзөс вугйө.

А керка мышкын быттьө кодъяскө вензьөны, горалөны. «Оз жө өд Миш дядь батьөкөд мыйкө сэні вөчны,— мөвпышти ас кежам.— Луныс налы оз тырмы...» Восьті керка өдзөс да мый вынсьым горөді пемыдас: «Батьө! Миш дядь!» Сысянь нерана гөлөс: «Ха-ха-ха!» Вадорсянь сэки дзулкнитіс би югөр, бательөн воис пельөдз гөлөсыс: «Охо-хо! Воамө!..» Вөлөмкө, воысыяс кок увсө югзөдөны сартаса биөн.

— Ті нө көні вөлінныд, ветланныд-повзөдчанныд войнас?! Садьми да өтнам,— зіля кутчысыны, мед повзөмөс оз казавны, көть гөлөсөй тірзышті на.— Öтнамөс кольөмныд...

— Сійө сюзь кустьяс улө дзевсьөм көчьясөс повзөдлө. Букуйыд шытөг лэбалө и войын аддзө, вөрзясны кө узянінсьыс кузь пельясыд, регыд и тшапалас.

— Горт видзны колим, со биасьөмыд и быдөн,— Миш дядь ыджыд мортлы моз шуис меным,

лэбын кодъ кузь воропа адзлас сувтөдіс керка пельөсө.— Вөр-ваысь эн пов, сійө пыр тэнө видзас, косьтас и шонтас, вердас и удас.

— Дядьыд тай кыбны вөлі нуөдчө,— би пес-тигмоз шыасис бать.— Со сирпиян неуна сатшө-дім. Буретш чөскыда вөлі узян, эг нин торкөй. Сэн жө берегьясыс Вөръяулөн лөкөсь. Нурьясыш-штам, да позьө на шойчыштны.

Стөрөж

Вөр-ваад тай сідз нин лөсьөдөма: коді ёнджык, сійө и көзяитө. Ном-гебөн, гут-гагөн пөткөдчөны посни лэбачьяс, но асьныс веськалөны жө лэчыдгыж улө варышьяслы, ручьяслы. Олөмыд, дерт, быдөнлы дона, сійөн и став ловья лолыс, кызди кужө, мудеритө. Коді кок да борд вылас надейтчө, коді син да пель вылас. Унаөн пасьнас да мыгөрнас сорсьөны олан местаыскөд, мый кык воськов сайысь он торйөд, оз кө асьсө вузав. Сы понда жө и кодсюрө вежө гөнсө төв и гожөм кежлө. А чукөрөн олысьяс пиысь пыр нин кодкө өти стөрөжитө. Весиг гортса пемөсьяс оз вунөдны та йылысь. Мөсьясөс ли вөвьясөс босьтам: водасны кө шойчыштны йирсьөм бөрын, лөсьөдчасны сідзи, мый гөгөр аддзөны. Либө на пиысь кодкө сулалө бокинджык. Сэтшөм стөрөж йывсьыс и көсья висьтавны.

Сыктылөд кывтигөн пельөдз друг воис чорыда мурөстөм, быттьө кос пу чегьялісны матын. Сійө жө здукө кыр йывсянь тішмыльтчис-усис арөс-мөда чань, муртса пыжнымөс эз пөрөд. Видз вывті кыліс вөвьяслөн скачөн вартөдөм. Эг на удитө петны пыжысь, кыркөтш йылын тыдовтчис ош, дась чеччыштны увлань. Сійө мисьтөма видзөдліс

миян вылө, тэрмасьтөг веськөдчис вөрлань. А бать шуө:

— Чибөяс шойччөмны-куйлөмны вылын местын, лөдз-өвадсө төлыс нөбөдө татысь. Этайө со,— кинас индїс вадорын сулалысь гөрд чань вылө,— стөрөжитіс. Да ошкыд тай мудерджык вөлөма: бадьяс дорті кызд позьө матөджык сибөдчөма, ещө и төлыс пөльтөма сыланьө. Сэсся марөстөма мый вынсьыс, мед повзьөдны чорыда. Уськөдчис кө, эз на суөд тшапавны. Куйлысьясөс тайө шыыс чеччөдіс-сувтөдіс кок йылас, восьсаинын найөс ошлы не суөдны. А стөрөжыс юрнас муртса эз мынтысь, виччысьтөмла чергысис-пөрис. Бур, мый сьылідзирсө эз чегъяв, дзик берег дорышас сулалөма. Да ещө ми лөсялім.

Час гөгөр лои вөтлыны видз помын чибөяс дорө. Сэтшөма повзьөма, коньөр, синъясыс сувтса, яйыс легзьө. Казяліс йирсьысьясөс, гөрөктіс юрсө чатөртөмөн, да кызд пыйыштіс налань, палкнитөм гөрд чышьянөн дөлаліс бурысьыс.

«Завал»

Лөпью сайын батькөд лунтыр вөтлысим тулан бөрся, сідзи и эз сюр. Рыгъядор наян зверь вуджис муртса йиөн кенясьөм вөр ю вомөн.

— Аски ещө кутчысьлам туявны, гортланьө тай сетчис. Поскөдыс юсө вуджам, дерт, кытшов лоө, но нинөм, водзджык вөрзям.

— Ноддя кутам вөчны?— юала бательысь.

— Ог. Кык пу костө лысьясысь стен кодь вөчышт, ме эсийө кос пожөмсө пөрөда, би киньясыс озджык резны.

Бать пөрөдіс да орийөдліс пусө, ме кык коз костө лыс лапьясысь потшөс лепсалі-тэчи, неуна бипурлань пөлөсөн. Сэтчө и ланьтөдчим. Повод-

дяыс абу кӧдзыд, кӧть муын ки вомлӧс лым нин. Бисянь швачкӧ шоныдыс, пыксӧ потшӧминӧ. Бать пӧрччис фуфайкасӧ и шапкасӧ.

Арся войыд кузь. Батьлысь ӧтитор юала, мӧдтор, а сийӧ кык кывйӧн вочавидзас, бӧр ланьтӧ — мудзӧма лунтырнас. Би кывъяс шытӧг нюлӧны кос пожӧм кражъяс, тшынсӧ пуяс костӧд юлань бертӧ.

Коркӧ вой шӧр кадӧ Катшыс сувтис куйланінсьыс, бӧжсӧ люньгӧдӧма, лӧвтӧ-никсӧ нораа, быттьӧ висьмис да бӧрдӧ. Бипур дорӧ волас, бӧр ылыстчас, инас оз ӧшйы.

— Ланьт, войдур!— бать топӧдышталіс шӧри орӧм кражъяссӧ. А пон оз думайт ӧвсьыны.— Зэрмас али нӧ пурга петас? Найӧ ӧд водзвыв тӧдӧны поводдя вежсьӧмтӧ,— индіс вийсьысь Катшыс ылыӧ.

Ставыс лои виччысьтӧг, ӧти здукӧ. Быттьӧ вӧрзис ставнас вӧр-ваыс, кыткӧ потіс, пуяслӧн каджӧдӧм-чегъясьӧмыс дзеналіс пельясын. Бать мыйкӧ шуаліс вомгорулас, кокъяс дорас топӧдчӧм пон легзис ставнас.

Асывнас петім ю дорӧ, писькӧдчыны водзӧ ог вермӧй. Ю чукыль кӧджын пожӧма ягыс быттьӧ абу и вӧвлӧма, став пуыс водӧма ӧтарӧ йылӧн, быттьӧ воӧм сю тӧв да зэр топӧдӧмны му бердӧ. Струна кодь веськыда падера тӧв шылькнитӧма вӧрсӧ верст-мӧд кузя. Тырмӧма тай выныс!

— Аслам нэмӧ унатор нин аддзылі,— бать пырна шензис места ылас,— но мед тадзи... ен видзас.

Тӧвбыд дзонь бригада чинталіс да кыскаліс сӧтысь вӧрсӧ.

Ӧні сӧті летороссялӧма, но важ моз пырна «Завалӧн» местасӧ нимтӧны.

ЮРИНДАЛЫСЬ

Талун и аски

Дзирья	4
Пеган	6
Сьёкыд во	8
Петя Голосов	10
Юсь	12
Тополь	13
Сьёкыд шыпас	15
Чавканъяс	17
Сюрук	19
Кыдзи быдмис Коля	21
Буско	22
Сусед	26
Кыськө тай воисны	28
Печеньё джын	29
Көрт туй вылын	32
Школаса музейын	33
Медводдза руч	35
Корсьоны мыжаёс	37
Лун шөр лунын	39
Дениска	41
Поля баблөн льём пу	43
Сяръясим	44
Чикышъяс	47
Гриш-Пашъяс	49
Сьёрсьён-бёрсьён	54
Штрап	56
Булька	59
Фокус-мокус	60
Дас во бёрын	61
Сьылөмысь козин	63
Пес керас вылын	65
Лөз туис	67
Ошпиян	71
Ельдёгла	72
Туй нимъяс	78
Пруд берег вылын	79
Шойччан лунё	81
Эз шойёвош	82

Воис бөр	83
Кык лэбач	84
Тодса туйод	85
Водз асылын	86
Ме пышкой дор	88
Отка пу	89
Вугырын утка	90
Мудер лэбачьяс	91
Вежөм	92
Ыджыд шыпасьянь	94

Гудыров вокъяс

Жонь	96
Льомпуашор дорын	99
Толысь мамтөг	103
Дозмөр поз	109
Повтёма чеччыштіс	114
Ябыръяс	117
Лысан	121
Отсалісны уткалы	122
Обида	125
Ыджыд ёкыш	127
Неминуча	131

Батькөд вөрті ветлігөн

Сьод тугья бөжа	136
Вөрсә прөсек вылын	138
Кортөм гөсть	139
Выль туй	140
Ласича	142
Лысватурун	143
Сирпиян	144
Арся войө	146
Стөрөж	148
«Завал»	149

Для детей младшего школьного возраста

Литературно-художественное издание

ТОРОПОВ Василий Павлович

СЕГОДНЯ И ЗАВТРА

Рассказы на коми языке

Редактор А. В. Тентюков. Художник В. И. Краев. Художественный редактор В. Б. Осипов. Технический редактор А. Н. Вишнева.

Сдано в набор 23.03.93. Подписано в печать 10.06.93. Формат 84×108¹/₃₂. Бумага № 1. Гарнитура «Литературная». Печать высокая. Усл. печ. л. 7,98. Усл. кр.-отт. 8,4. Уч.-изд. л. 6,3. Тираж 2000. Заказ № 1784. Коми книжное издательство. 167610, Сыктывкар, ул. Карла Маркса, 229.

АО «Коми республиканская типография». 167610. Сыктывкар, ул. Первомайская, 70.

202

